

SAN MATEO

*Jesucristo ñekūsāmarā āārīturiamarīridea
(Lc 3.23-38)*

¹ Jesucristo ñekūsāmarā iripoegue marā āsū āārīnerā āārīmá. Jesucristo, David parāmi āārīturiagu āārīdi āārīmí. David, Abraham parāmi āārīturiagu āārīdi āārīmí.

² Abraham Isaac pagu, Isaac Jacob pagu,
Jacob Judásā pagu āārīdi āārīmí.

³ Judá pūrā Fares, Zara wāikurā āārīnerā āārīmá.
Īgūsā pago Tamar wāikudeo āārīmó.

Fares Esrom pagu, Esrom Aram pagu,

⁴ Aram Aminadab pagu, Aminadab Naasón pagu,
Naasón Salmón pagu,

⁵ Salmón Booz pagu āārīdi āārīmí. Īgū pago Rahab
wāikudeo āārīmó.

Booz, Obed pagu āārīdi āārīmí. Īgū pago Rut
wāikudeo āārīmó.

Obed Isai pagu āārīdi āārīmí.

⁶ Isai Israel bumarā opu David pagu āārīdi āārīmí.
David, Urías marāpo āārīdeo merā Salomón
wāikugure pūrākudi āārīmí.

⁷ Salomón Roboam pagu, Roboam Abías pagu,
Abías Asa pagu,

⁸ Asa Josafat pagu,

Josafat Joram pagu, Joram Uzías pagu,

⁹ Uzías Jotam pagu, Jotam Acáz pagu,
Acáz Ezequías pagu,

¹⁰ Ezequías Manasés pagu,

Manasés Amón pagu, Amón Josías pagu,

11 Josías, Jeconíasã pagu ããrĩdi ããrĩmí. Īgūsã ããrĩripoere Israel bumarãrẽ Babilonia marã gapu ñeã, Īgūsãya nikũgue ãĩãnerã ããrĩmá.

12 Irasirigu, Jeconías Babilonia nikũgue Salatiel wãikugure pũrãkudi ããrĩmí.

Salatiel Zorobabel pagu,

13 Zorobabel Abiud pagu,

Abiud Eliaquim pagu, Eliaquim Azor pagu,

14 Azor Zadoc pagu, Zadoc Aquim pagu,

Aquim Eliud pagu,

15 Eliud Eleazar pagu,

Eleazar Matán pagu, Matán Jacob pagu,

16 Jacob, José pagu ããrĩdi ããrĩmí.

José, María marãpu ããrĩdi ããrĩmí. María, Jesús masakare taubu “Cristo” wãikugu pago ããrĩdeo ããrĩmó.

17 Abraham merã keopurori, Daviguere marĩ keotũnumakũ, ããrĩpererã Abraham parãmerã ããrĩturiarã catorce burigora masãporewãgãnerã ããrĩmá. David merã Īgũ parãmerã ããrĩturiarãrẽ keomakũ, Babiloniague Israel bumarãrẽ Īgūsã ãĩaburo dupuyuro keotũnumakũ, catorce burigora masãporewãgãnerã ããrĩmá. Dupaturi Babiloniague Īgūsã ejadero puru, Īgūsã parãmerã ããrĩturiarãrẽ keopurorimakũ, Cristo deyoadero puru keotũnumakũ, catorce burigora masãporewãgãnerã ããrĩmá doja.

Jesucristo deyoadea

(Lc 2.1-7)

18 Jesucristo deyoaburi ãsũ waayuro. Īgũ pago María, José merã marãpukubo iriyupo. Īgūsã suro

merã ããrĩrikuburo dupuyuro Õãgũ deyomarĩgũ turari merã nijĩpo ããrĩnũgãsiayupo.

19 José igo merã mojõsiabu diayemarẽ irigũ ããrĩyupũ. Irasirigũ, igo nijĩpo ããrĩrĩrẽ masĩgũ, masaka iũrõgue igore: “Ñerõ irideo ããrĩmó”, ãrĩ weresãduabi, ãgũsã masĩbirimakũta igore béobu iriadiyupũ.

20 Irire ãgũ gũñaripoe Marĩpũre wereboegũ, kërõgue ãgũrẽ deyoa, ãsũ ãrĩyupũ:

—José, David parãmi ããrĩturiagũ, Marĩare ñerõ gũñabirikõãka! Igo, Õãgũ deyomarĩgũ turari merã nijĩpo ããrĩnũgãsiamo. Irasirigũ gũiro marĩrõ igo merã mojõsiaka!

21 Igo majĩgũrẽ pũrãkũgokumo. ãgũ ãgũyarã masakare ãgũsã ñerĩ iridea wajare taubu ããrĩgũkumi. Irasirigũ ãgũrẽ “Jesús”^{*} wãiyegũkoa, ãrĩyupũ Marĩpũre wereboegũ Josere.

22 I ããrĩpereri Marĩpũ ãgũya kerere weredupuyudire gojadorederosũta waayuro. ãsũ ãrĩ gojasũdero ããrĩbũ:

23 Sugo nomeõ ãmũũ merã ããrĩbirikerego, sugũ majĩgũ pũrãkũgokumo. ãgũ “Emanuel” wãikũgũkumi, ãrĩ gojasũdero ããrĩbũ.[☆]

“Emanuel”, ãrĩrõ: “Marĩpũ marĩ merãta ããrĩmi”, ãrĩduaro yáa.

24 José kãrĩadi yobeja, pũrũ Marĩpũre wereboegũ ãgũrẽ doreaderosũta Marĩa merã mojõsiayupũ.

25 Irasirikeregũ, igo magũrẽ pũrãkũburo dupuyuro igore marãpokũbi irirosũ ããrĩkõãyupũ. Igo pũrãkũadero pũrũ, majĩgũrẽ “Jesús” wãiyeyupũ.

^{*} 1:21 “Jesús”, ãrĩrõ: “Marĩ Opũ marĩrẽ taumi”, ãrĩduaro yáa.

[☆] 1:23 Is 7.14

2

Masĩrĩmasã Jesúre ĩārã waadea

¹ Herodes wãĩkũgũ, Judea nikũ marã opũ ãārĩripoe Jesús iri nikũma makã Belẽgue deyoayupũ. Ĩgũ deyoadero pũrũ, abe mũrĩiro gapũ marã neñukãrẽ õārõ masĩrĩmasã Jerusalẽgue ejañurã.

² Iroque eja, iri makã marãrẽ sērẽñañurã:

—Sugũ majĩgũ deyoadi judío masaka opũ ãārĩbu, ¿noógue ãārĩrĩ? Gũaya nikũgue gũa ãārĩmakũ, abe mũrĩiro gapũ neñukãmũ ĩgũ deyoarire ĩmugũ boyopũrorimakũ ĩãbũ. Irasirirã ĩgũrẽ bũremurã aarirã iriabu, ãrĩñurã.

³ Opũ Herodes ĩgũsã irasũ ãrãdeare pébokagũ, bũro gũñarikũyupũ. ãārĩpererã Jerusalén marãde gũñarikũñurã.

⁴ Irasirigũ Herodes ãārĩpererã paía oparãrẽ, Moisés doredeare buerimasãdere siiu needõ, ĩgũsãrẽ sērẽñayupũ:

—Cristo, Marĩpũ iriubu, ¿noógue deyoabu ãārãyuri? ãrĩyupũ.

⁵ Ĩgũ irasũ ãrĩmakũ, ãsũ ãrĩ yũjuñurã:

—Judea nikũma makã Belẽgue deyoagũkumi. Iripoegue Marĩpũya kerere weredupuyudi ãsũ ãrĩ gojadi ãārĩmĩ:

⁶ Belén wãĩkũri makãgue sugũ Opũ deyoagũkumi. Ĩgũ Marĩpũyarã Israel bumarãrẽ korebu ãārĩgũkumi.

Irasiriro Belén Judea nikũ ãārĩrĩ makãrĩ watope ubu ãārĩrĩ makã ãārĩkerero, gaji makãrĩ

nemorō āārīrokoa, ārī gojadi āārīmí, ārī wereñurā Herodere.✧

⁷ Īgūsā irasū ārīmakū pégu, Herodes masīrīmasārē siiu, masaka péberogue sērēñayupũ:

—¿Naásū āārīmakū neñukāmu deyoari? ārīyupũ.

⁸ “Irinugue deyoami”, ārī yujamakū pégu, Īgūsārē Belēgue āsū ārī iriuyupũ:

—Iro marārē: “¿Noógue āārīrī, majīgū deyoadi?” ārī sērēñarā waaka! Īgūrē bokajarā, õõta goedujarika, yure Īgū āārīrõrē weremurā! Yude Īgūrē buremugū waaduakoa, ārīyupũ Īgūsārē.

⁹⁻¹⁰ Īgū irasū ārīmakū pé, Belēgue waakõañurā. Maague waamakū, neñukāmu, abe murīriro gapũ boyoadi Īgūsā dupuyuro waadupuyuyupũ, Īgūsā waarí maarē ĩmugū. Īgūsā neñukāmurē ĩārā, buru usuyañurā. Neñukāmu Īgūsā dupuyuro waa, majīgū Īgū āārīrī wii weka dujanugājayupũ.

¹¹ Irasirirā iri wiigue ñajārā, majīgūrē, Īgū pago María merā āārīgūrē bokajañurā. Īgūrē ĩā, Īgū puro ñadukupuri merā ejamejā: “Õõtarimi”, ārī buremuñurā. Īgūsā āiadea kũmarīrē tũpā: oro, incienso, mirra wāĩkuri sūrõrī wajaparire Īgūrē sīñurā.

¹² Puru Īgūsā kārīripoe Marīpu kērõgue wereyupũ:

—Musāya makāgue goedujáarā, Herodes puro waarí maarē dujáabirikõāka! Gaji maa gapũ dujáaka! ārī wereyupũ. Irasirirā gaji maa gapũ goedujáañurā.

José, María merā majīgūrē Egiptogue āĩduriadea

13 Masĩrĩmasã goedujáadero pũru, Marĩpũre wereboegũ Josére kěrõgue deyoa, ãsũ ãrĩ wereyupũ:

—Yobeka! Majĩgũrẽ, ĩgũ pago merã Egipto nikũgue ãĩduriwãgãka! Yũ mũrẽ: “Dujarika!” ãrĩ weremakũgue dujarika! Herodes majĩgũrẽ ãmabu yãmi ĩgũrẽ wějẽbu, ãrĩ wereyupũ.

14 ĩgũ irasũ ãrĩmakũ pégu, José yobe, majĩgũrẽ ãĩ, pago merã ñamita Egiptogue waakõãyupũ.

15 Herodes okaropã irogue ããrĩñurã. Irasiriro Marĩpũya kerere weredupuyudi Marĩpũ magũrẽ ĩgũ ãrĩdeare gojaderosũta waayuro. Marĩpũ ãsũ ãrĩdi ããrĩmĩ: “Yũ magũrẽ Egiptogue ããrĩgũrẽ si-iubũ”.

Herodes ãma pũrãrẽ wějẽbéodoredea

16 Herodes, masĩrĩmasã ĩgũ pũro goedujáabirimakũ ĩãgũ, guatariakõãyupũ. Irasirigu Belén marãrẽ, iri makã tũro ããrĩrãdere ãma pũrãgãrẽ wějẽpeokõãdoreyupũ. Masĩrĩmasã ãrĩdeare gũñagũ: “Õõpãta majĩgũ masãkumi”, ãrĩ gũñayupũ. Irasirigu pe bojori oparãrẽ, pe bojori doka oparãrẽ wějẽbéodoreyupũ.

17 ĩgũ irasiriri Jeremías Marĩpũya kerere weredupuyudi gojaderosũta waayuro. ãsũ ãrĩ gojadi ããrĩmĩ:

18 Ramá wãĩkũrogue bũro bũjawereri merã dujaritua, orerãkuma. Raquel parãmerã ããrĩturiarã Israel bumarã nome ĩgũsã pũrãrẽ bũro orerãkuma.

Īgūsā pūrārē wējēmakū ĩārā, bujawereduúbirimakū, gajerā ĩgūsārē gũñaturamakū iri-masĩbirikuma, ārĩ gojadi āārĩmĩ.*

19 Herodes boadero pũrũ, Marĩpũre wereboegũ Josere Egiptogue āārĩgũrē kērōgue deyoa, āsũ ārĩyupũ doja:

20 –Majĩgũrē wējẽduanerā boapereakõāma. Irasirigũ majĩgũrē, pago merā Israel bumarāya nikũgue āĩ dujāaka doja! ārĩyupũ.

21 Īgũ irasũ ārĩmakū pégũ, José yobe, majĩgũrē, pago merāta Israel bumarāya nikũgue āĩākõāyupũ.

22 José gapũ Judea nikũgue ejagũ, Herodes magũ Arquelao wāĩkugũ ĩgũ pagũ dagũre gorawayudi āārĩmi, ārĩrĩ kerere pégũ, gũiyupũ. Irasirigũ, kērōgue Marĩpũ ĩgũrē werederosũta Judea nikũrē taria, Galilea nikũgue waakõāyupũ.

23 Iri nikũguere Nazaret wāĩkũri makāgue eja, āārĩyupũ. Irasiro Marĩpũya kerere weredupuyunerā gojaderosũta waayuro. Āsũ ārĩ gojanerā āārĩmā: “‘Cristo, Marĩpũ iriudi Nazaretmũta āārĩmi’, ārĩrākuma masaka”, ārĩ gojanerā āārĩmā.

3

Juan masakare wāĩyerimasũ buedea
(Mr 1.1-8; Lc 3.1-9, 15-17; Jn 1.19-28)

1 Iripoere Juan masakare wāĩyerimasũ Judea nikũ masaka marĩrōgue ĩgũ pũro ejarārē Marĩpũyare buenugāyupũ.

2 Āsũ ārĩ werenayupũ:

* 2:18 Jer 31.15

—Mũsã ñerõ iririre bujawereka! Mũsã gũñarĩrẽ gorawayuka! Mérõ dũyáa, Marĩrũ ĩgũyarãrẽ doreri ejaburo, ãrĩ werenayurũ.

³ Iripoeguemu Isaiás Marĩrũya kerere weredupuyudi, Juan iriburire ãsũ ãrĩ gojadi ããrĩmĩ:

Sugũ, masaka marĩrõgue buro gainĩrĩ merã: “Marĩ Orũ aariburi dupuyuro ĩgũ aariburi maarẽ diayema maa õãrĩ maa ãmurã irirosũ diayemarẽ irika!” ãrĩ weregũkumi, ãrĩ gojadi ããrĩmĩ.✠

⁴ Juãya surĩro camellu poari merã suadea surĩro ããrĩyuro. ĩgũya yũjũwẽñarĩdade waibu gasiro merã irideada ããrĩyuro. Poreroa, mume makãnúu marãyare baarikũyurũ.

⁵ Jerusalén marã, ããrĩperero Judea nikũ marã, dia Jordán wãikũdiya tũro marãde ĩgũrẽ pérã ejañurã.

⁶ ĩgũsã ñerõ irideare bujawere, Marĩrũre were-tarimakũ ĩãgũ, ĩgũsãrẽ deko merã wãiyeyurũ dia Jordán wãikũdiyague.

⁷ Juan, wárã fariseo bumarã, saduceo bumarã ĩgũrẽ wãiyedorerã ejamakũ ĩãgũ, ãsũ ãrĩyurũ:

—Mũsã ãña irirosũ ñerã ããrã. ¿Noã mũsãrẽ õõguere aaridoreari? “Marĩrũ, gũa ñerõ iriri waja gũare wajamoãbirikõãburo”, ãrĩrã, ¿yũre wãiyedorerã aarari?

⁸ Mũsã: “Gũa ñerõ irideare bujawere, gũñarĩrẽ gorawayuabu”, ãrĩrã, mũsã ñerõ irideare piri, õãrĩ garũre irika! Mũsã irasirimakũ, Marĩrũ mũsãrẽ wajamoãbirikumi.

✠ 3:3 Is 40.3

9 Músã: “Gua Abraham parãmerã ããrĩturiarã ããrĩmakũ, Marĩpũ guare wajamoãbirikumi”, ãrĩ gũñabirikõãka! Yũ mũsãrẽ ãsũ ãrã: “Músã gũñarĩrẽ gorawayubirimakũ, músã Abraham parãmerã ããrĩturiari wajamáa. Marĩpũ i ütãyeri merã Abraham parãmerã ããrĩturiarã waamakũ irimasĩmi”.

10 Músã ñerĩ iririre piribirimakũ ããgũ, Marĩpũ mũsãrẽ béogũkumi. Sugũ yukũ ñerĩ dukakũdire ãã, kõme merã nugũrĩgue merãta diti, peamegue soebéorosũ mũsãrẽ béogũkumi.

11 Músã ñerõ irideare bujawere, músã gũñarĩrẽ gorawayumakũ ããgũ, yũ mũsãrẽ deko merã wãiyegũkoa. Yũ pũrũ aarigũ, yũ nemorõ turagũ ããrĩmi. Yũ gapũ ubu ããrĩgũ, ããgũrẽ neõ saropebirikoa. ããgũ mũsãrẽ Õãgũ deyomarĩgũ merã, peame merã wãiyegũkumi. Irasirigũ Õãgũ deyomarĩgũrẽ músã merã ããrĩnĩmakũ irigũkumi, ñerĩrẽ soebéorosũ mũsãrẽ ñerĩrẽ béoburo, ããrĩgũ.

12 Trigo gasirire korobéogũ irirosũ ããrĩmi. Gasirire koro odo, iri yerire baari duripĩri wiigue duripĩgũ irirosũ õãrõ irirãrẽ ããgũ pũroque ããagũkumi. Gasiri gapũre peamegue soebéogũ irirosũ ñerõ irirãrẽ peamegue béogũkumi. Iri peame neõ yaribirikoa, ããrĩ werenayupũ Juan masakare.

*Juan Jesúre deko merã wãiyedea
(Mr 1.9-11; Lc 3.21-22)*

13 Juan masakare dia Jordán wãikũdiyague deko merã wãiyeripoe Jesús Galileague ããrãdi ããgũrẽ wãiyedoregũ waayupũ.

14 Irogue ejamakū, Juan ĩgūrē wāīyeduabiradiyurɛ:

—¿Mu garɛ yure wāīyeronono irigu yure wāīyedoregu aariri? ārīyurɛ.

15-16 Jesús garɛ ĩgūrē yɛjɛyurɛ:

—Yure wāīyeka! Marīrē āārīpereri Marīɛ dorederosūta iriro gāāmea.

Īgū irasū ārīmakū pégu: “Jáɛ”, ārī, Jesúre wāīyeyurɛ. Wāīye odomakū, Jesús diague níadi majānɛgāmakūta, ũmɛgasi tūpākōāyuro. Ōāgū deyomarīgū buja irirosū deyogu dijari, ĩgū weka ejabejamakū ĩāyurɛ.

17 Marīɛ ũmɛgasigue āārīgú āsū ārīyurɛ Jesúre:

—Ī yɛ magū, yɛ maīgū āārīmi. Īgū merā buro ɛsɛyáa, ārīyurɛ.

4

*Wātī Jesúre ārīmesādidea
(Mr 1.12-13; Lc 4.1-13)*

1 Pɛrɛ Ōāgū deyomarīgū Jesúre masaka marīrōgue āīayurɛ, wātī ĩgūrē ārīmesāburo, ārīgū.

2 Iroguere Jesús cuarenta nɛrī, cuarenta ñamīrīgora baabiriyurɛ. Pɛrɛ ɛaboakōāyurɛ.

3 Īgū ɛaboamakū ĩāgū, wātī ĩgū pɛro eja, āsū ārīyurɛ:

—Diayeta Marīɛ magū āārīgú, mɛ turaro merā i ũtāyerire pā duparu waamakū irika! ārīyurɛ.

4 Jesús garɛ ĩgūrē yɛjɛyurɛ:

—Yɛpɛyɛa werenírī gojadea pūgue: “Baari dita masakare okamakū iribea. Āārīpereri Marīpɛyɛa

werenírĩ gapu ĩgũsārē okamakũ yáa”, ārĩ gojasũdero āārĩbú, ārĩ wereyupu Jesús wātĩrē.

⁵ Pũũ wātĩ Marĩpũya makā Jerusalēgue Jesúre āĩa, Marĩpũya wii wekague āĩmurĩa,

⁶ ĩgũrē āsũ ārĩyupu:

—Diyeta Marĩpũ magũ āārĩgũ, yebague parimadijaka! ĩgũya werenírĩ gojadea pũgue:

Marĩpũ ĩgũrē wereboerārē murē koredoregukumi, neõ ũtāyegue meébejabirikõāburo, ārĩgũ, ārĩ gojasũdero āārĩbú, ārĩ wereyupu wātĩ Jesúre.✧

⁷ Jesús ĩgũrē yũjũyupu:

—Yũpũya werenírĩ gojadea pũgue: “Bũremurĩ marĩrõ Marĩpũre: ‘Mũ turari merā yũre gajino iri ĩmuka!’ ārĩbirikõāka!” ārĩ gojasũdero āārĩbú, ārĩ wereyupu Jesús wātĩrē.

⁸ Pũũ wātĩ Jesúre ũmarĩ buúru wekague āĩmurĩayupu doja. Irogue āārĩpereri i ũmũma makārĩrē, masaka oparidere ĩmupeokõāyupu.

⁹ Irire ĩmupeo, Jesúre āsũ ārĩyupu:

—Mũ ñadũkupuri merā ejamejāja, yũre: “Mũ, yũ Opũ āārā”, ārĩ bũremumakũ, i āārĩpererire murē sĩgũra, ārĩyupu.

¹⁰ ĩgũ irasũ ārĩmakũ, Jesús āsũ ārĩyupu:

—Satanás, yũ pũrore wirika! Yũpũya werenírĩ gojadea pũgue: “Marĩpũ direta bũremuka! ĩgũ doreri direta irika!” ārĩ gojasũdero āārĩbú, ārĩ wereyupu Jesús wātĩrē.

¹¹ ĩgũ irasũ ārĩmakũ pégu, wātĩ waakõāyupu. ĩgũ waadero pũũ, Marĩpũre wereboerā Jesúre iritamurā ejañurā.

✧ 4:6 Sal 91.11-12

*Jesús Galilea nikūgue masakare buenugādea
(Mr 1.14-15; Lc 4.14-15)*

¹² Juārē peresu iridea kerere pégu, Jesús Galilea nikūgue waakōāyupū.

¹³ Iro āārīrī makā Nazarere tariwāgā, Capernaum wāikuri makāgue ejayupū. Galilea wāikuri ditaru turo āārībú Capernaum. Iri makā Zabulón bumarāya nikū, Neftalí bumarāya nikū āārīunadero āārībú.

¹⁴ Jesús irogue ejagu, iripoeguemu Marīpuya kerere weredupuyudi Isaiás gojaderosūta iriyupū. Āsū ārī gojadi āārīmí:

¹⁵ Zabulón bumarāya nikū, Neftalí bumarāya nikū āārīunadero, judío masaka āārīmerāya nikū āārā. Ditaru turo, dia Jordán wāikudiya abe űājārōgue Galilea wāikuri nikū āārā.

¹⁶ Iro marā, naītīārōgue āārīrā irirosū Marīpuyare masībema. Īgūsā masībiri waja peamegue waabonerā āārīma. Irasū āārīkererā, sīāgorire ĩārā irirosū ĩgūsārē taubure ĩārākuma. Īgūta ĩgūsārē Marīpure masīmakū irigu aarigukumi. Irasirirā boyorogue āārīrā irirosū āārīrākuma, ārī gojadi āārīmí.✧

¹⁷ Jesús irogue āārīgú, masakare āsū ārī buenugāyupū:

—Mūsā űerī iririre bujawereka! Mūsā gūñarīrē gorawayuka! Mérō duyāa, Marīpu ĩgūyarārē doreri ejaburo, ārīyupū.

*Jesús wapikurā waaí wējērīmasārē siuidea
(Mr 1.16-20; Lc 5.1-11)*

✧ 4:16 Is 9.1-2

18 Jesús Galilea wāikuri ditaru turogue ejagu, Simōrē, ĩgũ pagumu Andrére bokajayumu. Simōta “Pedro” wāikuyumu. ĩgūsā waaí wējērīmasā āārīñurā. Ditarugue ĩgūsāya buidire meéyorā iriñurā.

19 Jesús ĩgūsārē:

—Náka, yu merā! Daporare musārē waaí wējērīmasā āārīrīrē piri, Marīpuya kerere wererimasā āārīmakū irigukoa, āriyumu.

20 ĩgũ irasū ārīmakū pérā, mata ĩgūsāya buiriyukure píkōā, Jesús merā waakōāñurā.

21 Puru Jesús yoaweyaro waa, Santiagore, ĩgũ pagumu Juārē bokajayumu. ĩgūsā Zebedeo wāikugu pūrā āārīñurā. ĩgūsāya doódirugue ĩgūsā pagu merā ĩgūsāya buiriyukure āmurā iriñurā. Jesús ĩgūsārē: “Náka, yu merā!” āri siiuyumu.

22 ĩgũ irasū ārīmakū pérā: “Jáu”, āri, ĩgūsāya doódirure, pagure píkōā, Jesús merā waakōāñurā.

Jesús wárā masakare buedea

(Lc 6.17-19)

23 Jesús āārīperero Galilea nikūrē judío masaka nerērī wiirigue buegorenayumu. Ōārī kerere, Marīp ĩgūyarārē doregu āārīrīrē bueyumu. Irasū āārīmakū pūrīrikurārē āārīpereri ĩgūsā pūrīrīrē tauyumu.

24 ĩgũ irasiriri kerere āārīperero Siria nikū marā masīpereakōāñurā. Irasirirā gajerosūperi sīrīrī oparārē, pūrīrikurārē, wātēa ñajāsūnerārē, ñamasīrīrī oparārē, waamasīmerādere Jesús purogue āññurā. Irasirigu āārīpererārē tauyumu Jesús.

25 Īgũ irasirimakũ ĩārã, wárã Galilea nikũ marã, Decápolis wãikuri nikũma makãrĩ marã, Jerusalén marã, Judea nikũ marã, dia Jordán wãikudiya abe marĩriro gapu marã ĩgũ merã waañurã.

5

Jesús buúrugue masakare buedea

1 Jesús, masaka wárã ĩgũ puero ejamakũ ĩãgũ, buúrugue marĩa, eja doayupu. ĩgũ irogue doamakũ, ĩgũ buerã ĩgũ puero nerẽnugãjañurã.

2 ĩgũsã nerẽnugãjamakũ ĩãgũ, Jesús ĩgũsãrẽ ãsũ ãrĩ bueroroyupu:

“Ãsũ irirãno usuyama”, ãrĩ buedea

(Lc 6.20-23)

3 —“Marĩpu iritamubirimakũ, ĩgũ gããmerĩrẽ irimasĩna marĩbokoa”, ãrĩ gũñarãno, umugasigue Marĩpu ĩgũyarãrẽ dorerogue waarākuma. Iroguema ĩgũsãya ããrã. Irasirirã usuyama.

4 ‘Bujawereri merã ããrĩrãrẽ Marĩpu ĩgũsãrẽ gũñaturamakũ irigukumi. Irasirirã usuyama.

5 “Gajerã nemorõ ããrã”, ãrĩ gũñamerã, Marĩpu ĩgũsãrẽ: “I nikũrẽ sīgura”, ãrĩdeare oparākuma. Irasirirã usuyama.

6 ‘Marĩpu gããmerĩrẽ iriduarã, haboarã baaduarã, ñemesiburã iiriduarã irirosũ ããrĩma. Marĩpu ĩgũsãrẽ iritamugukumi, ĩgũ gããmerĩrẽ iriburo, ãrĩgũ. ĩgũsãrẽ iritamugũ, iirĩ, baayapianerã irirosũ ããrĩmakũ irigukumi. Irasirirã usuyama.

7 ‘Gajerãrẽ bopoñarĩ merã ĩãrãrẽ Marĩpu ĩgũsãrẽ bopoñarĩ merã ĩãgukumi. Irasirirã usuyama.

8 ‘Ñerĩ opamerã Marĩpue ĩãrākuma. Irasirirã usuyama.

9 'Gajerārē ōārō siuñajārī merā āārīmakū iriduarārē Marīpɥ ĩgūsārē: “Yɥ pūrā āārīma”, ārīgukumi. Irasirirā ɥɥyama.

10 'Marīpɥ gāāmerīrē iriri waja, gajerā ĩgūsārē ñerō tarimakū irisūrā ũmugasigue Marīpɥ ĩgūyarārē dorerogue waarākuma. Iroguema ĩgūsāya āārā. Irasirirā ɥɥyama.

11 'Yure mɥsā bɥremurī waja gajerā mɥsārē ñerō wereníkerepɥɥ, mɥsārē ñerō irikererɥɥ, āārīpereri gajerosūperi ñerī kere ārīkererɥɥ, ɥɥyaka!

12 Marīpɥya kerere weredupuyunerārē mɥsā dupuyuro āārīnerārē āsūta ñerō irinerā āārīmá. Irasirirā mɥsārē ñerō irikererɥɥ, ōārō ɥɥyari merā āārīrikuka! Pɥɥguere wáro ōārī oparākoa ũmugasiguere, ārīyupɥ Jesús.

I ũmuguere Marīpɥyare irirā moā, sīāgori irirosū āārīma, ārī buedea

(Mr 9.50; Lc 14.34-35)

13 Irasū ārī odo, Jesús āsū ārī buenemoyupɥ:

—Mɥsā i ũmuguere Marīpɥyare irirā moā okari irirosū āārā. Moā okadea okabirimakū, dupaturi okamakū irimasībirikoa. Béokōākoa. Béoadero pɥɥ, masaka kɥrawasiribéokōākuma. Irasirirā mɥsā moā okari irirosū Marīpɥyare irinikōāka!

14 'Mɥsā i ũmɥ marārē sīāgori irirosū āārā. Irasirirā Marīpɥyare mɥsā irimakū ĩārā, ĩgūrē masīrākuma. Buúru wekague āārīrī makārē duúmasīña máa.

15 Masaka sīāgodirure sīāgorā, dupa kūma dokague píbirikuma. Sīāgo, wii dekogue siukuma, iri wii marā āārīpererā ōārō boyorogue āārīburo, ārīrā.

16 I irirosū mʉsāde Marīpʉyare ōārō iriri merā masakare mʉsā ĩġūyarā āārīrīrē masīmakū irika, ĩġūrē ũmʉgasigue āārīġūrē: “Ōātarigʉ āārīmi”, ārī bʉremuburo, ārīrā!

Jesús Moisés doredeare buedea

17 'Mʉsā yʉre āsū ārī ġūñabirikōāka: “Marīpʉ Moisére doreri pīdeare, irasū āārīmakū Marīpʉya kerere weredupuyunerā gojadeare béogʉ aarigú irikumī”, ārī ġūñabirikōāka! Irire béogʉ aarigú meta iribʉ. Iri āārīpererire keoro iriyuwarikʉgʉ aarigú iribʉ.

18 Diayeta mʉsārē werea. Ŭmʉgasi, i nikū āārīrōpāta Marīpʉ neō mérōgā su wāi ĩġū doreri pīdeare béobirikumi. Āārīpereri ĩġū: “Āsū irigʉra”, ārīdeare keoro iriyuwarikʉgʉkumi.

19 Iri dorerire su wāirē tarinʉġārāno, gajerārē: “Gʉa irirosū irika!” ārī buerā, ũmʉgasigue Marīpʉ ĩġūyarārē dorerogue ĩġū ĩāmakū ubu āārīrā āārīrākuma. Gajerā ġapʉ iri dorerire ōārō irirā, gajerārē ĩġūsā irirosū iridorerā, ũmʉgasigue ĩġūyarārē dorerogue ĩġū ĩāmakū oparā irirosū āārīrākuma.

20 Ire mʉsārē werea. Mʉsā, Moisés doredeare buerimasā, fariseo bumarā nemorō Marīpʉ ġāāmerīrē iribirikererā, Marīpʉ ĩġūyarārē doreroguere neō waabirikoa.

Jesús masaka guarimarē buedea

(Lc 12.57-59)

21 'Marīpʉ mʉsā ñekūsāmarārē doredeare mʉsā pénerā āārībú. ĩġūsārē āsū ārīdi āārīmī: “Masakare wējēbirikōāka! ġajigʉre wējēdinorē wajamoāka, ĩġū wējēdeade waja!”

22 Y_u gap_u musārē werea. Sug_u ĩgũyag_u merã guag_u, wajamoãsũgukumi. ĩgũyag_ure: “M_u wajamáa”, ārĩ buridag_unorē marĩ oparã wajamoãrãkuma. ĩgũyag_ure: “Waib_u irirosũ pémasĩrĩ opabea m_u”, ārĩgũnorē peamegue waamagoegoráa.

23 'Irasirirã Marĩp_uya wiima soepeorogue ĩgũrē burimurã gajino pírã waamurã: “Yaag_u y_u merã guami”, ārĩ gũñabokarã,

24 Marĩp_ure siburire píkõã, musãyag_u p_uroque waa: “Y_u murē ñerõ irideare kãtika!” ārĩ sērēka ĩgũrē! Musã gãme ãmuadero p_ur_u, dupaturi Marĩp_uya wiigue musã sũd_uadeare ĩgũrē sũrã waaka!

25 'Sug_u musārē weresãd_uag_u, weresãrĩrē beyerimasũ p_uroque musārē ãĩd_uamakũ, mata maague ĩgũ merã waarã, ĩgũ musārē weresãrĩrē ãmuka! ĩgũ merã õãrõ ãmubirimakũ, beyerimasũguere musārē weresãgukumi. ĩgũ musārē weresãmakũ pég_u, beyerimasũ musārē suraraguere wia, peresu iridoregukumi.

26 Diayeta musārē werea. Beyerimasũ musārē wajaridoredeare wajaripeobirimakũ, neõ musārē wiubirikumi.

Jesús: “Gajig_u marãpo merã ñerõ iribirikõãka!” ārĩ buedea

27 'Iripoegue marã weredeare musã pénerã ããrĩb_u. Æsũ ārĩnerã ããrĩmã: “Gajig_u marãpo merã ñerõ iribirikõãka!”

28 Y_u gap_u musārē werea. Sug_u nomeõrē ñerõ irid_uari merã ĩãgũ, ĩgũ gũñarĩgue igo merã ñerõ irisiami.

29 'Irasirirã mʉsãya koyeru diaye gapumarũ merã ãã, ñerõ irirã, irirure goreweabéorosũ iri ñerõ iririre pirika! Mʉsã koyerure béomakũ, iriru dita dediria. Ñerõ iririre pirimerã ããrĩpereri mʉsãya dupʉ merã peamegue béosũrãkoa.

30 Mʉsãya diayema mojõ merã ñerõ irirã, iri mojõrẽ dititã béorosũ iri ñerõ iririre pirika! Mʉsãya mojõrẽ béomakũ, iri mojõ dita dediria. Ñerõ iririre pirimerã ããrĩpereri mʉsãya dupʉ merã peamegue béosũrãkoa.

Jesús masakare: “Mʉsã marãposã nomerẽ béobirikõãka!” ãrĩ buedea
(Mt 19.1-12; Mr 10.11-12; Lc 16.18)

31 'Iripoegue marã idere ãrĩnerã ããrĩma: “Sugʉ ãgũ marãpore béodʉagʉ: ‘I waja merã mʉrẽ béoa’, ãrĩ gojari pũrẽ sĩrõ gããmea”, ãrĩnerã ããrĩmã.

32 Yʉ gapʉ mʉsãrẽ werea. Sugʉ, ãgũ marãpo gajigʉ merã ñerõ iribirikerepʉrʉ igore béogʉ, igore gajigʉ merã marãpʉkʉmakũ irigʉ, igore ñerõ irimakũ irikumi. Irasũ ããrĩmakũ, ãgũ béodeo merã marãpokʉgʉ ñerõ irigʉ irikumi.

Jesús: “Ãsũ irigʉra”, ãrĩrĩmarẽ buedea

33 'Iripoegue marãrẽ weredeare mʉsã pénerã ããrĩbũ. Ãsũ ãrĩ werenerã ããrĩmã ãgũsãrẽ: “ ‘Marĩpʉ wã merã ãsũ irigʉra’, ãrĩderosũta marĩ Opʉ ãũrõ keoro irika!”

34 Yʉ gapʉ mʉsãrẽ werea. Mʉsã gajerãrẽ: “Ãsũ irigʉra”, ãrĩrã, Marĩpʉre wãipeobirikõãka! “Ëmʉgasima merã ãsũ irigʉra”, ãrĩbirikõãka! Ëmʉgasi, Marĩpʉ doaro ubu ããrĩrõ meta ããrã.

35 I nikūma merādere wāīpeobirikōāka! I nikū Marīpuya nikū āārā. Irasirio īgū kuraña doanīrō irirosū āārā. Jerusalén merādere wāīpeobirikōāka! Jerusalén marī Opu turatariguya makā āārā.

36 “Yaa dipuru merā āsū irigura”, ārī wāīpeobirikōāka! Mūsā irasū ārīrī merā neō mūsāya dipuruma poarire nīrīda, o borerida waamakū irimasībirikoa.

37 “Āsū irigura”, o “Āsū iribirikoa”, ārīrā, wāīpeoro marīrō su diayeta wereka! Wāīpeori merā: “Āsū irigura”, ārīrā, wātī gāāmerīrē irirā yāa.

Jesús masaka ñerō iri gāmīrīmarē buedea
(Lc 6.29-30)

38 'Iripoegue marā weredeare mūsā pénerā āārībú. Āsū ārīnerā āārīmá: “Mūrē gajigu muya koyerure pátīāderosūta mude īgūya koyerure pátīā gāmika! Muya guikarure īgū pānuaderosūta mude īgūya guikarure pānuā gāmika!” ārīnerā āārīmá.

39 Yu gapu mūsārē werea. Mūsārē ñerō iridire irasū īākōāka! Īgūrē ñerō iri gāmibirikōāka! Sugu mūsāya wayupārā diaye gapure pámakū, kúgapuma wayupārādere pádoreka!

40 Sugu mūrē weresārīrē beyerimasū puro āia: “Īgūya surírore sīdoreka, īgū yure ñerō iridea waja”, ārī weresāmakū, iriñerē sīka! Irasū āārīmakū, muya wekamañedere sīnemoka īgūrē!

41 Sugu surara gajinorē su kilómetro mūrē āiwāgādoremakū, gajī kilómetro āiwāgānemobosaka doja!

42 Sugu mūrē gajinorē sērēmakū, sīka īgūrē! Gajino mūrē wayumakū sīka īgūrē! “Wayubirikoa”, ārībirikōāka!

*Jesús: “Musārē ĩaturirārē maĩka!” āri buedea
(Lc 6.27-28, 32-36)*

⁴³ Gaji iripoeque marā weredeare musā pénerā āārĩbú. Āsū ārĩnerā āārĩmá: “Musā merāmarārē maĩka! Musārē ĩaturirā gapure ĩaturi doo, gāmika!” ārĩnerā āārĩmá.

⁴⁴ Y_H gapu musārē werea. Musārē ĩaturirārē maĩka! Musārē ñerō werenírārē: “Ōārō āārĩburo”, ārĩka! Musārē ĩaturi doorārē ōārō irika! Musārē ñerō ārĩburidamakū, musārē ñerō irimakū, ĩgūsāya āārĩburire Marĩp_Hre sērēbosaka!

⁴⁵ Irasirirā Marĩp_H ũmugasigue āārĩgú pūrā āārĩrākoa. Marĩp_H ñerārē, ōārādere abe asimakū yámi. ĩgū dorerire irirā puro, irimerā purodere deko merēmakū yámi. Irasirirā musāde ĩgū irirosūta masakare surosū ōārō irika!

⁴⁶ Musārē maĩrā direta maĩrā, ĩñeénorē ũmugasigue wajatabokuri? Romano marā opure niyeru wajaseabosarimasāde ñerā āārĩkererā, ĩgūsārē maĩrārē maĩma.

⁴⁷ Musāyarā direta ōārō bokatĩrĩñeārā, ĩñeéno ōārĩrē gajerā nemorō iribokuri? Marĩp_Hre masĩmerāde ĩgūsāyarārē ōārō bokatĩrĩñeāma.

⁴⁸ Irasirirā, Marĩp_H ũmugasigue āārĩgú neō ñerĩ marĩgú āārĩrosūta musāde neō ñerĩ marĩrā āārĩka! ārĩ weryupu Jesús.

6

Jesús ōārō iririkurimarē buedea

¹ Jesús āsū ārĩ werenemoyup_H:

—“Ōārĩrē irirā āārā”, ārĩrā, masaka ĩūrō musā iririre iri ĩmubirikōāka! Musā irire irasirimakū,

Marĩpũ ãmugasigue ããrĩgũ mũsã irasiridea wajare sĩbirikumi.

² Irasirirã boporãrẽ iritamurã, ããrĩpererãrẽ werebirikõãka! Irigatorimasã irirosũ iribirikõãka! Ìgũsã boporãrẽ iritamurã, marĩ nerẽrĩ wiirigue nerẽanerã, makã dekogue ããrĩrã iũrõ: “Õãrã ããrĩma”, ãrĩburo, ãrĩrã, iri Ìmuma. Diayeta mũsãrẽ werea. Masaka Ìgũsãrẽ õãrõ ãrĩrĩ merã wajatari opasiama.

³ Mũsã gapũ boporãrẽ gajino sĩrã, masaka iãberogue sĩka!

⁴ Marĩpũ, mũsã irasirimakũ iãgũ, mũsãrẽ õãrõ wajatamakũ irigũkumi.

Jesús Marĩpũre sërẽrĩrẽ buedea

(Lc 11.2-4)

⁵ 'Marĩpũre sërẽrã, irigatorimasã irirosũ iribirikõãka! Ìgũsã marĩ nerẽrĩ wiirigue, makã dekogue masaka iãburo, ãrĩrã, sërẽ Ìmuma. Diayeta mũsãrẽ werea. Masaka Ìgũsãrẽ iãrĩ merã wajatari opasiama.

⁶ Mũsã gapũ Marĩpũre sërẽrã, mũsãya taribugue ñajãa, disipũro bia, gajerã iãberogue Ìgũrẽ sërẽka! Ìgũ deyomarĩgũ ããrĩkeregũ, mũsã merã ããrĩgũkumi. Irasirigũ, gajerã iãberogue mũsã Ìgũrẽ sërẽmakũ iãgũ, mũsãrẽ õãrõ wajatamakũ irigũkumi.

⁷ 'Marĩpũre sërẽrã, ubu ããrĩrĩ werenĩrĩ merã dupaturi sërẽdujabirikõãka! Marĩpũre masĩmerã irasũ yãma. “Wãri werenĩrĩ merã gũa sërẽmakũ, guare pégũkumi”, ãrĩ gũñama.

⁸ Ìgũsã irirosũ iribirikõãka! Mũsã sërẽburo dupuyuro Marĩpũ mũsã gããmerĩrẽ masĩsiami.

⁹ Irasirirã ãsũ ãrĩ sërẽrõ gããmea Marĩpũre:

Ḡapɸ ũmugasigue ããrĩḡú, ããrĩpererã mɸrẽ goepe-yari merã bɸremuburo.

10 Mɸ ããrĩpererãrẽ doreri aariburo. Ɛmugasigue marã mɸ ḡããmerõ irirosũta i nikũ marãde iriburo.

11 Ɛmurikɸ ḡware baari sĩka!

12 Gajerã ḡware ñerõ irideare ḡua kãtirosũta mɸde ḡua ñerõ irideare kãtika!

13 Ḡua ñerõ iridɸamakũ kãmutaka! Ñegũ ḡware ñerĩ ãrĩmesãrĩrẽ tau kãmutaka! Mɸ sugɸta ḡware doreḡɸ, turatarigɸ, ḡua bɸremugũ ããrĩnĩḡukoa, ãrĩ sãrẽka Marĩpɸre!

14 'Gajerã mɸsãrẽ ñerõ irideare mɸsã kãtimakũ ããḡũ, Marĩpɸ ũmugasigue ããrĩḡú mɸsã ñerõ irideare kãtigɸkumi.

15 Gajerã mɸsãrẽ ñerõ irideare mɸsã kãtibirimakũ, Marĩpɸ mɸsã ñerõ irideare kãtibirikumi.

Jesús bererimarẽ buedea

16 'Marĩpɸre bɸremurã bererã, irigatorimasã irirosũ iribirikõãka! Ĩḡũsã bererã, ĩḡũsãya diapure bɸjawererã irirosũ iri ĩmuma, masaka ĩḡũsã bererire ããmasĩburo, ãrĩã. Diayeta mɸsãrẽ werea. Masaka ĩḡũsãrẽ ããrĩ merã wajatari opasiama.

17 Mɸsã ḡapɸ bererã, mɸsã irinarõsũta irika! Mɸsãya diapure waakoe, õãrõ wɸɸapukõãka!

18 Mɸsã irasirimakũ, gajerã mɸsã bererire masĩbirikuma. Marĩpɸ ḡapɸ deyomarĩḡũ ããrĩkeregɸ, mɸsã merã ããrĩmi. Ĩḡũ dita mɸsã gajerã ããberogue iririre ããḡũ, mɸsãrẽ õãrõ wajatamakũ irigɸkumi.

*Jesús marĩ ãmugasigue wajataburire buedea
(Lc 12.33-34)*

19 'Wári i nikũmarẽ sea neõ duripíbirikõãka! I nikũma borewiji boakõãrokoa. Boabirimakũ, burua baadediukõãrãkuma. Baadediubirimakũ, yajarimasã ñajãa, yajakõãrãkuma.

20 Irasirirã mʘsã ãmugasima opaburi gapure gũñarãka! Ɛmugasima neõ borewiji boabirikoã. Iroguere burua mʘsã opaburire neõ baadediubirikuma. Yajarimasãde neõ ñajãa, yajabirikuma.

21 Mʘsã i ãmuma direta: “Opadʘakoa”, ãrĩ gũñarã, irire bʘro maĩrãkoa. Ɛmugasima gapure: “Opadʘakoa”, ãrĩ gũñarã, irire bʘro maĩrãkoa.

*Jesús masakaya koye sããgodiru irirosũ ããrĩrẽ
buedea
(Lc 11.34-36)*

22 'Mʘsãya koye mʘsãya gũñarĩguere sããgodiru irirosũ ããrã. Mʘsã õãrĩ koye oparã irirosũ ããrĩmakũ, mʘsãya gũñarĩguere õãrõ sããgoro irirosũ ããrã. Irasirirã Marĩpuyare masĩa.

23 Mʘsã ñerĩ koye oparã irirosũ ããrĩmakũ, mʘsãya gũñarĩguere naĩtĩãrõ irirosũ ããrã. Marĩpuyare masĩbea. I naĩtĩãrĩ, ñetaria. Irire masĩbirimakũ ñegorãa.

*Jesús: “Niyerure maĩrã, Marĩpʘre maĩbema”, ãrĩ
buedea
(Lc 16.13)*

24 'Neõ sugʘ moãboerimasũ pẽrã oparãrẽ moãboemasĩbirikumi. Sugʘ opʘre maĩgũ, gajigʘ gapure maĩbirikumi, o sugʘ opʘre bʘremugũ, gajigʘ gapure yajʘbirikumi. Niyerudere maĩtarigʘ, Marĩpʘ gapure maĩbemi.

*Jesús, Marĩpu ĩgũ pũrãrẽ korerimarẽ buedea
(Lc 12.22-31)*

25 'Irasirigũ musãrẽ ire weregũra. Musã ããĩrikũrire gũñarã, “¿Ñeénorẽ baarãkuri, ñeénorẽ iirírãkuri, ñeénorẽ sãñarãkuri?” ãrĩ gũñarikũbirikõãka! Marĩ okari gapũ, baari nemorõ wajakũa. Marĩya dupũ, surĩ nemorõ wajakũa.

26 Mirãrẽ ãmarõgue wúrãrẽ ĩãka! ĩgũsã baadũarã, otebema. Otedea ðukare seabema. Baari duripĩri wiiridere opabema. Marĩpu ãmũgasigue ããĩgũ gapũ ĩgũsãrẽ baari sĩmi. Musã gapũ, mirã nemorõ wajakũtarinũgãa.

27 Musã bũro gũñarikuri merã neõ mérõgã masãnemobirikoã. Musã irasũ gũñarikuri wajamãa.

28 'Irire masĩkererã, ¿nasirirã musã surĩ sãñaburire gũñarikuri? Makãnúuma goori masãrĩrẽ gũñaka! Iri moãbirikerero, suabirikerero õãrĩ surĩ sãñarõ irirosũ deyoa.

29 Musãrẽ werea. Opũ Salomón surĩ õãrĩ sãñadero nemorõ iri goori gapũ õãrĩ deyoa.

30 Iri goorire Marĩpu õãrĩ goori deyomakũ irikerepũ, mérõgã pũrũ ñãĩdija pereakõãa. Gajinũ gapũ peamegue soebéokõãsũa. Iri mata pereburi ããĩkerekerepũ, Marĩpu iri goorire õãrĩ deyomakũ yãmi. Iri goorire õãrĩ ããĩmakũ irirosũ nemorõ musãrẽ õãrõ irigũkumi. Surĩre sīgũkumi. Musã gapũ ĩgũrẽ mérõgã bũremurĩ opãa.

31 Irasirirã: “¿Ñeénorẽ baarãkuri, ñeénorẽ iirírãkuri, ñeénorẽ sãñarãkuri?” ãrĩ gũñarikũbirikõãka!

32 Marĩpũre masĩmerã bũro gũñarikuri merã irire ãmaníkõãma. Marĩpu ãmũgasigue ããĩgũ gapũ

ããrĩpereri musã gããmerĩrẽ masĩsiami. Irire musãrẽ sĩgukumi.

³³ Irasirirã, Marĩpũ musã Opũ ããrĩrĩrẽ, ĩgũ gããmerĩrẽ, ĩgũ dorerire, ããrĩpereri nemorõ gããmepurorika! Musã irasirimakũ, ããrĩpereri musã baa, iirĩburire, musã surĩ sãñaburidere sĩwekapeogukumi.

³⁴ Irasirirã: “¿Naásũ waarokuri ñamigãrẽ?” ãrĩ gũñarikũbirikõãka! Gajinũmarẽ musã ñerõ tariburire gũñarikũdupuyubirikõãka! Dapagãma direta gũñaka! Dapagãrẽ musã ñerõ tariburi ããrĩsiáa, ãrĩ wereyupũ Jesús.

7

Jesús, gajerãrẽ: “Ñerã ããrĩma”, ãrĩ werewũabirikõãka! ãrĩ buedea (Lc 6.37-38, 41-42)

¹ Jesús irire ãrĩ odo, ãrĩnemoyupũ doja:

—Gajerãrẽ: “Ñerã ããrĩma”, ãrĩ werewũabirikõãka! Musã werewũabirimakũ ĩãgũ, Marĩpũ musãrẽ: “Ñerã ããrĩma”, ãrĩ ĩãbirikumi.

² Gajerãrẽ: “Õãrõ iribema”, ãrĩ ĩãrõsũta Marĩpũ musãrẽ ĩãgukumi. Gajerãrẽ: “Ãsũ ããrĩma”, ãrĩ ĩãrõsũta Marĩpũ musãrẽ ĩãgukumi.

³ Musã ñerõ iridea, koyerugue wári turu oparosũ ñetariri ããrĩrĩrẽ gũñabirikererã, musãyagũ ñerõ iridea, koyerugue nikũyegã oparosũ ããrĩrĩrẽ: “Ñegoráa”, ãrĩ gũñáa.

⁴ Irasirirã musã ñerõ iridea, koyerugue wári turu oparosũ ããrĩrã, musãyagũre ĩgũya koyerugue ããrĩrĩ nikũyegãrẽ: “¿Ãíbosi?” ãrĩmasĩbea.

⁵ Mũsã ñerõ iririkũrã, irigatorikũrã ããrã. Mũsãya koyerugue ããrĩrĩ turu gapũre ãĩbéopũroriõo irirosũ mũsã ñerõ iririre piripũrorika! Irasiri odo, mũsãyagũre: “Mũ ñerõ iririre pirikõãka!” ãrĩ masĩa.

⁶ 'Marĩpũre ñerõ ãrĩ buridarãrẽ ĩgũya kerere werebirikõãka! ĩgũsãrẽ wererã, diayéare õãrĩrẽ sĩrã, o yeseare ñaguĩda wajaparidare sĩrã irirosũ iribokoa. Diayéa guarã, õãrĩ sĩkerepũrũ, gãmenũgã kũrĩkõãkuma. Yesea iridare noó gããmerõ kũrawasiribéokuma. ĩgũsã irirosũ ããrĩrãrẽ, ubugorata Marĩpũya kerere werebirikõãka!

*Jesús: “Marĩpũre sērērã, ãsũ ãrĩ sērēka!” ãrĩdea
(Lc 11.9-13; 6.31)*

⁷ 'Marĩpũre sērēka! ĩgũrẽ sērēmakũ, sĩgũkumi. Õãrĩrẽ ãmarã, bokarãkoa. Wiigũe ñajãduarã oemakũ, Marĩpũ disipũro tũpã ñajãdoregũ irirosũ mũsã sērērĩrẽ pégũkumi.

⁸ ĩgũrẽ sērērãnorẽ sĩgũkumi. ãmarãno, bokarãkuma. Wiigũe ñajãduarã oerã irirosũ ĩgũrẽ sērēmakũ ĩãgũ, ĩgũsãrẽ ñajãdoregũ irirosũ ĩgũsã sērērĩrẽ õãrõ pégũkumi.

⁹ 'Mũsã pũrã pãrẽ sērēmakũ, ãtãyere sĩbirikoa.

¹⁰ Waaĩ sērēmakũdere, ãñarẽ sĩbirikoa.

¹¹ Ñerã ããrĩkererã, mũsã pũrãrẽ õãrĩrẽ sĩmasĩa. Marĩpũ mũmũgasigũe ããrĩgũ gapũ, mũsã nemorõ õãrĩrẽ sĩmasĩmi. Irasirĩgũ ĩgũrẽ sērērãrẽ irire sĩgũkumi.

¹² 'Mũsã, gajerã mũsãrẽ õãrõ irimakũ gããmerõsũta mũsãde ĩgũsãrẽ õãrõ irika! Moisés gojadea pũgue, Marĩpũya kerere weredupuyunerã gojadea pũgũedere irasũta iridoredero ããrĩbũ.

*Jesús eyabiri disipurore ñajãri keori merã buedea
(Lc 13.24)*

¹³ 'Marĩpũ pũroque ñajãduarã ãgũyare irika! Iroque ñajãmakũ diasagorãa. Eyabiri disipuro ñajãrõ irirosũ ããrã. Peamegue waaró gapũ eyari disipuro ñajãrõ, eyari maarẽ waaró irirosũ ããrã. Iri maarẽ waamakũ diasabea. Irasirirã wãrã masaka iroque waarã yãma.

¹⁴ Marĩpũ pũro gapũre waamakũ diasagorãa. Irasirirã mërãgãta masaka, eyabiri disipuro ñajãrõrẽ, iroque eyabiri maarẽ bokama. Iroque waarã, Marĩpũ merã õãrõ ããrĩrãkuma.

*Jesús yukure dukã merã ããmasĩsũa, ãrĩ buedea
(Lc 6.43-44)*

¹⁵ 'Õãrõ pẽmasĩka! “Marĩpũya kerere weredupuyurimasã ããrã”, ãrĩgatorãrẽ pẽbirikõõka! ãgũsã oveja guamerã, õãrĩrẽ irirã irirosũ mũsã pũroque ejarãkuma. Irasirikererã, ãgũsã gũñarĩguere diayãa makãnũũ marã guarã irirosũ, ñerã ããrĩma.

¹⁶ ãgũsã ñerõ irimakũ mũsã ãgũsãrẽ: “Ñerã ããrĩma”, ãrĩ ããmasĩrãkoa. Poragũ iguire dukakũbirikoa. Ñaagũde higo wãikũrire dukakũbirikoa.

¹⁷ Õãdi yukũ õãrĩrẽ dukakũa. Ñedi gapũ ñerĩrẽ dukakũa.

¹⁸ Yukũ õãdi ñerĩrẽ dukakũbirikoa. Ñedide õãrĩrẽ dukakũbirikoa.

¹⁹ Õãrĩ dukakũbiridire pãbéo, peamegue soekõãma.

²⁰ Irasirirã: “Marĩpũya kerere weredupuyurimasã ããrã”, ãrĩgatorãrẽ ãgũsã iriri merã: “Ãrĩgatorikũrã ããrĩma”, ãrĩ ããmasĩrãkoa mũsã.

*Jesús ããrĩpererã masaka Marĩpũ pũrogue
waabirikuma, ãrĩ buedea
(Lc 13.25-27)*

21 'Wárã yũre: “Mũta ããrã gũa Opũ”, ãrĩkererã, ããrĩpererã ãmũgasigue Yũpũ ãgũyarãrẽ dorerogue ñajãbirikuma. Yũpũ ãmũgasigue ããrĩgũ gããmerĩrẽ irirã dita ãgũ ããrĩrõguere ñajãrãkuma.

22 Yũpũ ããrĩpererã ñerãrẽ wajamoãrĩnũ ejamakũ, wárã yũre: “Gũa Opũ, mũyare masakare buebũ. Mũ wãĩ merã wãtẽãrẽ béowiu, wári õãrĩrẽ iri ãmubũ”, ãrĩrãkuma.

23 ãgũsã irasũ ãrĩkerepũrũ: “Mũsãrẽ neõ masĩbiribũ. Ñerĩrẽ irirã ããrã mũsã. Irasirirã yũ pũrore wirika!” ãrĩgũkoa.

*Jesús pe wii keori merã buedea
(Mr 1.22; Lc 6.47-49)*

24 'Yũ werenĩrĩrẽ péduripĩgũno, yũ dorerire irigũno, õãrõ pémasĩgũ ããrĩmi. Sugũ ãtãyegue ãkũãrĩ goberi máñajãa, wii õãrõ núdi irirosũ ããrĩmi.

25 Pũrũ deko merẽ, dia wáro yura, mirũ bũro wẽjẽpukerepũrũ, iri wii ãkũãrõ núdea wii ããrĩsã, neõ mirũabirikoã.

26 Yũ werenĩrĩrẽ pékeregũ, yũ dorerire iribi gapũ sugũ ãmparogue wii iridi irirosũ ããrĩmi.

27 Pũrũ deko merẽ, dia wáro yura, mirũ bũro wẽjẽpumakũ, mata õjẽdija, kõmopereakõãkoa, ãrĩ wereyupũ Jesús.

28 ãgũ bue odomakũ, masaka ãgũ buerire pégũkari merã: “Õãtariro buemi”, ãrĩ gũñãñurã.

29 Moisés gojadeare buerimasã irirosũ buebiriyupũ. Sugũ doregũ irirosũ bueyupũ Jesús.

8

*Jesús kãmi boagure taudea**(Mr 1.40-45; Lc 5.12-16)*

¹ Jesús buúrugue ããrãdi dijarimakũ ããrã, wárã masaka ãgũrẽ tũyañurã.

² Sugũ kãmi boagũ Jesúre ããgũ, ãgũ pũro ñadukũpuri merã ejamejã, ãgũrẽ sêrẽyupũ:

—Yũ Opũ, mũ yũ pũrĩrikũrĩre taudũagũ taumasĩa, ãrĩyupũ.

³ ãgũ irasũ ãrĩmakũ pégu, Jesús ãgũya mojõ merã ãgũrẽ moãñayupũ.

—Mũrẽ taugũra. Kãmi marĩgũ dujaka! ãrĩyupũ.

ãgũ irasũ ãrĩmakũta, kãmi yariakõãyuro.

⁴ Irasirigũ Jesús ãgũrẽ ãrĩyupũ:

—Gajerã masakare mũ tariadeare werebirikõãka! Paĩ pũroguẽ mũrẽ kãmi yariadeare ãgũrẽ ãmugũ waaka, ãgũ mũrẽ: “Kãmi marĩgũ ããrĩmi”, ãrĩburo, ãrĩgũ. ãgũ irasũ ãrãdero pũrũ, Moisés gojadea pũgue sĩdoredeare sĩka! Mũ irire irimakũ ããrã, masaka mũrẽ kãmi yariadeare masĩrãkuma, ãrĩyupũ Jesús ãgũrẽ.

*Jesús surara opũre moãboegũre taudea**(Lc 7.1-10)*

⁵ Pũrũ Jesús Capernaugue ejamakũ, romano marã surara opũ ãgũ pũro ejanugã, ãgũrẽ iritamurĩ sêrẽyupũ:

⁶ —Gũa Opũ, yare moãboegũ burũ pũrĩrikũgũ yaa wiigũe oyami. Bũari merã burũ pũrĩsũgũ iriami, ãrĩyupũ.

⁷ Jesús ãgũrẽ ãrĩyupũ:

—ãgũrẽ taugũ waagũra.

8 Surara opu ãgũrẽ yujuyuru:

—Yũ Opũ, yaa wiire mũrẽ: “Ñajãrika!” ãrĩ masĩbirikoa. Yũ ubu ããrĩgũ ããrã. Irasingũ mũ õõgueta doreri merã yũre moãboegu tarigukumi.

9 Gajerã oparã yũre dorema. Yũde gajerã surarare dorea. Yũ sugũre: “Waaka!” ãrĩmakũ, waami. Gajigũre: “Aarika!” ãrĩmakũ, aarĩmi. Yũ, yũre moãboegũre: “Ire irika!” ãrĩmakũ, irire yãmi, ãrĩyuru.

10 Jesús surara opu irasũ ãrĩrĩrẽ pẽgu, pẽgukakõãyuru. Ñgũrẽ tuyarãrẽ ãsũ ãrĩyuru:

—Diyeta mũsãrẽ werea. Ñĩ surara opu Israel bumũ ããrĩbirikeregũ, yũre bũremumi. Ñĩ irirosũ yũre bũremugũ neõ sugũ Israel bumũrẽ boka-jabiribũ.

11 Mũsãrẽ werea. Wãrã masaka ñĩ irirosũ yũre bũremurãkuma. Ñgũsã ããrĩperero marã judío masaka ããrĩmerã ããrĩkererã, mũmũgasigue Marĩpũ Ñgũyarãrẽ dorerogue eja, marĩ ñekũsãmarã Abraham, Isaac, Jacob merã doa, baarãkuma.

12 Gajerã judío masaka: “Gũa Opũ ããrĩrõgue waamurã ããrã”, ãrĩkerepũrũ, Ñgũsã bũremubiri waja Marĩpũ Ñgũsãrẽ naĩtĩãrõgue bẽodediugukumi. Iroguere pũrĩsũrã bũro ore, bũjawererĩ merã Ñgũsãya guikare kũrĩduútũrãkuma, ãrĩyuru Jesús.

13 Irasũ ãrĩ odo, surara opũre ãrĩyuru:

—Dujãaka mũya wiigue! Mũ bũremurõsũta waarokoa mũrẽ moãboegũre, ãrĩyuru.

Ñgũ irasũ ãrĩripoeta, Ñgũrẽ moãboegũre pũrĩrĩ tari-akõãyuro.

*Jesús, Pedro máñekõrẽ taudea**(Mr 1.29-31; Lc 4.38-39)*

14 Pũũ Jesús Pedroya wiigue waayũũ. Iri wiigue ñajãgũ, Pedro máñekõrẽ peyarogue bũro nimakũrikũgo oyagore bokajayũũ.

15 Irasirigũ igoya mojõrẽ moãñayũũ. Ìgũ moãñamakũta, nimakũri tariakõãyuro. Iri tarimakũ wãgãnũgã, Ìgũsãrẽ baari ejoyupo.

*Jesús wárã pũrĩrikũrãrẽ taudea**(Mr 1.32-34; Lc 4.40-41)*

16 Naĩmejãripoe ããrĩmakũ, masaka wárã wãtẽa ñajãsũnerãrẽ Jesús pũrogue ãĩjañurã. Ìgũ werenĩrĩ merã wãtẽa Ìgũsãguere ñajãnerãrẽ béowiyũũ. Irasũ ããrĩmakũ, ããrĩpererã pũrĩrikũrãrẽ tauyũũ.

17 Irire irigũ, iripoeguemu Marĩpũya kerere weredupuyudi Isaías gojaderosũta iriyũũ. ãsũ ãrĩ gojadi ããrĩmĩ: “Marĩ turabirire, marĩ sĩrĩrĩrẽ marĩrẽ taubosami”, ãrĩ gojadi ããrĩmĩ.

*Gajerã Jesũre: “Mũrẽ tũyadũakoa”, ãrĩdea**(Lc 9.57-62)*

18 Jesús wárã masaka Ìgũ pũro nerẽmakũ Ìãgũ, Ìgũ buerãrẽ:

—Náka, ditaru sikoepũgue taribujarã! ãrĩyũũ.

19 Ìgũ irasũ ãrĩmakũ, sugũ Moisés gojadeare buerimasũ Jesús pũro eja, ãrĩyũũ:

—Buegũ, mũ noó waaró mũrẽ tũyagũra, ãrĩyũũ.

20 Jesús Ìgũrẽ yũjũyũũ:

—Makãnúũ marã diayéa Ìgũsã kãrĩrĩ toreri opama. Mirãde Ìgũsã kãrĩrõ opama. Yũ ããrĩpererã Ìgũ gapũ kãrĩrõ opabea, ãrĩyũũ.

21 Gajigũ Ìgũ buerire tũyagũ Ìgũrẽ ãrĩyũũ:

—Yᵐ Opᵐ, yᵐᵐ boamakū ĩgūrē yáa odo, mūrē tᵐyagura, āĩyurᵐ.

²² Jesús ĩgūrē yᵐjᵐyurᵐ:

—Yᵐre tᵐyadᵐagᵐ, daporata yᵐ merā aarika! Yᵐre bᵐremumerā, boanerā irirosū āārĩrāta boanerārē yáaburo, āĩyurᵐ.

Jesús mirū, makūrĩrē toemakū iridea

(Mr 4.35-41; Lc 8.22-25)

²³ Irasū ārĩ odo, doódirugue ĩgū buerā merā mārĩñajāyurᵐ.

²⁴ ĩgūsā mārĩñajā, taribujaripoe ditarure mirū bᵐro waayuro. Makūrĩ doódirure páñajāmiūkōādiyuro. Irasū waaripoere Jesús gapᵐ kārīgū iriyurᵐ.

²⁵ Irasirirā ĩgūrē yobeñurā:

—Gᵐa Opᵐ, gᵐare tauka! Marĩ mirĩmurā yáa, ārĩñurā.

²⁶ ĩgūsā irasū ārĩmakū, Jesús yᵐjᵐyurᵐ:

—¿Nasirirā bᵐro güiri mᵐsā? Yᵐre mérōgā bᵐremurĩ opáa mᵐsā, āĩyurᵐ.

Irasū ārīgūta wāgānᵐgā: “Mirū, makūrĩ iropāta, toeaka!” āĩyurᵐ. ĩgū irasū ārĩmakū, mirū, makūrĩde toedijapereakōāyuro.

²⁷ ĩgū irasirimakū ĩāgᵐka, āsū ārĩ gāme werenĩñurā:

—¿Ñeémᵐno masakᵐ āārĩrĩ ĩĩ? Mirū, makūrĩde ĩgūrē tarinᵐgābea, ārĩñurā.

Jesús Gadara marārē wātēa ñajānerārē béowiudea

(Mr 5.1-20; Lc 8.26-39)

²⁸ Pᵐᵐ Jesús ditarure taribuja, Gadara marāya nikūgue ejayurᵐ. Irogue ejamakū, pērā ũma masāgoberi watopegue āārānerā ĩgūrē

bokatĩrĩñurã. Īgũsã wātēa ñajãsũnerã goerã
ããrĩñurã. Irasirirã iro waarí maarẽ masaka neõ
waabiriñurã.

²⁹ Īgũrẽ bokatĩrĩ, ãsũ ãrĩ gainĩñurã:

—Jesús, ãmugasigue marã Opũ magũ, ¿nasirigu
aarigú yári mu gũa pũroguere? ¿Īgũ ããrĩpererã
ñerãrẽ wajamoãrĩnũ ejabirikerepũrũ, gũare po-
yarikumakũ irigu aarĩri mu? ãrĩñurã.

³⁰ Īgũsã koregue wárã yesea ãma baarã iriñurã.

³¹ Irasirirã wātēa Jesúre ãsũ ãrĩ sērēñurã:

—Gũare béowiugu, sĩĩsã yeseaguere ñajãdoreka!
ãrĩñurã.

³² —Jáũ, Īgũsãrēta ñajãrã waaka! ãrĩyupũ Jesús.

Īgũ irasũ ãrĩmakũ, Īgũsã pērã ãmaguere ããrãnerã
yeseaguere ñajãñurã. Īgũsã ñajãmakũta, yesea du-
patarugue ãma mirēbuãa, ditarugue meébia dijãa,
mirĩ boapereakõãñurã.

³³ Irasũ waamakũ ĩãrã, yeseare korerimasã
gũkari merã makãgue ãmadujãa, ããrĩpereri Īgũsã
ĩãdeare, irasũ ããrĩmakũ wātēa ñajãsũnerãrẽ
waadeare wereñurã.

³⁴ Irire pérã, iri makã marã ããrĩpererã Jesús
pũroguere waa, Īgũrẽ ĩãrã, turaro merã Īgũsãya
nikũrẽ wiridoreñurã.

9

Jesús dupũ bũadire taudea

(Mr 2.1-12; Lc 5.17-26)

¹ Irasirigu Jesús doódirugue mũrĩñajãa, ditarure
taribuja, Īgũya makãgue ejayupũ.

² Iroguere sugũ dupũ bũadire Īgũ peyaro merã
Jesús pũro ãĩjañurã. Jesús, Īgũsã Īgũrẽ bũremumakũ
ĩãgũ, dupũ bũadire ãsũ ãrĩyupũ:

—Gũñaturaka! Y_u, m_u ñerõ irideare kãtia, ãrĩyup_u.

³ Ìgũ irasũ ãrĩmakũ pérã, surãyeri Moisés go-jadeare buerimasã àsũ ãrĩ gũñañurã: “Ìgũ werenírĩ merã Marĩp_ure ñerõ wereními”.

⁴ Jesús gap_u Ìgũsã gũñarĩrẽ ìãmasĩ, àsũ ãrĩyup_u:

—¿Nasirirã y_ure ñerõ gũñarĩ m_usã?

⁵ ¿Naásũ ãrĩrĩ gap_u diasaberi ìĩ buadire: “Y_u, m_u ñerõ irideare kãtia”, ãrĩrĩ, o “Wãgãñugã, waaka!” ãrĩrĩ gap_u diasaberi?

⁶ Y_u ããrĩpererã tĩgũ i ãm_ugue ããrĩrãrẽ Ìgũsã ñerõ irideare Marĩp_u dorero merã kãtimasã. Irasirig_u ìĩ buadire taug_ura, m_usãrẽ irire masĩdoreg_u, ãrĩyup_u. Irasũ ãrĩ odo, buadire ãrĩyup_u:

—Wãgãñugã, m_u oyaderore ãĩ, m_uya wiigue waaka! ãrĩyup_u.

⁷ Ìgũ irasũ ãrĩmakũ pég_u, buadi ããrãdi wãgãñugã, Ìgũya wiigue waakõãyup_u.

⁸ Masaka, Ìgũ irasũ waaríre ìãrã, ìãg_ukakõãñurã. Marĩp_ure: “Õãtaria, m_u turari masak_ure sĩrĩ”, ãrĩ, usuyari sĩñurã.

Jesús Mateore siiudea

(Mr 2.13-17; Lc 5.27-32)

⁹ P_ur_u Jesús iro merã waa, y_ure ìãbokami. Y_u Mateo*, romano marã op_ure niyeru wajaseabosag_u ããrĩb_u. Jesús, y_u moãrĩ taribugue doag_ure ìã, y_ure: “Náka, y_u merã!” ãrĩmi. Ìgũ irasũ ãrĩmakũ pég_u, wãgãñugã, Ìgũ merã waakõãb_u.

¹⁰ P_ur_u yaa wiigue Jesús Ìgũ buerã merã baaripoe wãrã niyeru wajaseabosarimasã, gajerã ñerõ irirãde baarã ejama.

* **9:9** Mateo pe wãĩ opayup_u. Ìgũta Leví wãik_uyup_u.

11 Īgūsā merā ĭgū baamakū ĭārā, fariseo bumarā gapu ĭgū buerārē sērēñama:

—¿Nasirigu mūsārē buegu niyeru wajaseabosari-masā, ñerō irirā merā baari? ārīma.

12 Īgūsā irasū ārīmakū pégu, Jesús ārīmi:

—Pūrīrī marīrā kúririmasūrē āmabema. Pūrīrikurā gapu ĭgūrē āmama.

13 Marīpuya werenírī gojadea pūgue ĭgūsā go-jadeare buerā waaka! Āsū ārī gojasūdero āārībú iri pūguere: “Yure bremurā, waimurārē wējē soepeomakū gāāmebea. Gajerārē mūsā bopoñarī merā ĭāmakū gāāmea”, ārīmi Marīpu, ārī gojasūdero āārībú. “Ōārā āārā”, ārī gūñarārē siiugu aaribiribu. “Ñerō irirā āārā”, ārī gūñarā direta siiugu aarigú iribu, ĭgūsā ñerō irideare bujawere, gūñarārē gor-awayuburo, ārīgū, ārīmi Jesús fariseo bumarārē.

Jesúre bererimarē sērēñadea

(Mr 2.18-22; Lc 5.33-39)

14 Pupu Juan masakare wāiyegu buerire tayarā Jesúre sērēñarā ejama:

—Gua Marīpure bremurā berea. Irasū āārīmakū fariseo bumarāde berema. ¿Nasirirā mu buerā gapu gua irirosū iriberi? ārīma.

15 Jesús ĭgūsārē yujami:

—Sugu mojōsiadi bosenu irimakū, ĭgū siiuanerā ĭgū merā āārīrā bujawerebirikuma. Pupu ĭgūrē gajerā āāmakū, bujowereri merā bererākuma†.

† 9:15 Jesús irire irasū ārīgū: “Yu sugu mojōsiadi bosenu irigu irirosū āārā. Yu buerā, mojōsiadi siiuanerā irirosū āārīma. Irasirirā, pūgue yu ĭgūsā merā āārībirimakū ĭārā, bujowereri merā bererākuma”, ārīgū irimi.

16 Masaka maama suríro gasiro merã buɣuñerẽ seretúbirikuma. Irasũ seretúmakũ, maama gasiro ãgũsã koeadero puru, tũãneeõ, buɣuñerẽ wári gobe yeguenemomakũ irikoa.

17 Waimurã gasiri merã iridea ajuri buɣu ajurigue maama igui dekore diribirikuma. Irasũ dirimakũ, maama igui deko pãmu, buɣu ajuro sërãturabiri ooreakõãkoa. Irasiriro igui deko, ajurode kômokoa. Irasirirã maama igui dekore maama ajurogue diriro gããmea, ãrĩmi Jesús ãgũsãrẽ‡.

Jesús Jairo magõrẽ, gajego nomeõ ãgũya surírore moãñagõrẽ taudea

(Mr 5.21-43; Lc 8.40-56)

18 Jesús ãgũsãrẽ wereripoe judío masaka nerẽrĩ wii opu Jesús puro eja, ñadukupuri merã ejamejã, ãgũrẽ ãrĩmi:

—Yu magõ daporata kõmoakõãmo. Iгоре muya mojõ merã ñapeogu aarika! Irasirimakũ, dupaturi okagokumo, ãrĩmi.

19 ãgũ irasũ ãrĩmakũ pé, Jesús wãgãnuɣã, ãgũ merã waami. Gũa ãgũ buerãde ãgũ merã waabu.

20 Gũa maague waaripoe sugo nomeõ Jesús pururu gapu eja, ãgũya suríro yuware moãñayupo. Igo pe mojõma pere su gubu peru pẽrẽbejari bo-jorigora dí wiriri merã pũrĩrikugo ããrĩyupo.

21 ãsũ ãrĩ gũñayupo: “ãgũya surírore yu moãñarĩ merã dita yu pũrĩrikuri tarirokoa”, ãrĩ gũñayupo.

22 Igo moãñamakũ péña, Jesús gãmenugã, igore ãã, ãrĩmi:

‡ 9:17 Masaka, iripoeague iririkudeama, maama bueri merã buerẽdũamakũ ããgũ, Jesús irasũ ãrĩmi.

—Gũñaturaka! M̄u ȳare b̄uremurĩ opáa. Irasirigo m̄u p̄urĩrik̄arire taus̄ua, ārĩmi. Ĩgũ irasũ ārĩmakũta, p̄urĩrĩ marĩgõ dujamo.

²³ P̄uru Jesús Jairoya wiigue ejami. Irogue ñajãjagu, majĩgõ boadeore yáaburo dupuyuro bayapeorimasārē, gajerã b̄uro ore, gainírārē bokaja,

²⁴ Ĩgūsārē àsũ ārĩmi:

—Wiriaka m̄usã! Majĩgõ boabemo. Kārĩgõ yámo. Ĩgũ irasũ ārĩmakũ pérã, Ĩgūrē b̄urima.

²⁵ Jesús Ĩgūsārē wiriadore, boadeo ãārĩrĩ taribugue ñajãa, igoya mojõrē ñeāyuru. Ĩgũ ñeāmakũta masãbeja, wãgãnuḡãyupo.

²⁶ Masaka ãārĩperero iro ãārĩrã Jesús iriadea kerere pépereakõãñurã.

Jesús p̄erã koye ãamerārē taudea

²⁷ Jesús iro ãārãdi wiriamakũ, p̄erã koye ãamerã Ĩgūrē gainí t̄ayama:

—David parãmi ãārĩturiagu, ḡuare bopoñaka! ārĩma.

²⁸ Jesús, wiigue ñajãmakũ, koye ãamerãde ñajãa, Ĩgũ p̄urogue ejanuḡãma. Irasirigu Jesús Ĩgūsārē s̄erēñami:

—¿Ȳu m̄usārē koye ãamakũ irimasĩrĩrē b̄uremurĩ? ārĩmi.

—Ḡua Op̄u, b̄uremua, ārĩ yujuma.

²⁹ Ĩgūsã irasũ ārĩmakũ péḡu, Ĩgūsãya koyere ñapeomi:

—M̄usã b̄uremurõsũta m̄usārē ãamakũ irigura, ārĩmi.

³⁰ Ĩgũ irasũ ārĩmakũ, Ĩgūsã õārõ ãakõãma. Irasirigu Jesús Ĩgūsārē ārĩmi:

—Y_u musārē taurire gajerārē werebirikōōka!
ārīmi.

³¹ Īgū irasū ārkerep_u, āārīperero iro marārē
Jesús Īgūsārē iriadeare werewasiripeokōāñurā.

Jesús wereníbire werenímakū iridea

³² Koye ĩāmerā āārānerā iri wiire wiriaripoeta,
gajerā sug_u wereníbi wātī ñajāsūdire Jesús p_uro
āijama.

³³ Jesús ĩgūrē ĩā, wātī ĩgūguere ñajādire
béowiumi. Īgū wātīrē béowiumakūta, wereníbiradi
werenín_ugāmi. Īgū irasirimakū ĩārā, āārīpererā
ĩaguka:

—Marī oō Israel nikūrē āsū iririnorē neō ĩābirib_u,
ārīma.

³⁴ Fariseo bumarā gap_u Jesúre:

—Ī, wātēa op_u turari merā wātēārē béowiumi, ārī
werew_uama.

Jesús masakare bopoñarī merā ĩādea

³⁵ Jesús āārīpereri makārīrē judío masaka nerērī
wiirigue masakare buegorenagū waami. Ōārī
kerere, Marīp_u ĩgūyarārē doreg_u āārīrīmarē bue-
nami. Irasū āārīmakū, pūrīrikurārē āārīpereri
gajerosūperi sīrīrī oparārē taunami.

³⁶ Masakare ĩāgū, bopoñarī merā ĩgūsārē ĩāmi.
“Īgūsā b_ujawererā, gūñaturamerā, oveja sug_u
Īgūsārē korerimasū opamerā irirosū āārīma”,
ārī gūñayup_u.

³⁷ Irasirīg_u āsū ārīmi g_uare ĩgū buerārē:

—Marīp_uyare neō pémerā, poeague oteri d_uka
buribejadea irirosū wārā āārīma. Īgūsārē ĩgūyare
weremurā gap_u iri pooere moārīmasā irirosū
mérāgā āārīma.

38 Irasirirã marĩ Opure iri pooe opu irirosũ ããrĩgũrẽ: “Gajerã mũyare weremurãrẽ iriuka!” ãrĩ sêrêka! ãrĩmi Jesús gũare.

10

Jesús pe mojõma pere su gubu peru pẽrẽbejarã ãgũ buedoregũ pĩmurãrẽ beyedeã
(Mr 3.13-19; Lc 6.12-16)

¹ Pũũ Jesús gũare pe mojõma pere su gubu peru pẽrẽbejarã ãgũ buerã ããrĩmurãrẽ siiu, gũare ãgũ turarire sĩmi, ããrĩpereri pũrĩrĩrẽ tau, wãtẽã masakare ñajãnerãdere béowiuburo, ãrĩgũ.

² ãsũ wãĩkũrã ããrĩbũ gũã Jesús beyenerã: Simón wãĩkũgũ ããrĩmĩ. ãgũrẽta “Pedro” wãiyemi Jesús. Simón pagũmũ Andrés wãĩkũmĩ. Gajigũ Santiago ããrĩmĩ. ãgũ pagũmũ Juan wãĩkũmĩ. ãgũsã Zebedeo pũrã ããrĩmã.

³ Gajerã Felipe, Bartolomé, Tomás ããrĩmã. Yũ Mateo, romano marã opure niyeru wajaseabosarimasũ ããrĩdi ããrĩbũ. Gajigũ Santiago, Alfeo magũ ããrĩmĩ. Gajigũ Tadeo ããrĩmĩ. ãgũta Lebeo wãĩkũmĩ.

⁴ Gajigũ Simón, celote wãĩkũri bumũ ããrĩmĩ. Gajigũ Judas Iscariote wãĩkũgũ ããrĩmĩ. ãgũta Jesũre wẽjẽduarãguere ãgũrẽ ãmubu ããrĩmĩ.

Jesús ãgũ buerãrẽ buedoregũ iriudeã
(Mr 6.7-13; Lc 9.1-6)

⁵ Jesús gũare ãgũ buerã pe mojõma pere su gubu peru pẽrẽbejarãrẽ turarire sĩ odo, ãsũ ãrĩ were iriumĩ:

—Judío masaka ããrĩmerã p̄roguere waabirikõãka! Irasũ ããrĩmakũ, Samaria nikũma makãrĩguedere waabirikõãka!

6 Israel bumarã Marĩp̄uyare masĩmerã, oveja dedirinerã irirosũ ããrĩrã p̄ro gap̄u waaka!

7 Īgũsãrẽ ãsũ ãrĩ wererã waaka: “Mérõ d̄uyáa, Marĩp̄u ĩgũyarãrẽ doreri ejaburo”, ãrĩka!

8 Pũrĩrikurãrẽ tauka! Boanerãrẽ masũka! Kãmi boarãdere tauka! Wãtẽa masakare ñajãnerãrẽ béowiuka! Ȳu turarire m̄sãrẽ wajamarĩrõ s̄ia. Irasirirã, ȳu m̄sãrẽ wajamarĩrõ s̄irõsũta waja-marĩrõ ĩgũsãrẽ tauka!

9 'Waarã, neõ niyeru oro, plata, cobrere,

10 m̄sãya aju ããbirikõãka! Surí, sapatu m̄sã sãñarĩ merã dita waaka! Tuariyukure ããbirikõãka! Moãrĩmasã ĩgũsã moãrĩ waja merã wajata baama. Irasirirã m̄sã masakare bueri waja baari m̄sãrẽ s̄irãkuma.

11 'Makãrẽ ejarã, iri makã marã: “Īlta õãrõ iriḡu ããrĩmi”, ĩgũsã ãrĩḡu p̄ro dujaka! M̄sã iro ããrĩrõpã ĩgũya wiire ããrĩka! Waarãgue iri wiire wirika!

12 Iri wiire ñajãrã, wii marãrẽ: “Marĩp̄u m̄sãrẽ siuñajãrĩ s̄iburo”, ãrĩ õãdoreka!

13 M̄sãrẽ õãrõ bokatĩrĩñeãmakũ, ĩgũsãrẽ: “Marĩp̄u siuñajãrĩ s̄irĩ merã õãrõ ããrĩrikuka!” ãrĩka! M̄sãrẽ gããmemerã, i siuñajãrĩ merã ããrĩbirikuma.

14 M̄sãrẽ ĩgũsã ñeãbirimakũ, m̄sã buerire p̄d̄uabirimakũ ĩãrã, ĩgũsãya wiire, o ĩgũsãya makãrẽ wiriarã, nikũwera m̄sãya guburigue tuadeare mojẽbéoka, ĩgũsãrẽ wajamoãburire ĩmurã!

15 Diayeta m̄sãrẽ werea. Marĩp̄u ããrĩpererã ñerãrẽ wajamoãrĩn̄u ejamakũ Sodoma, Gomorra

marãrẽ wajamoãrõ nemorõ mʉsãrẽ gããmemerãrẽ wajamoãgʉkumi.

Jesúre bʉremurãrẽ gajerã ñerõ iriburire werede

¹⁶ 'Yure õãrõ péka! Ovejare makãnúu marã diayéa guarã watopegue iriurosũ ñerã masaka watopegue mʉsãrẽ iriua. Irasirirã õãrõ pémasĩka! Ígũsã watopegue ñerõ iriro marĩrõ ããrĩrikuka!

¹⁷ Pémasĩka! Masaka mʉsãrẽ ígũsã oparãrẽ wiarãkuma, mʉsãrẽ wajamoãdorerã. Judío masaka ígũsã nerẽrĩ wiiriguedere mʉsãrẽ tãrãrãkuma.

¹⁸ Irasũ ããrĩmakũ, mʉsã yure bʉremurĩ waja, ígũsãya makãrĩ marã oparã pʉrogue, ígũsãya nikũ marã oparã pʉrogue ãĩãrãkuma mʉsãrẽ wajamoãdoremurã. Irasirirã mʉsãrẽ irogue ãĩãmakũ, oparãrẽ, judío masaka ããrĩmerãdere yaa kerere wererãkoa mʉsã.

¹⁹ Mʉsãrẽ oparã pʉrogue ãĩãmakũ: “¿Naásũ ãrĩrãkuri ígũsãrẽ?” ãrĩ gũñarikʉbirikõãka! Oparã mʉsãrẽ sërẽñamakũ, Marĩpʉ gũñarĩ sĩrĩ merã wererãkoa.

²⁰ Irasirirã mʉsã gũñarĩ merã werebirikoa. Marĩpʉ, Õãgũ deyomarĩgũ merã mʉsãrẽ masĩrĩ sĩrĩ merã werenĩrãkoa.

²¹ 'Iripoere masaka, ígũsãyarã yure bʉremumakũ ããrã, ígũsãrẽ oparãguere wẽjẽdorerã wiarãkuma. Pagusãmarã ígũsã pũrãrẽ oparãguere wẽjẽdorerã wiarãkuma. Gajerã, ígũsã pagusãmarãrẽ ããturi, oparãguere wẽjẽdorerã wiarãkuma.

²² Irasirirã masaka ããrĩperero i ãmʉ marã yure mʉsã bʉremurĩ waja mʉsãrẽ ããturi doorãkuma. Marĩpʉ gapʉ yure piriro marĩrõ bʉremugũrẽ taugʉkumi.

23 Su makã marã musãrẽ ñerõ irimakũ, gaji makãgue duriwãgãka! Diayeta musãrẽ werea. Æãrĩpereri Israel nikũma makãrĩrẽ musã buegorena odoburo dupuyuro, yu Æãrĩpererã tĩgũ Marĩpu iriudi i Æmugue dupaturi aarigũkoa doja.

24 'Neõ sugu buegu, ïgũrẽ buegu nemorõ Æãrĩbemi. Moãboerimasũde ïgũ opu nemorõ Æãrĩbemi.

25 Sugu buegu ïgũrẽ buedi irirosũ dujaduamakũ õãgoráa. Moãboerimasũde ïgũ opu irirosũ dujaduamakũ õãgoráa. Masaka yure musã Opure: "Ï Beelzebú, wãtãa opu Æãrĩmi", Ærĩã, musã yaarãdere ñerõ Ærĩ werenĩrãkuma.

Jesús: "¿Noãrẽ güiri merã buremurõ gããmerĩ?" Ærĩ weredea

(Lc 12.2-7)

26 'Irasirirã musãrẽ ñerõ iriduarãrẽ güibirikõãka! Æãrĩpereri gajerã ïãberogue irideare, durirogue irideadere purugue masĩsũrokoa.

27 Yu musãrẽ masaka péberogue weredeare ïgũsã péroque wereka! Yu musãrẽ gajerã ïãberogue werenideare makã dekoue buro busuro merã wereka!

28 Musãrẽ wẽjãrã musãya dupu direta boamakũ irirãkuma. Musãya yujupũrãrĩ gapure boamakũ irimasĩbirikuma. Irasirirã güibirikõãka! Marĩpu gapure güika! ïgũ gapu musãya dupu, musãya yujupũrãrĩrẽ peamegue béomasĩmi. Irasirirã ïgũrẽ güiri merã buremuka!

29 'Masaka pãrã mirã wajarirã, su niyeru tigã, mérõgã wajakuri tigãrẽ sũkuma. ïgũsã mérõgã wajakukerepu, Marĩpu gapu ïgũsãrẽ õãrõ koremi.

Īgūsārē: “Boaburo”, ārībirikerepuru, neō sugugā yebague yuridija, boabemi.

³⁰ Marīpu āārīpereri musā āārīrikarire masīgū, musāya poarire: “Iriku āārā”, ārī masīpeokōāmi.

³¹ Irasirirā güibirikōāka! Musā, mirā nemorō wajakua. Irasirigu Marīpu mirārē korero nemorō musārē koregukumi.

Jesús: “Masakare yure bremurire wereka!”
ārīdea
(Lc 12.8-9)

³² Sugū, masaka péuro: “Jesúyagu āārā”, ārī weremakū, yude Yupu ūmugasigue āārīgū péuro ĩgūrē: “Yaagu āārīmi ĩ”, ārī weregura.

³³ Sugū yure masīkeregu, masaka péuro: “Īgūrē masībea”, ārī weremakū, yude Yupu ūmugasigue āārīgū péuro: “Yude ĩgūrē masībea”, ārī weregura, ārīmi Jesús.

Jesús: “Masakare gāme dukawarirākuma”, ārī weredea
(Lc 12.51-53; 14.26-27)

³⁴ Irasū ārī odo, masakare āsū werenemomi:

—Musā yure: “Īgū i ūmuguere aarigū, masakare siuñajārī merā āārīmakū irigu aarimī”, ārī güñabirikōāka! Irasirigu aarigū meta iribu. Yu ejarita, masakare ĩgūsā basi gāme dukawarimakū yāa. Irasirirā surāyeri yure bremurākuma. Gajerā yure bremumerā gapu ĩgūsārē ĩaturirākuma.

³⁵ Sugū yure bremurī waja, ĩgū magū ĩgūrē ĩaturigukumi. Sugo yure bremurī waja, igo magō igore ĩaturigokumo. Sugo mūñekō yure bremurī waja, igo bepo igore ĩaturigokumo.

36 Irasirirã su wii marã Ìgũsãyagu yure buremumakũ Ìãrã, Ìgũrẽ Ìãturirãkuma.

37 'Sugu yure maĩrõ nemorõ Ìgũ pagusãmarã gapure maĩtarinugãgũ, yaagu ããrĩmasĩbirikumi. Yure maĩrõ nemorõ Ìgũ pũrã gapure maĩtarinugãgũde, yaagu ããrĩmasĩbirikumi.

38 Sugu yure tũyadũari waja curusague pábiatú wějësũbu irirosũ ããrĩkeregu, neõ piriro marĩrõ yure tũyanĩkõãburo. Yure tũyadũabi, yaagu ããrĩmasĩbirikumi.

39 Sugu i ãmugue Ìgũ okarire maĩgũ, peamegue béosũgukumi. Gajigu yure tũyari waja gajerã Ìgũrẽ wějẽkerepũ, Marĩpu gapu Ìgũrẽ taugukumi, Ìgũ pũroque Ìgũ merã ããrĩburo, ãrĩgũ.

*Jesús marĩ ãmugasigue wajataburire weredeã
(Mr 9.41)*

40 'Sugu mũsãrẽ yaarãrẽ õãrõ bokatĩrĩñeãgũ, yũdere bokatĩrĩñeãmi. Yure bokatĩrĩñeãgũ, yure iriudidere bokatĩrĩñeãgukumi.

41 Marĩpu Ìgũya kerere weregure õãrĩ wajatamakũ irigukumi. Sugu Marĩpũya kerere weregu ããrĩrĩrẽ Ìãmasĩ, Ìgũrẽ õãrõ bokatĩrĩñeãgũ, Ìgũ irirosũ õãrĩ wajatagukumi. Sugu gajigu Ìgũ õãgũ ããrĩrĩrẽ Ìãmasĩ, Ìgũrẽ õãrõ bokatĩrĩñeãgũ, Ìgũ irirosũ Ìgũde õãrĩ wajatagukumi.

42 Sugu ubu ããrĩgũ yure tũyagure gajigu Ìgũrẽ iritamudũagu deko yũsari tĩãmakũ Ìãgũ, Marĩpu Ìgũdere õãrõ irigukumi, ãrĩ weremi Jesús.

11

Juan masakare wãĩyerimasũ Ìgũ buerire tũyarãrẽ

*Jesús puro iriudea**(Lc 1.17; 7.18-35)*

¹ Jesús guare pe mojõma pere su gubu peru pērēbejarã ĩgũ buerārē irasũ ārãdero puru, Galilea nikũgue ããrĩrĩ makãrĩ marārē buegorenagũ waakõãmi.

² Juan masakare wãiyerimasũ peresugue ããrĩyuru. Irogue ããrĩgũ, Cristo iriri kerere pẽgu, ĩgũ buerire tuyarārē Jesũre ãsũ ãrĩ sērēñarã waaka:

³ —“¿Muta ããrĩrĩ, Cristo masakare taugũ aaribu iriayuru, ĩgũsã ārĩdi, o gajigũre yũrãkuri gũa?” ãrĩ sērēñarã waaka! ãrĩ iriuyuru.

⁴ Irasirĩã, Jesús purogue ejarã, Juan sērēñadoredeare ĩgũrē sērēñama. Jesús ĩgũsãrē yujumi:

—Musã périre, musã ããrĩrē Juãrē wererã waaka!

⁵ Koye ĩãbiranerã õãrõ ĩãma. Waa-masĩbiranerã waamasĩakõãma. Kãmi boanerã yarĩpereakõãsũama. Gãmipũ pẽbiranerã pẽakõãma. Boanerãde masãkõãma. Boporã, Marĩpu masakare tauri kerere weremakũ pẽma.

⁶ “Yũre buremurĩrē piribi, usuyari opagakumi”, ãrĩ wererã waaka Juãrē! ãrĩmi Jesús.

⁷ ĩgũsã waadero puru, Jesús Juãyamarē masakare ãsũ ãrĩ werenugãmi:

—Musã masaka marĩrõgue Juãrē ĩãrã waarã, gũigũre gũnaturabire ĩãrã waarã meta irikuyo. ĩgũ turabi, mirũ tãborere wẽjẽpubéorosũ ããrĩbemi.

⁸ Irasũ ããrĩmakũ, musã ĩgũrē irogue ĩãrã waarã, õãrĩ surĩ sãñagũrē ĩãrã waarã meta irikuyo. Õãrĩ surĩ sãñarãno oparãya wiirigue ããrĩkuma. Juan ĩgũsã irirosũ ããrĩbemi.

9 Mũsã irogue ãgũrẽ ããrã waarã, Marĩpũya kerere weredupuyurimasũrẽ ããrã waarã iriyo. Mũsãrẽ werea. Diayeta Juan Marĩpũya kerere weredupuyunerã nemorõ ããrĩmi.

10 Marĩpũya werenĩrĩ gojadea pũgue gojasũdero ããrĩbũ Juan iriburire. Irasirigu Marĩpũ ãgũ magũrẽ ãsũ ãrĩdi ããrĩmĩ:

Mũ waaburo dupuyuro yaa kerere weredupuyurimasũrẽ iriugũra mũ waaburore ãmuyudoregũ, ãrĩ gojasũdero ããrĩbũ.✧

11 'Mũsãrẽ diayeta werea. Juan aariburi dupuyuro neõ sugũ ãgũ nemorõ yaamarẽ masĩgũ marĩdi ããrĩmĩ. Irasũ ããrĩkerepũgũ, sugũ Marĩpũ ãmũgasigue ããrĩgũyagũ gapũ Juan nemorõ yaamarẽ masĩgũ ããrĩgũkumi. ããrĩpererã nemorõ ubu ããrĩgũ ããrĩkeregũ, masĩgũ ããrĩgũkumi.

12 'Juan masakare wãiyedi buenũgãdeapoegueta, daporaguedere masaka ãmũgasigue Marĩpũ ãgũyarãrẽ dorerogue ñajãdũarãrẽ bũro ñerõ tarimakũ yãma. ãgũsã turari merã ãgũsãrẽ peremakũ iridũarã iriadima.

13 Juan aariburo dupuyuro ããrĩpererã Marĩpũya kerere weredupuyunerã ãgũsã gojadea merã, Moissẽ gojadea merã Marĩpũ ãgũyarãrẽ doreri kerere werenerã ããrĩmã.

14 Iripoegue Marĩpũ ãgũya gojadea pũgue: “Yaa kerere weredupuyurimasũrẽ Elĩas irirosũ ããrĩbure iriugũra”, ãrĩdi ããrĩmĩ. Juan irasũ ãrĩsũdita ããrĩmi. Irire bũremurõ gããmea.

15 Gãmipũrĩ oparã, yũ wererire õãrõ pẽka!

✧ 11:10 Mal 3.1

16 'Masaka dapora marã, ¿ñeémarãno irirosũ ããrĩrĩ? Majĩrã makã dekogue ĩgũsã merãmarã merã bira gainí doanĩrã irirosũ ããrĩma. ãsũ ãrĩ gainĩma:

17 “Gũa tẽrẽdiru purimakũ, bayabirabu. Bujawereri merã gũa bayamakũ, orebirabu”, ãrĩma.

18 Juan masakare wãĩyerimasũ pã baabiri, igui deko pãmudeare iirĩbirimi. ĩgũ irasirimakũ ĩãrã: “Wãtĩ ñajãsũdi ããrĩmi ĩ”, ãrĩbu musã ĩgũrẽ.

19 Pũru yũ ããrĩpererã tĩgũ baa, iirĩmakũ ĩãrã: “Baapagu, iirĩpagu ããrĩmi”, ãrĩbu. “Romano marã opũre niyeru wajaseabosarimasã merãmu, ñerõ irirã merãmu ããrĩmi”, ãrĩbu musã yũre. Musã gũare* bũremubirikererã, gũa iririre ĩãrã: “Marĩpu ĩgũsãrẽ masĩrĩ sĩmi”, ãrĩ masĩbokoa, ãrĩmi Jesús.

Jesús makãrĩ marãrẽ ĩgũsã ĩgũrẽ bũremubirire weredeã

(Lc 10.13-15)

20 Pũru Jesús iroma makãrĩ marãrẽ turimi. ĩgũsã wãri ĩgũ Marĩpu turari merã iririre iri ĩmumakũ ĩãkererã, ĩgũsã ñerõ iririre bujawerebiri, neõ piribirima. Irasirigu ĩgũsãrẽ ãsũ ãrĩmi:

21 —Musã Corazín marã, Betsaida marãde ñerõ tarirãkoa. Iripoegue marã Tiro, Sidón marã, musã ĩũrõ Marĩpu ĩgũ turari merã iri ĩmurõsũ iri ĩmumakũ ĩãrã, ĩgũsã ñerõ irideare piribonerã ããrĩmã. ĩgũsã ñerõ irideare bũro bujawererire ĩmurã, bujawereri surí sãña, nitĩrẽ dipuru weka mawasiripeobonerã

* **11:19** Jesús: “gũare”, irasũ ãrĩgũ: “ĩgũ basi iririre, Juan irideare”, ãrĩgũ irimi.

ããrĩmá. Mũsã gapũ Marĩpu turari merã yũ iri ãmurĩrẽ ããkererã, mũsã ñerõ iririre neõ piribea.

22 Irasirigu mũsãrẽ werea. Marĩpu ããrĩpererã ñerãrẽ ãgũ wajamoãrĩnũ ejamakũ, Tiro, Sidón marãrẽ wajamoãrõ nemorõ mũsãrẽ wajamoãgũkumi.

23 Mũsã Capernaum marãde: “Ûmũgasigue mũrĩãrãkoa”, ãrĩ gũñadãa. Iroguere neõ waabirikoa. Boanerã ããrĩrõgue béodijusũrãkoa. Sodoma marãrẽ yũ mũsãrẽ Marĩpu ãgũ turari merã iri ãmuderõsũta iri ãmumakũ, iri makã daporadere ããrĩbokoa dapa.

24 Irasirigu mũsãrẽ werea. Marĩpu ããrĩpererã ñerãrẽ ãgũ wajamoãrĩnũ ejamakũ, Sodoma marãrẽ wajamoãrõ nemorõ mũsã gapũre wajamoãgũkumi, mũsã ñerõ iririre piribiri waja, ãrĩmi Jesũs.

*Jesũs: “Yũ pũrogue siuñajãrã aarika!” ãrĩdea
(Lc 10.21-22)*

25 Iripoere Jesũs ãgũ Pagũre ãsũ ãrĩmi:

—Aũ, yũ mũrẽ: “Õãtaria mũ”, ãrĩ, usũyari sĩa. Mũ ãmũgasi marã, i nikũ marã Opũ ããrã. Irasirigu: “Masĩtarinũgãrã, ããrĩpererire pẽmasĩa”, ãrĩ gũñãrãrẽ mũyare masĩmakũ iribea. Majĩrã irirosũ mũrẽ bũremurã gapũre mũyare masĩmakũ yãa.

26 Aũ, irasũta ããrã. Mũ gããmederosũta usũyari merã irasũ yãa, ãrĩmi Jesũs ãgũ Pagũre.

27 Pũrũ masakare ãsũ ãrĩ werenemomi:

—Yũpu yũre ããrĩpereri irimasĩrĩrẽ sĩmi. Neõ sugũ masakũ yũ ããrĩrikũrere masĩbemi. Yũpu dĩa yũre masĩmi. Neõ sugũ masakũ Yũpu

ãārĩrikurire masĩbemi. Y_u dita ãgũrẽ masĩa. Y_u ãgũrẽ masĩdorerãde ãgũrẽ masĩa.

²⁸ M_{usã} Marĩp_{ure} tuyad_{uarã} nukũrĩ ùũma òerã irirosũ ãārĩrã y_u p_{uro} aarika! Y_u m_{usãrẽ} siuñajãrĩ sũg_{ura}.

²⁹ M_{usã} y_u iridoreri gap_{ure} irika! Y_u iririkurire masĩka! Y_u m_{usãrẽ} bopoñarĩ merã ãã, iritamugũ ããrã. Irasirirã y_u iridorerire irirã, y_u merã òãrõ siuñajãrĩ bokarãkoa.

³⁰ Y_u iritamurõ merã yaare m_{usã} irimakũ diasabea. Irasirirã y_u dorerire irirã, nukũbiri kãrãw_{uririre} ùũmarõsũ ãārĩrãkoa, ãrĩmi Jesús.

12

Siuñajãrĩn_u ããrĩmakũ, Jesús buerã trigo yerire tãrĩdea

(Mr 2.23-28; Lc 6.1-5)

¹ Iripoere judío masaka siuñajãrĩn_u ããrĩmakũ, Jesús trigo otedero watope waamakũ, g_{ua} ãgũ buerã uaboasĩã, trigo yerire tãrĩ koro baabu*.

² G_{ua} irasirimakũ ããrã, fariseo bumarã Jesúre ãsũ ãrĩma:

—Ĩãka! ¿Nasirirã siuñajãrĩn_{urẽ}
moãdorebirikerep_{ur_u}, m_u buerã irasũ yári? ãrĩma.

³ Jesús ãgũsãrẽ ãrĩmi:

—¿Iripoeguemu David, ãgũ merãmarã merã uaboagu, ãgũ irideare m_{usã} buebiriri?

⁴ ãgũ merãmarã merã Marĩp_{uya} wiigue ñajãa, Marĩp_u iũrõ peyari pã duparure baadi ããrĩmĩ.

* **12:1** Deuteronomio 23.25: Moisés gojadea pũgue ãsũ ãrĩ gojasũdero ããrĩbú: “Sugu masak_u gajig_{uya} poogue waagú, ãgũya mojõrĩ merã trigo yerire tãrĩ koro baaburo. Wiirimajĩ merã diti ãiibirikõãburo”, ãrĩ gojasũdero ããrĩbú.

Marĩpu paía ããrĩmerãrẽ: “Iri pã duparure baabirikõãka!” ãrĩdi ããrĩmĩ. David gapu paí ããrĩbirikeregu, irire baagu, Marĩpu iũrõ ãgũ dorerire tarinugãgũ meta iridi ããrĩmĩ.

⁵ Paía Marĩpuya wiigwe moãrã, siuñajãrĩnũrĩrẽ siuñajãbema. Siuñajãbirikererã, Marĩpu dorerire tarinugãbema. ¿Irire buebiriri mũsã, Marĩpu Moisere doreri pídea pũguere?

⁶ Mũsãrẽ werea. Marĩpuya wiire bũremurõ nemorõ yu gapure bũremurõ gããmea.

⁷ Marĩpu ãgũya werenĩrĩ gojadea pũgwe ãsũ ãrĩdi ããrĩmĩ: “Yũre bũremurã waimũrãrẽ wẽjẽ soepeomakũ gããmebea. Gajerãrẽ mũsã bopoñarĩ merã ããmakũ gããmea”, ãrĩdi ããrĩmĩ. Mũsã irire pẽmasĩrã yu buerã ñerõ iribirikerepũru, ãgũsãrẽ: “Ñerõ yãma”, ãrĩbiribokoa.

⁸ Yu ããrĩpererã tĩgũ ããrĩsĩã, siuñajãrĩnũrẽ masaka gajino ãgũsã iriburire doremasĩa, ãrĩmi Jesús.

Jesús mojõ diũweredire taudea

(Mr 3.1-6; Lc 6.6-11)

⁹ Irasũ ãrĩ odo, waa, judío masaka nererĩ wiigwe ñajãmi.

¹⁰ Iro sugu masakũ mojõ diũweredi ããrĩmĩ. Irasirirã fariseo bumarã Jesure: “Ñerõ yãmi”, ãrĩ weresãduarã, ãgũrẽ sereñama:

—¿Siuñajãrĩnu ããrĩmakũ, sugu pũrĩrikugure tau-doreri ããrĩrĩ? ãrĩma.

¹¹ Jesús yujami ãgũsãrẽ:

—Siuñajãrĩnu ããrĩkerepũru, mũsãyagu oveja gobegwe meẽñajãmakũ ããrã, ãgũrẽ ãi wiukõãkoa.

¹² Marĩpu sugu masakure, oveja nemorõ maĩtarinugãmi. Irasirirã siuñajãrĩnũrẽ masakare

õārõ irirã, Moisés doredeare tarinugãrã meta yáa, ãrĩmi.

¹³ Irasũ ãrĩ odo, mojõ diíweredire ãrĩmi:

—Muya mojõrẽ soeoka!

Ïgũya mojõrẽ soeomakũta, gaji mojõ irirosũ õãrĩ mojõ dujabũ.

¹⁴ Ïgũ irasirimakũ ããrã, fariseo bumarã gua wiria: “¿Nasirisã, marĩ Jesúre wějẽrãkuri?” ãrĩ gãme wereníñurã.

*Iripoeguẽ Marĩpũya kerere weredupuyudi
Jesús Ïgũ iriburire gojadea*

¹⁵ Jesús Ïgũsã Ïgũrẽ wějẽdũarire masĩ, waakõãmi. Ïgũ waamakũ, wárã masaka Ïgũrẽ tũyama. Irasirigũ ããrĩpererã pũrĩrikũrãrẽ taumi.

¹⁶ Ïgũsãrẽ taugũ: “Yaamarẽ gajerãrẽ werebirikõãka!” ãrĩmi.

¹⁷ Jesús irasirigũ, Marĩpũya kerere weredupuyudi Isaías gojaderosũta irimi. ãsũ ãrĩ gojadi ããrĩmi:

¹⁸ ãsũ ãrĩmi Marĩpũ: “Ï yũre moãboegũ, yũ beyedi, yũ maĩgũ ããrĩmi. Ïgũ merã usuyáa. Õãgũ dey-omarĩgũrẽ Ïgũrẽ sĩgũra. Irasirigũ yũ turari merã ããrĩpererã masakare diayema iririre weregũkumi.

¹⁹ Ïgũ guaseo, gainĩbirikumi. Ïgũ makã dekogue bũro gainĩgorenamakũ neõ pẽbirikuma.

²⁰ Turamerãrẽ bopoñarĩ merã ãã, iritamugũkumi. Irasirigũ, Ïgũsã miũmerẽñu biu peaboadiñu irirosũ ããrĩmakũ ããgũ, peabéogũ irirosũ Ïgũsãrẽ iribirikumi.

Bujawererãrẽ gũñaturamakũ irigũkumi. Irasirigũ, Ïgũsã sĩãgodiru yaubodiru irirosũ

ãārĩmakũ ãāgũ, yaubéogũ irirosũ ãgũsãrẽ iribirikumĩ. ãgũ Opũ ñajãburi dupuyuro ãgũsãrẽ irasirigũkumi. ãgũ Opũ ñajãdero pũũ, masakare diayema iririre irimakũ irigũkumi.

21 Irasirirã ãārĩperero marã ãgũ doreburire usũyari merã yúrãkuma”, ãrĩmi, ãrĩ gojadi ãārĩmĩ Isaías.✧

*Jesúre: “Wãtĩ turari opami”, ãrĩ werewũadea
(Mr 3.19-30; Lc 11.14-23; 12.10)*

22 Pũũ masaka wãtĩ ñajãsũdire Jesúre taudorerã ãijama. ãgũ wãtĩ ñajãsũdi: werenĩbi, koye ããbi ãārĩmĩ. ãgũsã ãijamakũ ãã, Jesús ãgũrẽ taumi. ãgũ irasirimakũ, õãrõ ãã, werenĩmi.

23 ãārĩpererã masaka, ãgũ tarimakũ ããgũka, ãsũ ãrĩ gãme sãrẽñama:

—¿ĩ David parãmi ãārĩturiagu masakare taubu metã ãārĩkuri? ãrĩma.

24 ãgũsã irasũ ãrĩmakũ pérã, fariseo bumarã gapũ ãsũ ãrĩma:

—Ĩ wãtã opũ Beelzebú turari merã wãtããrẽ béowiumi, ãrĩma.

25 Jesús ãgũsã gũñarĩrẽ masĩsã, ãgũsãrẽ ãsũ ãrĩmi:

—Su nikũ marã ãgũsã basi dukawari gãmekããrã, pereakõãkuma. Su makã marã, o su wii marã ãgũsã basi dukawari gãmekããrã, pereakõãkuma.

26 Irasũta wãtã opũ ãgũyarã wãtããrẽ béowiugu, ãgũ basita ãgũyarãrẽ dukawari pereakõãmakũ iribokumi. Irasirigũ, ¿noãrẽ dorenemobokuri?

27 Musã yũre: “Wãtã opũ Beelzebú turari merã wãtããrẽ béowiumi”, ãrĩ werewũãã. Musã buerire

✧ 12:21 Is 42.1-4

tuyarã gapu wãtẽãrẽ béowiurã, ¿noã turari merã béowiukuri? Musã ìgũsãrẽ: “Marĩpu turari merã wãtẽãrẽ béowiuma”, ãrã. Irasiro musã yure werewuari diaye ããrĩbea.

28 Yu Õãgũ deyomarĩgũ turari merã wãtẽãrẽ béowiuu. Irasiro Marĩpu ìgũyarãrẽ doreri musã purugere ejasiáa, ãrĩ masĩsũa.

29 'Irire keori merã musãrẽ werenemogura. Neõ sugu masaku, turaguya wiire ìgũrẽ siapuroribirikeregu, ìgũ oparire emagũ ñajãmasĩbirikumi. Ìgũrẽ siadero purugue merẽ ìgũyare emamasĩkumi, ãrĩmi†.

30 Irasũ ãrĩ odo, ãsũ ãrĩnemomi:

—Yure gããmemerã, yure ìãturirã ããrĩma. Masakare yure siuu neõtamumerã, ìgũsãrẽ waawasirimakũ irirã ããrĩma.

31 'Musãrẽ diayeta werea. Marĩpu ããrĩpereri masaka ñerõ iririre, ñerõ ãrĩ werenĩrĩdere kãtimasĩmi. Õãgũ deyomarĩgũrẽ ìgũsã ñerõ ãrĩ werenĩmakũ tamerãrẽ neõ kãtibirikumi.

32 Yu ããrĩpererã ìgũrẽ ìgũsã ñerõ ãrĩ werenĩmakũ, Marĩpu irire kãtimasĩmi. Õãgũ deyomarĩgũ gapure ìgũsã ñerõ ãrĩ werenĩmakũ, irire neõ kãtibirikumi. Dapora, i umu peredero puruguedere ìgũsã irasũ ãrĩdeare neõ kãtibirikumi, ãrĩmi Jesús.

*Yukure irigu duka merã ìãmasĩsũa, ãrĩ weredea
(Lc 6.43-45)*

33 Irasũ ãrĩ odo, Jesús gaji keori merã buenemomi:

† 12:29 Jesús: “Wãtĩ nemorõ turagu ããrã”, ãrĩgũ, irasũ ãrĩmi.

—Ōādi yukũ òārĩrẽ dukakũa. Nedi yukũ ñerĩrẽ dukakũa. Yukũre irigũ dũka merã ããmasĩsũa‡.

³⁴ Mũsã ãña irirosũ ñerã ãārã. Mũsã ñerã ãārĩsã, òārĩrẽ werenĩmasĩbea. Marĩ gũñarõsũta marĩ werenĩrĩ wirikõãa.

³⁵ Ōāgũ òārĩ gũñarĩ opami. Irasirigũ òārĩrẽ werenĩmi. Nēgũ ñerĩ gũñarĩ opami. Irasirigũ ñerĩrẽ werenĩmi.

³⁶ Mũsārẽ werea. Marĩpũ ãārĩpererã ñerãrẽ wajamoārĩnũ ejamakũ, ãārĩpereri masaka noó gããmerõ werenĩmoãmadeare ãgũsārẽ masĩmakũ irigũkumi.

³⁷ Mũsã òārõ werenĩdea waja Marĩpũ mũsārẽ: “Waja opabema”, ãrĩgũkumi. Mũsã ñerõ werenĩdea waja mũsārẽ: “Waja opama”, ãrĩgũkumi, ãrĩmi Jesús fariseo bumarãrẽ.

Masaka ñerã Jesúre Marĩpũ turari merã iri ãmudoredea

(Mr 8.12; Lc 11.29-32)

³⁸ Pũgũ surãyeri fariseo bumarã, Moisés gojadeare buerimasã ãgũrẽ ãrĩma:

—Buegũ, Marĩpũ turari merã gũare iri ãmuka! ãrĩma. “ãgũ irire irimasĩbi, Marĩpũ iriudi meta ãārĩmi”, ãrĩdũarã irasũ ãrĩñurã.

³⁹ Jesús yũjũmi:

—Mũsã dapora marã masaka ñerã, Marĩpũre gããmemerã ãārã. Mũsã yũre Marĩpũ turari merã gajino iri ãmudorea. Mũsã irasirĩdorekererũpũgũ, Marĩpũya kerere weredupuyudi Jonás iridea di-reta weregũra.

‡ **12:33** Jesús: “Yukũre irigũ dũka merã ããmasĩsũa”, ãrĩgũ: “Marĩ, gajerã werenĩrĩrẽ pérã, ãgũsã ãārĩrĩkũrĩre masĩa”, ãrĩgũ irimi.

⁴⁰ Jonás urenɥ, ure ñami waaí wágɥya paru poek-ague ããrĩderosũta yude ããrĩpererã tĩgũ urenɥ, ure ñami yeba poekague ããrĩgukoa.

⁴¹ Iripoegue Nínive marã Jonás Marĩɥya kerere weremakũ pérã, ĩgũsã ñerõ irideare bujawere, ĩgũsã gũñarĩrẽ gorawayunerã ããrĩmá. Dapora yɥ Jonás nemorõ masĩgũ õõgue mɥsã merã ããrã. Yɥ Marĩɥya kerere werekererɥɥ, mɥsã ñerõ iririkurire bujawerebea. Irasirirã, Marĩɥ ããrĩpererã ñerãrẽ wajamoãrĩnɥ ejamakũ, Nínive marã mɥsã dapora marãrẽ: “Ñegorabɥ”, ãrĩrãkuma.

⁴² Marĩɥ ããrĩpererã ñerãrẽ wajamoãrĩnɥ ejamakũ, sugo iripoeguemo Sabá nikũ marã opo mɥsã dapora marãrẽ: “Ñegorabɥ”, ãrĩgokumo. Yoaromogue ããrĩkerego, õõgue i nikũgue aarideo ããrĩmó, marĩ ñekũsãmarã opɥ Salomón wári masĩrĩ merã wererire pégo aarigó. Dapora yɥ Salomón nemorõ masĩgũ õõgue mɥsã merã ããrã. Yɥ mɥsã merã ããrĩkererɥɥ, mɥsã gapɥ yɥ wererire péduabea, ãrĩmi Jesús.

Jesús, wãtĩ dupaturi masakɥguere ñajãrĩmarẽ weredea

(Lc 11.24-26)

⁴³ Irasũ ãrĩ odo, keori merã werenemomi doja:

—Wãtĩ masakɥguere ããrãdi wiri, pɥɥ deko marĩrõgue ĩgũ siuñajãburore ãmagorenagũ waakumi.

⁴⁴ Ireore bokabi, ãsũ ãrĩ gũñakumi: “Yɥ wiridi, yaa wii irirosũ ããrĩmĩ. Dupaturi yɥ wiridiguereta goeñajãgura doja”, ãrĩ gũñakumi. Irasirigũ ĩgũguere dupaturi goeñajãgũ, gajino marĩrĩ wii, õãrõ ãmu, ooaweadea wiire irirosũ bokajakumi.

⁴⁵ Irasirigũ gajerã wãtẽa su mojõma pere gaji mojõ peru pẽrẽbejarã ãgũ nemorõ ñerãrẽ siiu, ãgũsã ããrĩpererã merã masakũguere ããrĩnikõãkumi. Irasirigũ masakũ ãgũ dupuyuro ããrĩrikũdero nemorõ ñerõ ããrĩkumi. Dapora marã Marĩpure gããmemerã, yare pẽdũamerã irasũta ñerõ waarãkuma, ãrĩmi Jesús.

*Jesús pago ãgũ pagũpũrã merã ãgũrẽ ããgõ ejadea
(Mr 3.31-35; Lc 8.19-21)*

⁴⁶ Jesús masakare wereripoe ãgũ pago, ãgũ pagũpũrã merã ãgũ ããrĩrĩ wii disipũro ejayupo ãgũ merã werenidũago.

⁴⁷ Sugũ igore ãã, Jesúre weremi:

—Mũpo, mũ pagũpũrã disipũro níama, mũ merã werenidũarã, ãrĩmi.

⁴⁸ ãgũ irasũ ãrĩmakũ pẽgũ, Jesús ãgũrẽ ãrĩmi:

—¿Noã ããrĩrĩ yũpo, yũ pagũpũrã? ãrĩmi.

⁴⁹ Irasũ ãrĩgũ, gũare ãgũ buerãrẽ soepu, ãsũ ãrĩmi:

—Ïsã, yũpo, yũ pagũpũrã irirosũ ããrĩma.

⁵⁰ Yũpũ ãmũgasigue ããrĩgũ gããmerĩrẽ irirãno, yũ pagũmũ, yũ pagũmo, yũpo irirosũ ããrĩma, ãrĩmi Jesús.

13

*Jesús oterimasũ keori merã buedea
(Mr 4.1-9; Lc 8.4-8)*

¹ Irinata Jesús wiigüe ããrãdi ditarugue waa, iri ditaru tãro eja doami.

² Masaka wãrã ãgũ pũro nerẽmakũ ããgũ, doódirugue mũrĩñajãa, eja doami. ããrĩpererã masaka ãmparogue dujanũgãma ãgũ buerire pẽmurã.

³ Irasirigu wári keori merã ãgũsãrẽ ãsũ ãrĩ buemi:
—Sugu oterimasũ ãgũya oteri yerire meéwasirigu waakumi.

⁴ ãgũ meéwasiriwãgãmakũ, gaji yeri maague yurikoa. Iro yuriadea yerire mirã eja, baapeokõãkuma.

⁵ Gaji yeri ãtãyerikurogue yurikoa. Iro sĩmerẽrõgã nikũ ããrĩmakũ, iro yuriadea yeri mata puriadikoa.

⁶ Iri nikũ sĩmerẽrõgã ããrĩmakũ, puriñajãdi, puru abe asimakũ, nugũrĩ marĩsĩã, ñaĩ, boakõãkoa.

⁷ Gaji yeri pora watopegue yurikoa. Pora gapu puritarimurĩa, oteri gapure wějẽkõãkoa.

⁸ Gaji yeri õãrĩ nikũgue yurikoa. Iri yeri puri, õãrõ dukakukoa. Suñu cien yeri, gajiñu sesenta yeri, gajiñu treinta yeri dukakukoa.

⁹ Musã gãmipũrĩ oparã, yu wererire pẽduripĩka! ãrĩmi Jesús.

*Jesús buerã ãgũrẽ: “¿Nasirigu keori merã bueri?”
ãrĩ sãrẽñadea
(Mr 4.10-12; Lc 8.9-10)*

¹⁰ Puru guã ãgũ buerã ãgũ puro waa, ãgũrẽ sãrẽñabu:

—¿Nasirigu masakare keori merã bueri? ãrĩbu.

¹¹ Jesús guare yajumi:

—Marĩpu ãgũyarãrẽ doregu ããrĩrĩrẽ, iripoegue masĩbirideare musãrẽ masĩmakũ yámi. Gajerã ãgũrẽ buremumerã gapure irasiribemi.

¹² ãgũyare masĩãnorẽ masĩnemomakũ irigukumi. Irasirirã wáro masĩrĩ oparãkuma. Gajerã ãgũrẽ buremumerã ãgũyare masĩmerãrẽ ãgũsã mérõ masĩadideare pẽmasĩbirimakũ irigukumi.

13 Irasirigu yu ĩgūsārē keori merā buea. ĩgūsā Marĩpu iririre ĩākererā, ĩāmasĩbema. ĩgũyare pékererā, péduripĩbema. Neō pémasĩbema.

14 Irasirirā Marĩpuya kerere weredupuyudi Isaiás gojaderosũta yáma. Āsũ ārĩ gojadi āārĩmĩ:

Āsũ ārĩmi Marĩpu: “Yaare pékererā, musā neō pémasĩbea. Yu iririre ĩākererā, musā neō ĩāmasĩbea.

15 Yaa werenĩrĩrē péduabirisĩā, musā neō pémasĩbea. Gānipũrĩ pémerā, koye ĩāmerā irirosũ āārā. Musā irasũ āārĩmerā, yaare ĩāmasĩ, ōārō pémasĩboko. Yu pémasĩrĩ sĩrĩrē oparā yure buremuboko. Irasirigu musārē tauboko”, ārĩmi Marĩpu, ārĩ gojadi āārĩmĩ Isaiás.✧

16 Gũa gapure ārĩmi:

—Musā gapu pémasĩa. Irasirirā usuyáa. Yu iririre ĩārā, yu wererire pérā, yure buremu.

17 Diayeta musārē werea. Wārā iripoegue marā Marĩpuya kerere weredupuyunerā, gajerā Marĩpũre buremunerā musā dapora ĩārĩrē burō ĩāduanerā āārādima. Irire ĩāduakererā, irire ĩābirinerā āārĩmā. Musā dapora périre burō péduakererā, pébirinerā āārĩmā.

Jesús oterimasũ keori merā ĩgũ bueadeare: “Āsũ ārĩduaro yáa”, ārĩ weredea

(Mr 4.13-20; Lc 8.11-15)

18 Irasirirā ōārō péka! Yu oterimasũ keori merā bueadeare musārē weregũra. Iri āsũ ārĩduaro yáa. Marĩpu ũmũgasigue āārĩgũ ĩgũyarārē doreri kere, oteri yeri irirosũ āārā.

✧ 13:15 Is 6.9-10

19 Surãyeri masaka iri kerere pékererã, pémasĩbema. Maa buriri maa irirosũ ããrĩma. Iri kerere péadero puru, oteri yeri iri maague yuridea yerire mirã baapeoderosũ, wãtĩ aari, ãgũsã péadideare emapeokõãmi.

20-21 Gajerã masaka ãtãyerikuri yeba irirosũ ããrĩma. Iri kerere pérã, mata usuyari merã: “Õãgorãa”, ãrĩ gũñama. Irire pékererã, oteri yeri ãtãyerikurogue yuriadero puru, puri, nugũrĩ puriñãjãbiriderosũ waama. Mérõgã puru ãgũsã Marĩpuyare péduari waja gajerã ãgũsãrẽ ñerõ irimakã ããrã, o ñerõ tarisã, mata ãgũyare pirikõãma.

22 Gajerã masaka porakuri yeba irirosũ ããrĩma. Iri kerere pékererã, oteri yeri porakurogue yuriadero puru, pora gapu puritarimurĩa wẽjẽderosũ, i umumarẽ burõ gũñarikuma. Doebiridere burõ gããmenemoma. Irasirirã Marĩpuyare kãtima. Otediũ dukã marĩdiũ irirosũ dujama.

23 Gajerã masaka õãrĩ nikũ irirosũ ããrĩma. Marĩpuya kerere pérã, õãrõ pémasĩma. Irasirirã oteri yeri õãrĩ nikũgue yuriadero puru, puri õãrõ dukakuderõsũ õãrĩrẽ yãma. Surãyeri cien yeri, gajerã sesenta yeri, gajerã treinta yeri dukakurosũ irirã ããrĩma, ãrĩmi Jesús.

Jesús trigo otedea watopegue ñerĩ tá oteri keori merã bueda

24 Jesús irasũ ãrĩ odo, gaji keori merã guare buemi:

—Marĩpu umugasigue ããrĩgũ ãgũyarãrẽ doreri i irirosũ ããrã. Sugu pooe opu ãgũya poeegue õãrĩ yerire otekumi.

²⁵ Su ñami merã ããrĩpererã kãrĩripoe ãgũrẽ ããturigu poeegue eja, ãgũ trigo oteadea watopegue ñerĩ táre otekumi. Ote odo, waakõãkumi.

²⁶ Trigo yeri puriwiriadero pũũ, ñerĩ táde purikoa. Pũũ trigo dukakukoa. Iri dukakumakũ ããrã, iri poe opũre moãboerimasã ñerĩ tá ããrĩmakũ ããmasĩkuma.

²⁷ Irasirirã iri poe opũre wererã waakuma:

—Gua opũ, ¿nasiriro õãrĩ yeri direta mũa poeere otesũdero ããrĩkerepũũ, ñerĩ táde puriyuri? ãrĩkuma.

²⁸ ãgũsã irasũ ãrĩmakũ pégu, ãsũ ãrĩkumi:

—Yũre ããturigu iri ñerĩ táre otekumi, ãrĩkumi.

ãgũ irasũ ãrĩmakũ pérã, ãgũrẽ moãboerimasã sãrẽñakuma doja:

—¿Ñerĩ táre gua taãseabéorã waamakũ gããmekuri mũ? ãrĩkuma.

²⁹ —Taãseabirikõãka! Ñerĩ táre taãsearã trigodere duuabokoa.

³⁰ Iri, ñerĩ tá merãta puri masãkõãburo. Trigo ñãĩmakũ, gajerã duka seaboerimasãrẽ ãsũ ãrĩ iriugũra: “Ñerĩ táre taãseapũrori, dupa dotori siaka, irire soemurã! Pũũ trigore seaka, irire yũ duripĩri wiigũe duripĩmurã!” ãrĩgũra, ãrĩkumi, ãrĩmi Jesús.

Jesús mostaza wãĩkũri yegã puri masãdea keori merã bueada

(Mr 4.30-32; Lc 13.18-19)

³¹ Irasũ ãrĩ odo, gaji keori merã buemi:

—Marĩpũ ãmũgasigue ããrĩgũ ãgũyarãrẽ doreri sugũ masakũ ãgũya poeegue suye oteriyẽ mostaza wãĩkũri yegãrẽ oterosũ ããrã.

³² Iri oteri yegã ããrĩpereri oteri yeri nemorõ mérĩ yegã ããrĩkoa. Irasũ ããrĩkerero, otemakũ, pũũ yukũ

wádi irirosũ puri masãkoa. Irasirirã wárã irigũ dupurigue ãgũsãya surí suakuma, ãrĩmi Jesús*.

Jesús pã wemasãrĩ morẽrĩ poga keori merã buedea

(Lc 13.20-21)

³³ Pũũ gaji keori merã buemi:

—Marĩũ ãmũgasigue ããrĩgũ ãgũyarãrẽ doreri i irirosũ ããrã. Sugo nomeõ pã duparure iribo, mérõgã pã wemasãmakũ iriri poga merã trigo pogare morẽkumo. Irire wemasãseyaburo, ãrĩgõ, irasirikumo. Irasiriro Marĩũ ãgũyarãrẽ doreri iri pã wemasãrĩ morẽrĩ poga irirosũ ããrã, ãrĩmi†.

Jesús masakare keori merã buenadea

(Mr 4.33-34)

³⁴ Jesús masakare i ããrĩpereri buerire weregũ, keori merã dita buenami. Keori marĩõ ãgũsãrẽ buenabirimi.

³⁵ Irasirigũ Marĩũya kerere weredupuyudi gojaderosũta irimi. ãsũ ãrĩ gojadi ããrĩmĩ Jesús masakare wereburimarẽ:

* **13:32** Jesús i kere merã buegũ: “Marĩũ ãmũgasigue ããrĩgũrẽ bũremurã mérãgã ããrĩnũgãkerekereũ, pũgũgue gajerã ãgũsã merã ãgũrẽ bũremunũgãmakũ, wárã ããrĩrãkuma; o sugũ Marĩũre bũremunũgãgũ, mérõgã bũremurĩ opami. Pũgũgue, mostaza wãikũri yegãrẽ otedero pũũ yukũ wádi puri, masãõsũ Marĩũ iritamurĩ merã wáro ãgũrẽ bũremurĩ opagũkumi”, ãrĩ buegũ irimi. † **13:33** Jesús i kere merã buegũ: “Marĩũre bũremurã ããrĩpereri i ãmũguere ãgũyarãrẽ doregũ ããrĩrẽ masakare buerã waamakũ, ããrĩpereri buri marã watopague wárã irire pé, ãgũrẽ bũremunũgãrãkuma; o sugũ Marĩũre bũremunũgãgũ Marĩũ ãgũyarãrẽ doregũ ããrĩrẽ buenĩgũ, Marĩũ iritamurĩ merã Marĩũ doreri direta iridũagũkumi”, ãrĩ buegũ irimi.

Keori merã weregũkoa. Iri merã weregũ, Marĩpũ i ãmũrẽ iridero pũrugue marã neõ masĩbirideare dapora marãrẽ weregũra, ãrĩ gojadi ããrĩmĩ.✧

Jesús ñerĩ tá, trigo otedea watopegue puri masãdeare buenemodea

³⁶ Pũrũ Jesús masakare seretu odo, wiigue ñajãmi. Ĩgũ ñajãmakũ ãã, gũa Ĩgũ buerã Ĩgũ pũrogue ñajãa, Ĩgũrẽ sãrẽñabũ:

—Trigo otedea watopegue ñerĩ tá puri masãdea keorire werenemoka! ¿Naásũ ãrĩduaro iriari? ãrĩbũ.

³⁷ Gũa irasũ ãrĩmakũ pégu, Jesús yũjũmi:

—Yũ ããrĩpererã tĩgũ, iri pooe opũ õãrĩ yeri otedi irirosũ ããrã.

³⁸ Poee gapũ i ãmũ irirosũ ããrã. Marĩpũ Ĩgũyarãrẽ dorerogue ããrĩmurã gapũ õãrĩ yeri irirosũ ããrĩma. Wãtĩyarã ñerĩ tá irirosũ ããrĩma.

³⁹ Wãtĩ poee opũre ĩãturigu irirosũ ããrĩmi. I ãmũ pererĩnũ iri otedea dukare searĩnũ irirosũ ããrã. Marĩpũre wereboerã, poee opũre duka seaboerĩmasã irirosũ ããrĩma.

⁴⁰ 'Iri ñerĩ táre Ĩgũsã taáseadeare peamegue soebéoderosũta i ãmũ pererĩnũ ejamakũ waarokoa.

⁴¹ Irasũ waaripoe yũ ããrĩpererã tĩgũ, yũre wereboerãrẽ iriugũkoa. Irasĩrĩrã Ĩgũsã masakare ñerĩ irimakũ irĩrãrẽ, Marĩpũ dorerire tarĩnũgãrãdere neeõrãkuma.

⁴² Neeõ odo, perebiri peamegue Ĩgũsãrẽ béorãkuma. Irogue bũro pũrĩsũrã Ĩgũsãya guikare kũrĩduútũ orerãkuma.

✧ 13:35 Sal 78.2

43 Marĩpu gããmerĩrẽ irirã gapu ãmugasigue ãgũyarãrẽ dorerogue ããrĩrã, abe ãmũmũ irirosũ gosewasirirākuma. Mũsã gãmipũrĩ oparã, yu wererire pẽduripĩka!

Jesús wáro niyeru yáapídea keori merã buedea

44 'Gaji mũsãrẽ werea. Marĩpu ãmugasigue ããrĩgũ ãgũyarãrẽ doreri i irirosũ ããrã. Sugu masakũ wáro niyeru gajigũya nikũ poekague yáapídeare bokakumi. Irire bokagu, bũro mũsũyakumi. Irasirigu ãgũ bokadeare bũro gããmesĩã, dupaturi yáapĩkõãkumi doja. Irasirigu ããrĩpereri ãgũyare gajerãrẽ duakumi. ãgũ duadea waja merã iri nikũrẽ wajarikumi‡.

Jesús perla wãikũriye keori merã buedea

45 'Gaji mũsãrẽ werea doja. Marĩpu ãmugasigue ããrĩgũ ãgũyarãrẽ doreri i irirosũ ããrã. Sugu wajaririmasũ wajapari yeri perla wãikũri yerire ãma wajaridũakumi.

46 Iri yerire ãmagũ, wajapatariri yere bokakumi. Iri yere bũro gããmesĩã, ããrĩpereri ãgũyare duakumi. ãgũ duadea waja merã iri yere wajarikumi.

Jesús buidi keori merã buedea

47 'Gaji mũsãrẽ werea doja. Marĩpu ãmugasigue ããrĩgũ ãgũyarãrẽ doreri, waaĩ wẽjẽrĩmasã buidi meeyo, ããrĩpererã waaĩ ããrĩrãkũ ñeãrõ irirosũ ããrã.

48 ãgũsãya buidire waaĩ mũrimakũ ããrã, waaĩ wẽjẽrĩmasã ãmiparogue tũãmajã, waairé beyekuma.

‡ 13:44 Jesús i kere merã buegu: “Masakũ ããrĩpereri ãgũyare gããmerõ nemorõ Marĩpũyare gããmegũ ããrĩkumi”, ãrĩ buegu irimi.

Õārã waairé ïgũsãya puuirigue seasãkuma. Ñerãrẽ béokõãkuma.

⁴⁹ I ãmũ pererĩnũ ããrĩmakũ, masakare ãsũta waarokoa. Marĩpũre wereboerã õãrãrẽ, ñerãrẽ beyerã aarirãkuma.

⁵⁰ Beye odo, ñerãrẽ perebiri peamegue béorãkuma. Irogue bũro pũrĩsũrã ïgũsãya guikare kũrĩduútú orerãkuma, ãrĩmi Jesús.

Jesús iripoeguema buerire, maama bueridere weredeã

⁵¹ Pũrũ gũare sërẽñami:

—¿I ããrĩpererire pémasĩrĩ mũsã? ãrĩmi.

—Ëũ, pémasĩa, ãrĩ yujũbũ.

⁵² Gũã irasũ ãrĩmakũ, ãrĩmi:

—Sugũ Moisés gojadeare buerimasũ Marĩpũ ãmũgasigue ããrĩgũ ïgũyarãrẽ doregũ ããrĩrĩmarẽ masĩgũ, wii opũ irirosũ ããrĩgũkumi. Irasirigũ wii opũ, iripoegue ïgũ opadeare, maama ïgũ oparidere ãĩwiugũ irirosũ, maama buerire, iripoeguema bueridere õãrõ masĩrĩ merã weregũkumi, ãrĩmi Jesús gũare.

Jesús Nazaregue goedujáadeã

(Mr 6.1-6; Lc 4.16-30)

⁵³ Jesús iri keori merã were odo, iro ããrãdi waa,

⁵⁴ ïgũ masãdeã makãgue ejami. Irogue eja, judío masaka nerẽrĩ wiigue buemi. Masaka, ïgũ buemakũ pérã, pégũkakõãma. ãsũ ãrĩ gãme werenĩma:

—¿Noógue bueyuri, ñĩ iropã masĩbu? ¿Nasirisĩa, iri ïmurĩrẽ irimasĩyuri?

⁵⁵ Ñĩ taboa moãdi magũ ããrĩmi. ïgũ pago María wãikũmo. Santiago, José, Simón, Judas ïgũ pagũpũrã ããrĩma.

56 Īgũ pagũpũrã nomede i makã marãta ããrĩma. Īgũ marĩ irirosũ ããrĩkeregũ, ħnasirisĩã, i ããrĩpererire masĩrĩ? ãrĩma.

57 Irasirirã ĩgũrẽ bũremudũabirima. Jesũs gapũ ĩgũsãrẽ ãrĩmi:

—Ããrĩpererogue sugũ Marĩpũya kerere weredupuyugũre gajerã bũremuma. ĩgũya nikũ marã, ĩgũya wii marã gapũ ĩgũrẽ bũremubema, ãrĩmi.

58 Irasirigũ Jesũs, ĩgũsã ĩgũrẽ bũremubirimakũ ĩãgũ, iri makãrẽ wãri Marĩpũ turari merã iri ĩmubirimi.

14

Juan masakare wãiyerimasũ boadea (Mr 6.14-29; Lc 9.7-9)

1 Iripoere Herodes Galilea nikũ marã opũ, Jesũs iriri kerere pũyupũ.

2 Irire pẽgũ, ĩgũrẽ moãboerãrẽ ãsũ ãrĩyupũ:

—Īgũ irire irasũ irigũ, Juan masakare wãiyerimasũta boadigue masãdi ããrĩkumi. Irasirigũ wãri iri ĩmurĩrẽ irikumi, ãrĩyupũ.

3 Juan boaburi dupuyuro Herodes ĩgũ pagũmũ Felipe marãpo Herodĩas wãĩkũgore ĩma, marãpokũmakũ ĩãgũ,

4 ãsũ ãrĩdi ããrĩmĩ:

—Mũ pagũmũ marãpore marãpokũgũ, Marĩpũ dorerire tarinũgãgũ yãa, ãrĩdi ããrĩmĩ. Irasirigũ Herodes ĩgũrẽ ñeã, peresu iridi ããrĩmĩ.

5 Īgũ Juãrẽ wẽjẽdũadi ããrĩmĩ. Judĩo masaka gapũ: “Ī Juan Marĩpũya kerere weredupuyurimasũ ããrĩmi”, ãrĩ gũñanerã ããrĩmã. Irasirigũ Herodes:

“Juārē yu wējēmakū yu merā guabokuma”, āriḡū, īḡūsārē ḡūidi āārīmí.

⁶ Puru Herodes īḡū deyoadea bosenu irigū iridi āārīmí. Īḡū irasiririnurē Herodías magō īḡū siiuanerā iūrō baya imudeo āārímó. Igo baya imumakū iāḡū, Herodes burō usuyadi āārīmí. Irasirigū igore:

⁷ “Āriḡatoro marīrō, mu yure sērērīnorē sīḡura”, ārīdi āārīmí.

⁸ Īḡū irasū āārimakū pégo, igo pagore: “¿Ñeonorē sērēgokuri yu?” ārīdeo āārímó. Irasirigo igo pago sērēdoreaderosūta īḡūrē sērēdeo āārímó:

—Juan masakare wāiyerimasūya dipurure dititá, soropa wáripa merā īḡūya dipurure yure sīka! ārīdeo āārímó.

⁹ Igo irasū āārimakū pégu, Herodes burō bujaweredi āārīmí. Īḡū siiuanerā péuro: “Āriḡatoro marīrō, mu yure sērērīnorē sīḡura”, ārādi āārīsīā, ḡuyasīriḡū, igore: “Murē sībirikoa”, ārīmasībiridi āārīmí. Irasirigū, igo īḡūrē sērērōsūta iridi āārīmí.

¹⁰ Irasirigū, īḡūyagu surara Juan peresugue āārīḡú puro waa, īḡūya dipurure dititádi āārīmí.

¹¹ Puru soropa merā īḡūya dipurure āiri, Herodías magōrē wiadi āārīmí. Īḡū wiamakū ñeā, igo pagore āia sīdeo āārímó.

¹² Juan boadero puro, īḡū buerire tūyanerā īḡūya dupure āiwāḡā, yāarā waanerā āārímá. Yāa odo, Juan boadeare Jesúre wererā ejama.

*Jesús cinco mil āmarē baari ejodea
(Mr 6.30-44; Lc 9.10-17; Jn 6.1-14)*

¹³ Juārē wējēadea kerere pégu, Jesús doódirugue mārīñajāa, masaka marīrōḡue ḡua īḡū buerā merā

waakõãmi. Ìgũ irogue waaríre pérã, masaka ìgũsãya makãrírê wiri, ìgũ dupuyuro maague waa, ejasianerã ããrímá.

14 G_{ua} ditaru gaji koepugue taribujaja, Jesús doódirugue sãñadi majãnugã, wárã masakare bokajami. Irasirig_u ìgũsãrê bopoñarĩ merã ìã, pũrĩrikurã ìgũsã ãirianerãrê taumi.

15 Naĩmejãwãgãripoe g_{ua} Jesús buerã ìgũ p_{uro} waa, ãsũ ãrĩb_u ìgũrê:

—Naĩmejãrõgue yáa. Õõ masaka marĩrõgue ããrã. Irasirig_u masakare waadoreka! Makãrĩgue ìgũsã baaburire wajarirã waaburo, ãrãdib_u.

16 G_{ua} irasũ ãrĩmakũ pégu, Jesús ãrĩmi:

—Waabirikõãburo. M_usã ìgũsãrê baari sĩka! ãrĩmi.

17 G_{ua} ìgũrê ãrĩb_u:

—Su mojõma pã duparu, waaídere pãrãta opáa, ãrĩb_u.

18 —Irire y_{ure} ãirika! ãrĩmi Jesús.

19 P_ur_u masakare tá weka doadoremi. Irasirig_u su mojõma pã duparure, pãrã waairé ãĩ, ãm_ugasigue ìãmu, Marĩp_{ure}: “M_urê _us_uyari sã”, ãrĩmi. Ærĩ odo, iri pã duparure pea, g_uare ìgũ buerãrê sĩmi masakare gueredoreg_u. Irasirirã g_{ua} ìgũsãrê irire guereb_u.

20 Irasirirã ããrĩpererã baayapiakõãma. P_ur_u ìgũsã baad_uáadeare pe mojõma pere su gubu peru pãrêbejari puuirigora seasã, _ut_udobob_u.

21 Iro baanerã: nome, majĩrã keoña márĩrõ ãma direta keomakũ cinco mil gora ããrímá.

*Jesús deko weka waadea
(Mr 6.45-52; Jn 6.16-21)*

22 Puru Jesús gha ñgũ buerãrẽ doódirugue mairĩñajãdore, ditarugue ñgũ dupuyuro taribujadoremi. Ñgũ gapu irogue dujami dapa masakare seretubu.

23 Seretu odo, buúru wekague suguta waayupu Marĩpũre sêrẽgũ waagú. Ñami ejaripoe suguta ããrĩyupu iroguere.

24 Gha gapu ditaru deogue ããrĩbũ. Mirũ buro waabu. Irasiro makũrĩ doódirure pátúpaukõãbu. Irasirirã taribujabiribu dapa.

25 Puru ãgãbo wereripoe Jesús ditarugue buaja, gha pũrogue deko weka aarimí.

26 Ñgũ deko weka aarimakũ, gha ñgũrẽ ñãmasĩbirisã, ñãgukakõãbu. Güiri merã: “Masaku boadi wãtĩ ããrĩmi”, ãrĩ gainĩbu.

27 Gha güimakũ ñãgũ, Jesús gũare ãsũ ãrĩmi:

—Gũñaturaka! Yuta ããrã. Güimerãta! ãrĩmi.

28 Ñgũ irasũ ãrĩmakũ pégu, Pedro ãrĩmi ñgũrẽ:

—Mu, yu Opu ããrĩgũ, yure deko weka waa, mu pũrogue aaridoreka! ãrĩmi.

29 —Jáu, aarika! ãrĩmi Jesús.

Irasũ ãrĩmakũ pégu, Pedro doódirugue sãñadi dujinũgã, deko weka Jesús pũrogue waami.

30 Ñgũ irasũ waakeregu, mirũ buro wẽjẽpumakũ ñãgũ, güigorami. Irasirigu mirĩdijagu:

—Yu Opu, yure tauka! ãrĩ gainĩmi.

31 Ñgũ irasũ ãrĩmakũta, Jesús ñgũya mojõrẽ ñeã: “Yure mérõgã buremurĩ opáa. ¿Nasirigu yure buremuturaberi?” ãrĩmi.

32 Puru Jesús Pedro merã doódirugue aari, mairĩñajãmakũ, mirũ waadea toeakõãbu.

³³ Irasũ waamakũ ããrã, gũa doódirugue ããrĩrã ñadukũpuri merã Jesús pũro eja doa, ãgũrẽ:

—Mũ diayeta Marĩpũ magũ ããrã, ãrĩ buremubũ.

*Jesús Genesaret marãrẽ pũrĩrikũrãrẽ taudea
(Mr 6.53-56)*

³⁴ Pũrũ taribujaja, Genesaret* wãikũri nikũgue ejabũ.

³⁵ Iro marã Jesúre ããmasĩsĩã, ããrĩpererã iro ããrĩrãrẽ ãgũ ejari kerere wereñurã. Irasirirã ããrĩpererã pũrĩrikũrãrẽ taudorerã ãgũ pũrogue ãijama. ãgũrẽ ãsũ ãrĩ sãrẽma:

³⁶ —Mũya surĩro yuwa direta ãgũsãrẽ moãñadoreka! ãrĩma. Irasirirã ããrĩpererã pũrĩrikũrã ãgũya surĩrore moãñanerã ãgũsã sĩrĩrĩ opadeare tarisũma.

15

*Masakare ñerã waamakũ iririre buedea
(Mr 7.1-23)*

¹ Pũrũ surãyeri fariseo bumarã, Moisés gojadeare buerimasãde Jerusalẽgue ããrãnerã Jesús pũro eja, ãgũrẽ sãrẽñama:

² —¿Nasirirã mũ buerã, marĩ ñekũsãmarã iri-unaderosũ iriberi? Marĩ ñekũsãmarã baaburi dupuyuro mojõkoederosũ iribema, ãrĩma.

³ Jesús ãgũsãrẽ yũjũmi:

—Yũde mũsãrẽ sãrẽñagũra. ¿Nasirirã Marĩpũ doreri gapũre irirono irirã, mũsã ñekũsãmarã iriunadeare yãri?

* **14:34** Genesaret wãikũri nikũ, Galilea wãikũri ditaru tũro ããrĩyuro.

4 Marĩpũ ãsũ ãrĩdi ããrĩmĩ: “Mũpũre, mũpũre bũremuka! Sugũ ĩgũ pagũsãmarãrẽ ñerõ werenĩgũ wẽjẽdoresũgũkumi”, ãrĩdi ããrĩmĩ.

5 ĩgũ irasũ ãrĩkerekerepũ, mũsã gapũ masakare ĩgũsã pagũsãmarãya ããrĩburire buerã, ãsũ ãrã: “Sugũ ĩgũ pagũre, o ĩgũ pagore: ‘Yũ mũsãrẽ sĩboadeare Marĩpũre sĩpeokõãbũ. Irasirigũ mũsãrẽ iritamumasĩbirikoa’, ãrĩmakũ õãgorãa”, ãrĩ buea.

6 Irasũ buerã, masakare ĩgũsã pagũsãmarãrẽ iritamubirimakũ, Marĩpũ dorerire ubu ĩãbéomakũ yãa, mũsã ñekũsãmarã iriunadeare iritũyadorerã.

7 Masaka ĩũrõ dita õãrõ yãa mũsã. ĩgũsã ĩãberogue ñerõ iririkurã ããrã. Iripoegue Marĩpũya kerere weredupuyudi Isaías diayeta gojadi ããrĩmĩ mũsã irigatorire gojagũ. ãsũ ãrĩ gojadi ããrĩmĩ:

8 ĩĩsã masaka ĩgũsãya disi merã yũre õãrõ werenĩkererã, ĩgũsãya yũjũpũrãrĩgue yũre neõ bũremubema.

9 Irasiriro ĩgũsã yũre bũremurã nerẽrĩ wajamãa. ĩgũsã bueri, yũ doreri meta ããrã. Masaka doreri ããrã, ãrĩ gojadi ããrĩmĩ, ãrĩ yũjũmĩ Jesús fariseo bumarãrẽ.✧

10 Irasũ ãrĩ odo, masakare ĩgũ pũro siiu, ãsũ ãrĩmĩ:

—Yũ wererire õãrõ pékũĩnú péka!

11 Sugũ masakũya disigue baari ñajãri, ĩgũrẽ ñegũ waamakũ iribea. ĩgũya disigue wiriri gapũ, ĩgũrẽ ñegũ waamakũ yãa, ãrĩmĩ.

12 ĩgũ irasũ ãrãdero pũrũ, gũã ĩgũ buerã ĩgũ pũro waa, ĩgũrẽ ãrĩbũ:

—¿Mu masĩrĩ? Mu irasũ ārãdeare pérã, fariseo bumarã guakõãma, ārĩbũ.

13 Gũa irasũ ārĩmakũ, Jesũs àsũ ārĩ yujami:

—Yũpũ ãmũgasigue ããrĩgũ ããrĩpereri ĩgũ otebiri-deare nugũrĩ merãta duua bẽogũ irirosũ ĩgũsãrẽ bẽogũkumi.

14 Irasirirã ĩgũsãrẽ irasũ ĩãkõãka! ĩgũsã Marĩpũyare masĩbirikererã, gajerã ĩgũyare masĩmerãrẽ buema. Irasirirã koye ĩãmerã gajerã koye ĩãmerãrẽ tũãdupuyurã irirosũ ããrĩma. Sugũ koye ĩãbi gajigũ koye ĩãbire tũãdupuyuwãgãgũ, ĩgũsã pẽrãgueta gobegue meẽñajãkõãrãkuma, ārĩmi Jesũs.

15 ĩgũ irasũ ārĩmakũ pẽgũ, Pedro gapũ Jesũre ārĩmi:

—Gũare wereka! Masakũ ĩgũya disi wiriri keori, ¿naãsũ ārĩduaro yãri? ārĩmi.

16 Jesũs yujami:

—¿Mũsãde pẽmasĩberi dapa?

17 ããrĩpereri marĩ baari, marĩya disigue ñajãa, parugue waa, pũrũ tariwereakõãa.

18 Masaka werenĩrĩ, ĩgũsãya disi wiriri ããrã. ĩgũsã gũñarĩgue ñerĩrẽ oparã ñerõ werenĩma. Iri ĩgũsãrẽ ñerã waamakũ yãa.

19 ĩgũsã gũñarĩgue ñerĩ oparã àsũ ããrĩma. Ñerĩ gũñarã, masakare wẽjẽbéorã, gajigũ marãpo, gajego marãpũ merã ñerõ irirã, ãma nome merã, nome ãma merã ñerõ gãmebirarã, yajarã, ārĩgatorã, masakare ñerõ kere wererã ããrĩma.

20 Iri ñerĩ ĩgũsã gũñarĩgue opari, ĩgũsãrẽ ñerã waamakũ yãa. Masaka ĩgũsã ñekũsãmarã iri-unaderosũ baaburi dupuyuro mojõkoebirimakũ, ĩgũsãrẽ ñerã waamakũ iribeã, ārĩmi Jesũs.

*Judío masako ããrĩbeo Jesúre bɁremudea
(Mr 7.24-30)*

21 PɁɁ Jesús Tiro, Sidón wãĩkuri makãrĩ ããrĩrõgue waami.

22 Irogue ejamakũ, sugo nomeõ Canaán nikũmo irogue ããrĩgõ Jesús pɁro gainíjamo:

—YɁ OpɁ, David parãmi ããrĩturiagu yɁre bopoñaka! YɁ magõ wãtĩ ñajãsũdeo bɁro ñerõ tarigo yámo, ãrĩmo.

23 Igo irasũ ãrĩmakũ pékeregɁ, Jesús igore yɁjubirimi. Irasirirã gɁã ãgũ buerã ãgũrẽ ãrĩbɁ:

—Waadoreka igore! Marĩrẽ ñerõ gainí tɁyawãgãrimo, ãrĩbɁ.

24 GɁã irasũ ãrĩmakũ pégɁ, Jesús igore ãrĩmi:

—YɁpɁ yɁre, Israel bumarã oveja dedirinerã irirosũ ããrĩrã direta iritamudoregɁ iriumi, ãrĩmi.

25 Igo Israel bumo ããrĩbirikerego, Jesús guburi pɁro ñadukɁpuri merã ejamejã, ãsũ ãrĩmo:

—YɁ OpɁ, yɁre iritamuka! ãrĩmo.

26 Jesús igore yɁjɁmi:

—Wii opɁ ãgũ pũrã baarire ěma, diayéare ejo-makũ õãbea, ãrĩmi.

27 ãgũ irasũ ãrĩkerepɁɁ, igo gapɁ ãgũrẽ ãrĩmo doja:

—YɁ OpɁ, irasũ ããrĩkerepɁɁ, diayéa gapɁ wii marã baawasiridijurire baaboema, ãrĩmo.

28 Igo irasũ ãrĩmakũ, Jesús igore yɁjɁmi:

—MɁ yɁre bɁremurĩ opataria. MɁ sērẽrõsũta waarokoa, ãrĩmi.

ãgũ irasũ ãrĩripoeta, igo magõguere wãtĩ ñajãdi wiriakõãyɁpɁ. Irasirigo tariyupo.

Jesús wárã pũrĩrikɁrãrẽ taudea

29 Jesús irogue ããrãdi waa, Galilea wãikuri ditaru turo tariwãgãmi. Pũũ buúrugue mũĩã, eja doami.

30 Īgũ iro doamakũ, wárã masaka ejama. Waa-masĩmerãrẽ, koye ããmerãrẽ, werenĩmasĩmerãrẽ, poyarimasãrẽ, wárã gajerã pũĩrikũrãrẽ Īgũ pũro ãĩjapĩma. Irasirigũ Jesús Īgũsãrẽ taumi.

31 Irasirimakũ ĩãrã, masaka ĩãgũkakõãma. Werenĩmasĩbirinerã werenĩmakũ ĩãrã, poyarimasã ããĩĩnerã tarimakũ ĩãrã, waamasĩbirinerã waamasĩmakũ ĩãrã, koye ĩãbirinerã ĩãmakũ ĩãrã, ĩãgũkakõãma. Irasirirã Marĩpũre: “Marĩ Israel bumarã Opũ, turatarigũ ããĩĩmi”, ãĩ, mũyari sĩma.

Jesús cuatro mil ãmarẽ baari ejodea

(Mr 8.1-10)

32 Pũũ Jesús gũare Īgũ buerãrẽ siiu, ãĩĩmi:

—Ĩĩsã masakare bopõnarĩ merã ĩãa. Yũ merã mũrenũgora ããĩĩsiamã. Īgũsãrẽ baari pereakõãa. Īgũsãrẽ ãa merã Īgũsãya wiirigue goedujãamakũ gããmebirikoa. Īgũsã baamerãta waarã, maa dekota turari perea kõmoakõãbokuma, ãĩĩmi.

33 Īgũ irasũ ãĩĩmakũ, gũã Īgũ buerã Īgũrẽ ãĩĩbũ:

—¿Nasirisĩã, marĩ õõ masaka marĩrogue ĩĩsã wárã masaka baaburire bokabokuri? ãĩĩbũ.

34 Jesús gũare sãrẽĩami:

—¿Diĩkũ pã duparure opari mũsã? ãĩĩmi.

—Su mojõma pere gaji mojõ peru pãrẽbejari duparu, irasũ ããĩĩmakũ waaĩ mërãgã opãa, ãĩ yũjubũ.

35 Irasirigũ Jesús masakare yebague doadore,

36 su mojõma pere gaji mojõ peru pãrẽbejari pã duparure, waaigãdere ãĩ, Marĩpũre mũyari sĩmi. Odo, pã duparure, waaigãdere pea, gũare sĩmi. Irasirirã gũã irire masakare guerebũ.

37 Irasirirã ããrĩpererã irire baayapiakõãma. Pũũ ãgũsã baadũadeare su mojõma pere gaji mojõ peru pẽrẽbejari puuirigora seasã, Ʃũudobobũ.

38 Iro baanerã: nome, majĩrã keoña marĩrõ ũma direta keomakũ, cuatro mil gora ããrĩmã.

39 Pũũ Jesũs masakare seretu odomakũ, doódirugue marĩñajãa, Magdala wãĩkũrogue ãgũ merã waakõãbũ.

16

Fariseo bumarã, saduceo bumarã Jesũre Marĩpũ turari merã iri ãmudoredea
(Mr 8.11-13; Lc 12.54-56)

1 Jesũs Magdala wãĩkũrogue ejadero pũũ, fariseo bumarã, saduceo bumarã ãgũrẽ ããrã ejarã: “Marĩpũ turari merã iri ãmurĩrẽ irika!” ãrĩma. “Ãgũ irire irimasĩbi, diayeta Marĩpũ iriudi meta ããrĩmi”, ãrĩdũarã, irasũ ãrĩma.

2 Jesũs gapũ ãgũsãrẽ yũjumi:

—Mũsã ñamika abe õãrõ diiañajãmakũ ããrã: “Õãrĩ ñami ããrĩrokoa”, ããrã.

3 Boyoripoe ñĩpimakũ ããrã: “Dekonũ ããrĩrokoa”, ããrã. Ʃmarõmarẽ ããrã: “Ãsũ waarokoa”, ããrĩ masĩa. Irire õãrõ masĩkererã, inũ Marĩpũ turari merã yũ iri ãmurĩ gapũre ããrã, neõ õãrõ pẽmasĩbea.

4 Dapora marã masaka ñerã, Marĩpũre gããmemerã ããrĩma. Yũre Marĩpũ turari merã gajino iri ãmudorema. ãgũsã irasiridorekererũũ, Marĩpũya kerere weredupuyudi Jonás iridea direta wererũra, ããrĩmi.

Irasũ ããrĩ odo, ãgũsãrẽ béowãgã, gajerogue waakõãmi.

*Jesús fariseo bumarã, saduceo bumarã ñerĩ
buerire weredeã
(Mr 8.14-21)*

⁵ Pꝛꝛꝛ gꝛꝛa ditarugue taribujarã, pãrẽ
kãtikõãnerã ããrĩbú.

⁶ Irasirigꝛꝛ Jesús gꝛꝛare ãrĩmi:

—Fariseo bumarã, saduceo bumarã ãgũsã pã we-
masãrĩ morẽrĩrẽ õãrõ pémasĩka! ãrĩmi.

⁷ ãgũ irasũ ãrĩrĩrẽ gꝛꝛa gapꝛꝛ pémasĩbiribꝛꝛ. Irasirirã
gꝛꝛa basi gãme ãsũ ãrĩ werenĩbꝛꝛ:

—Marĩ pãrẽ ãrĩbiradeare ããgũ, irasũ ãrĩkumi,
ãrĩbꝛꝛ.

⁸ Gꝛꝛa irasũ ãrĩrĩrẽ masĩsĩã, gꝛꝛare sãrẽñami:

—¿Nasirirã: “Pãrẽ ãrĩbirabꝛꝛ”, ãrĩ gãme werenĩrĩ
mũsã? Yꝛꝛe mérõgã bꝛꝛemurĩ opáa mũsã.

⁹ ¿Mũsã pémasĩberi dapa? ¿Yꝛꝛ cinco mil ãmarẽ
su mojõma pã duparure ðukawa ejodeare gũñaberi
mũsã? ãgũsã baayapiadero pꝛꝛꝛ, ¿ðíikꝛꝛ puuirigora
ãgũsã baadũãadeare mũsã seasã utũudobori?

¹⁰ ¿Pꝛꝛꝛ yꝛꝛ su mojõma pere gaji mojõ peru
pẽrẽbejari pã duparure ðukawa, cuatro mil ãmarẽ
ejodeadere gũñaberi mũsã? ãgũsã baayapiadero
pꝛꝛꝛ, ¿ðíikꝛꝛ puuirigora ãgũsã baadũãadeare mũsã
seasã utũudobori?

¹¹ ¿Nasirirã mũsã yꝛꝛ wererire pémasĩberi? Yꝛꝛ:
“Fariseo bumarã, saduceo bumarã pã wemasãrĩ
morẽrĩrẽ õãrõ pémasĩka!” ãrĩgũ, pãrẽ ãrĩgũ meta
iriabꝛꝛ, ãrĩmi.

¹² ãgũ irasũ ãrĩmakũ pérã, gꝛꝛa pémasĩbꝛꝛ. Pã
wemasãrĩ morẽrĩrẽ ãrĩgũ meta irimi. Fariseo
bumarã, saduceo bumarã ãrĩgatori merã bueri
gapꝛꝛe: “Õãrõ pémasĩka!” ãrĩgũ irimi.

Pedro Jesúre: “M̄ Cristo ããrã”, ãrĩ weredeá
(Mr 8.27-30; Lc 9.18-21)

¹³ P̄M̄ Jesúś Cesarea Filipino wãĩkari makã p̄rogue waami. Irogue eja, ḡuare ĩgũ buerãrẽ s̄erẽñami:

—Masaka ȳre ããrĩpererã tĩgũrẽ, ¿naásũ ãrĩ gũñarĩ? ãrĩmi.

¹⁴ Ḡua ĩgũrẽ ȳjub̄u:

—Surãyeri m̄rẽ: “Juan masakare wãĩyerimasũ ããrĩmi”, ãrĩma. Gajerã: “Elías ããrĩmi”, gajerã: “Jeremías ããrĩmi, o gajiḡu Marĩp̄ya kerere weredupuyurimasũ ããrĩmi”, ãrĩma, ãrĩb̄u.

¹⁵ Irasũ ãrĩmakũ, Jesúś ḡuare s̄erẽñami:

—M̄sãkoa ȳre, ¿naásũ ãrĩ gũñarĩ? ãrĩmi.

¹⁶ ĩgũ irasũ ãrĩmakũ péḡu, Simón Pedro ĩgũrẽ ãrĩmi:

—M̄, Marĩp̄u iriudi, Cristo ããrã. Marĩp̄u okanígũ magũ ããrã m̄, ãrĩmi.

¹⁷ Irasũ ãrĩmakũ, Jesúś ĩgũrẽ ȳjub̄u:

—Simón, Jonás magũ, m̄ ȳre ȳjari, masaka m̄rẽ weredeá meta ããrã. Ȳp̄u ãm̄ugasigue ããrĩgũ irire m̄rẽ masĩmakũ yámi. Irasiriḡu m̄ us̄yari opáa.

¹⁸ M̄rẽ werea. M̄ “Pedro”* wãĩkua. I ãtãye weka turari wiire iriboderosũ ȳ m̄ merã yaarãrẽ ȳre b̄remuturarã ããrĩmakũ irigũkoa. Irasiriḡu wãtĩ ĩgũ turari merã ȳre b̄remurãrẽ neõ tarin̄gãbirikumi.

¹⁹ Ȳ m̄rẽ Marĩp̄u ĩgũyarãrẽ doreroguema sawire s̄igũkoa, m̄ iroguemarẽ iridoreburire. Irasiriḡu m̄ Marĩp̄u ãm̄ugasigue ããrĩgũ

* **16:18** “Pedro”, ãrĩrõ: “ãtãye”, ãrĩduaro yáa.

dorerosũta: “I ũmũguere ãsũ waabirikõãburo”, ãrĩmakũ, irire waabirimakũ irigũkumi. Mu ĩgũ dorerosũta: “I ũmũguere ãsũ waaburo”, ãrĩmakũ, irire waamakũ irigũkumi, ãrĩmi Jesús.

²⁰ Jesús irasũ ãrãdero purũ, guare ãrĩmi:

—Gajerã masakare yũre: “Marĩpu iriudi, Cristo ããrĩmi ĩ”, ãrĩ werebirikõãka! ãrĩmi.

Jesús ĩgũ boaburire weredea

(Mr 8.31-9.1; Lc 9.22-27)

²¹ ĩgũ irasũ ãrĩrĩnu merãta Jesús guare ĩgũ buerãrẽ ĩgũ boaburire werenũgãmi:

—Yũre Jerusalẽgue waaró ããrã. Irogue marã: judío masaka mũrã, paía oparã, Moisés gojadeare buerimasã yũre bũro ñerõ tarimakũ irirãkuma. Yũre wẽjẽrãkuma. ĩgũsã irasirikerepurũ, urenu waaró merã Marĩpu yũre masũgũkumi, ãrĩmi.

²² ĩgũ irasũ ãrĩmakũ pẽgu, Pedro Jesũre yoaweyarogue ãã, ĩgũrẽ ãsũ ãrĩmi:

—Yũ Opũ, irire ãrĩbirikõãka! Marĩpu, mũ ãrĩrõsũ mũrẽ waamakũ kãmutaburo. Mu ãrĩrõsũ mũrẽ waabirikõãburo, ãrĩmi.

²³ ĩgũ irasũ ãrĩmakũ pẽgu, Jesús gãmenũgã, ĩgũrẽ ãsũ ãrĩmi:

—Satanás, yũ purõre wirika! Mu, Marĩpu yũre dorerire iribirimakũ iridũagu yáa. Marĩpu gããmerĩrẽ gũñabea. Masaka gũñarõsũ gũñáa mũ, ãrĩmi.

²⁴ ĩgũ irasũ ãrĩ odo, guare ãrĩmi:

—Sugũ yũre tũyadũagu ĩgũ iridũarire piriburo. Irasirigu yũre tũyadũari waja curusague pábiatú wẽjẽsũbu irirosũ ããrĩkeregu, neõ piriro marĩrõ yũre tũyanĩkõãburo.

25 Sugũ i ãmũgue ãgũya okari direta maĩgũ peamegue béosũgũkumi. Gajigũ gapũ yũre tũyari waja gajerã ãgũrẽ wẽjẽkererũrũ, Marĩrũ pũroque ãgũ merã usũyari bokagũkumi.

26 Sugũ masakũ i ãmũmarẽ ããrĩpereri opakeregũ, ãgũ boari pũrũ waaburi gapũre gũñabiri waja peamegue waagũ, õãrĩrẽ neõ wajatabirikumi. Irasirigũ i ãmũgue opari direta gũñagũ, ãgũ boadero pũrũ, peamegue béosũgũkumi. Iroguere ãgũ wiridũagũ i ãmũgue opari merã neõ wajari-masĩbirikumi.

27 Yũ ããrĩpererã tĩgũ, Yũpũ gosewasiriri merã, ãgũrẽ wereboerã merã i ãmũguere dupaturi aarigũ, ããrĩpererã masakare ãgũsã irideakũ keoro wajarigũkoa.

28 Diayeta werea yũ. Surãyeri musã õõguere ããrĩrã musã boaburo dupuyuro yũ ããrĩpererã tĩgũ, Opũ ñajãmakũ ããrãkoa, ãrĩmi Jesús.

17

Jesús ãgũ deyori gorawayudea

(Mr 9.2-13; Lc 9.28-36)

1 Su mojõma pere gaji mojõ suru pẽrẽbejarinãrĩ pũrũ, Jesús Pedrore, Santiagore, ãgũ pagũmũ Juãrẽ ãmarĩ buúrugue siu marĩãmi.

2 Iri buúru wekague ãgũsã marĩjadero pũrũ, ãgũsã ãũrõ ãgũ deyori gorawayuakõãyupũ. ãgũ diapu abe ãmũmũ irirosũ gosewasiriyuro. ãgũya surĩro goseriñe, õãrõ borero waayuro.

3 Irasũ waaripoeta iripoegue marã Moisés, Elías Jesús merã weretamunĩmakũ ããñurã.

4 ãgũsãrẽ ããgũ, Pedro Jesúsre ãrĩyupũ:

—Gua Opu, marĩ õõ ããrĩmakũ õãtaridũáa. Mu gããmemakũ, õõguere ure wiigã irigũra. Mũya wii, Moiséya wii, Eliaya wii irigũra, ãrĩyupu.

⁵ Ĩgũ irasũ ãrĩ werenĩripoe, õãrõ gosewasiriri mikãyebo ĩgũsãrẽ túbiakõãyuro. Iri yebo poekague Marĩpu ãsũ ãrĩ werenĩmakũ péñurã:

—Ĩ yu magũ, yu maĩgũ ããrĩmi. Ĩgũ merã buro usuyáa. Óãrõ péka ĩgũrẽ! ãrĩyupu.

⁶ Irasũ ãrĩmakũ pérã, Jesús buerã buro güiri merã, ejamejã, ĩgũsãya diapurire yebague moomejãkõãñurã.

⁷ ĩgũsã irasirimakũ ĩãgũ, Jesús ĩgũsã puro waa, ĩgũsãrẽ moãña:

—Wãgãnũgãka! Güibirikõãka! ãrĩyupu.

⁸ Ĩgũ irasũ ãrĩmakũ ĩũrã, gajerãrẽ ĩãbiriñurã. Jesús direta ĩãñurã.

⁹ Pũru buúrugue ããrãnerã dijariñurã. Irogue dijarigu Jesús ĩgũsãrẽ turaro merã ãrĩyupu:

—Dapora mũsã ĩãdeare gajerãrẽ werebirikõãka! Yu ããrĩpererã tĩgũ boa, masãdero purugue irire wereka! ãrĩyupu.

¹⁰ Ĩgũ irasũ ãrĩmakũ, ĩgũ buerã ĩgũrẽ sërẽñañurã:

—¿Nasirirã Moisés gojadeare buerimasã: “Cristo, Marĩpu iriubu aariburo dupuyuro Elías aaripũrorigakumi”, ãrĩrĩ? ãrĩ sërẽñañurã.

¹¹ Jesús ĩgũsãrẽ yujuyupu:

—Mũsã ãrĩrõsũta Elías aaripũrorigakumi ããrĩpererire ãmuyubu.

¹² Yu gapu ãsũ ãrĩ weregũra mũsãrẽ. Elías ejasi-ami. Ĩgũ ejakerepũru, masaka ĩgũrẽ ĩãmasĩbirima.

Irasirirã ĩgũsã gããmerõ iriduarire ĩgũrẽ ñerõ irima. ĩgũrẽ iriderosũta yu ããrĩpererã tĩgũrẽ ñerõ irirãkuma, ãrĩyupu.

¹³ ĩgũ irasũ ãrĩmakũ pérãgue, pémasĩñurã. “ĩgũ: ‘Elías ejasiami’, ãrĩgũ, Juan masakare wãiyedire ãrĩgũ yámi”, ãrĩ masĩñurã pama.

Jesús ñamasĩrĩrĩ opagure taudea

(Mr 9.14-29; Lc 9.37-43)

¹⁴ Pũru ĩgũsã buúrugue ããrãnerã wárã masaka pũro dijajama. ĩgũsã dijajamakũ ĩãgũ, sugu masaku aari, Jesús pũro ñadukupuri merã ejamejã, ĩgũrẽ ãrĩmi:

¹⁵ —Yu Opũ, yu magũrẽ bopoñaka! ĩgũ ñamasĩrĩrĩ opagu ããrĩmi. Bũro ñerõ tarinami. Irasirigu peamegue meémejãma, diaguedere meébianokõãmi.

¹⁶ Irasirigu ĩgũrẽ mu buerã pũroguue ãĩjadabu. ĩgũsã ĩgũrẽ taumasĩbirama, ãrĩmi.

¹⁷ ĩgũ irasũ ãrĩmakũ pégu, Jesús yujumi:

—Musã dapora marã, yure bũremurĩ opamerã, diayemarẽ neõ pémasĩmerã ããrã. ¿Noópã yoaripoe musã merã ããrĩgukuri? ¿Noópã yoaripoe musã yure bũremubirire gũñaturagukuri? Majĩgũrẽ õõ gapu ãirika! ãrĩmi.

¹⁸ ĩgũrẽ ãĩjamakũ, Jesús wãtĩ majĩgũguere ããrĩgũrẽ: “Wirika ĩgũrẽ!” ãrĩmi. Jesús ĩgũrẽ béowiumakũta, majĩgũ tariakõãmi.

¹⁹ Pũru guã Jesús buerã gajerã péberogue ĩgũrẽ sêrẽñabu:

—¿Nasirirã guã gapu wãtĩrẽ béowiumasĩbirayuri? ãrĩbu.

²⁰ Jesús yujumi:

—Musã Marĩpũre mérõgã buremurĩ opasĩã, ãgũrẽ béowiumasĩbirabũ. Diayeta musãrẽ werea. Musã buremurĩ opari mostaza wãĩkũri yegãpã irirosũ ããrĩkererũ, i buúrure: “Sõõgue waaburo”, ãrĩ masĩbokoã. Musã irasũ ãrĩmakũ, i buúru musã dorerosũta waabokoã. Marĩpũre buremurĩ oparã ããrĩpererire irimasĩã.

21 Ñno wãtĩrẽ béowiuduarã, bereri merã Marĩpũre burõ sërẽrõ gããmeã, ãrĩmi.

Jesús ãgã boaburire werenemodea
(Mr 9.30-32; Lc 9.43-45)

22 Purũ Galilea nikũgue gũã waagorenabũ. Irogue Jesús gũare ãrĩmi:

—Masaka yũre ããrĩpererã tĩgũrẽ ñeã, gajerãguere wiarãkuma.

23 Ñgũsã yũre wẽjẽrãkuma. Yũre wẽjẽadero purũ, urenũ waaró merã Marĩpũ yũre masũgũkumi, ãrĩmi. “Yũre wẽjẽrãkuma”, ãrĩmakũ pérã, gũã burõ bujawerebũ.

Marĩpũya wiima ããrĩburire niyeru wajasearire sërẽñadea

24 Purũ gũã Jesús merã Capernaugue waabũ. Irogue ejadero purũ, Marĩpũya wiima ããrĩburire niyeru wajaseabosarimasã Pedro purõ eja, ãgũrẽ sërẽñama:

—¿Musãrẽ buegũ Marĩpũya wiima ããrĩburire niyeru wajariri? ãrĩma.

25 Pedro ãgũsãrẽ yũjami:

—Wajarimi, ãrĩmi.

Purũ Pedro wiigũe ñajãã, Jesúre sërẽñaburipoeta Jesús gapũ ãgũrẽ sërẽñapurõrimi:

—Simón, ¿naásũ gũñarĩ mũ? I ũmũ marã oparã masakare niyeru wajaseadũarã, ¿noã gapũre wajaseakuri? ¿Īgũsãyarãrẽ, o gajero marã Īgũsãya nikũgue ejanerã gapũre wajaseakuri? ārĩmi.

²⁶ —Gajero marã gapũre wajaseakuma, ārĩ yujũmi Pedro.

Īgũ irasũ ārĩmakũ, Jesús ārĩmi:

—Irasirigũ sugũ opũ Īgũyarãrẽ wajaseabirikumi.

²⁷ Marĩpũyarã marĩ āārĩkererã, Marĩpũya wiima āārĩburire niyeru wajaseabosarãrẽ marĩ merã guamakũ iribirikoa. Irasirirã wajarirãkoa. Wejerida āĩ, ditarugue waaĩ wējēgũ waaka! Baapũrorigũre túwea āĩka! Īgũya disigue niyeru tire bokagũkoa. Pũrũ iriti merã marĩ pērãyare Marĩpũya wiima āārĩburire wajarigũ waaka! ārĩmi.

18

Jesús sugũ gajerã nemorõ āārĩgũyamarẽ were-dea

(Mr 9.33-37; Lc 9.46-48)

¹ Iripoere gũa Jesús buerã Īgũ pũro eja, sērẽñabũ:

—Ūmũgasigue Marĩpũ Īgũyarãrẽ doreroguere, ¿noã gũa watopere āārĩpererã nemorõ āārĩgũkuri? ārĩbũ.

² Gũa irasũ ārĩmakũ, Jesús majĩgũrẽ siiu, Īgũrẽ gũa watopegue āĩnú, ārĩmi:

³ —Diayeta mũsãrẽ werea. “Majĩgũ irirosũ āārã, gajerã nemorõ āārĩbea”, ārĩ gũñaka! Mũsã: “Gajerã nemorõ āārã”, ārĩ gũñarĩrẽ gorawayumerã, ũmũgasigue Marĩpũ Īgũyarãrẽ doreroguere neõ waabirikoa.

4 Sugũ ĩgũ basi: “Yũ ubu ããrĩgũ, majĩgũ irirosũ ããrã”, ãrĩ gũñagũ, Marĩpũ ãmũgasigue ããrĩgũ ĩũrõ gajerã nemorõ ããrĩmi.

5 Sugũ yaagũre, ĩ majĩgũ irirosũ ããrĩgũrẽ õãrõ bokatĩrĩñeãgũ yũdere bokatĩrĩñeãmi.

*Gajerãrẽ ñerõ irimakũ iribirikõãka! ãrĩ weredea
(Mr 9.42-48; Lc 17.1-2)*

6 'Sugũ yũre bũremurãrẽ ĩ majĩgũ irirosũ ããrĩrãrẽ ñerõ irimakũ irigũno, bũro wajamoãsũgũkumi. Irasiriro ĩgũ gajerãrẽ ñerõ irimakũ iriburi dupuyuro masaka ĩgũrẽ wãriye ãtãye merã wũnugũgue siasiu, wãdiyague meéyomakũ õãboko.

7 I ãmũguere masakare ñerõ irimakũ iriri ããrã. Irasirirã ñerõ tarima. I ĩgũsãrẽ ñerõ irimakũ iriri ããrĩnkõãrokoa. Gajerãrẽ ñerõ irimakũ irigũno gapũ ñetariro tarigũkumi.

8 'Irasirirã mũsãya mojõ, o gubu merã ñerõ irirã, iri mojõrẽ, o iri gubure dititã béorosũ iri ñerõ iririre pirika! Su mojõ, o su gubu opakrerã, Marĩpũ pũroque waamakũ õãtarirokoa. Ñerõ iririre pirimerã gapũ perebiri peamegue béosũrãkuma. ĩgũsã pe mojõ, o pe gubu opakrerã, peamegue waamakũ ñetarirokoa.

9 Mũsãya koyeru merã ĩã, ñerõ irirã, irirure goreweabéorosũ iri ñerõ iririre pirika! Su koyeru opakrerã, Marĩpũ pũroque waamakũ õãtarirokoa. Ñerõ iririre pirimerã gapũ perebiri peamegue béosũrãkuma. ĩgũsã pe koyeru opakrerã, peamegue waamakũ ñetarirokoa.

*Jesús oveja dediridi keori merã buedea
(Lc 15.3-7)*

10 'Neõ sugũ ãĩsã majĩrãrẽ ubu ããbẽobirikõãka! Mũsãrẽ werea. Ɛmũgasigue Yũpũre wereboerã ãgũsãrẽ korerã ãgũ merã ããrĩnĩkõãma, ãgũsãrẽ ãgũ iritamudorerire irimurã.

11 Yũ ããrĩpererã tĩgũ dediribonerãrẽ taugũ aarigũ iribũ.

12 'Yũ wererire, ¿naãsũ gũñarĩ? Ovejare korerimasũ cien oveja opagũ, sugũ oveja dedirimakũ ããgũ, gajerã noventa y nueve ovejare makã tũro ãgũsã baarogue duripĩkõã, dediriadire ãmagũ waakumi.

13 Diayeta mũsãrẽ werea. ãgũrẽ bokagũ, gajerã noventa y nueve dediribiranerã nemorõ ãgũrẽ usũyakumi.

14 ãsũta Marĩpũ ẽmũgasigue ããrĩgũ ãĩsã majĩrã irirosũ ããrĩrãrẽ dedirimakũ gããmebemi, ãrĩmi Jesús.

*“Mũyagũ mũrẽ ñerõ irimakũ ãsũ irika!” ãrĩdea
(Lc 17.3)*

15 Irasũ ãrĩ odo, ãsũ ãrĩ werenemomi:

–Mũyagũ mũrẽ ñerõ irimakũ, gajerã pẽberogue ãgũ merã irire werenĩka! ãgũ irire õãrõ merã ãmudũagũ: “Mũrẽ ñerõ iribũ! Kãtika yũ irideare!” ãrĩmakũ, mũsã dupaturi usũyari merã gãme wapikũrãkoa.

16 ãgũ irire ãmudũabirimakũ, sugũ o pẽrãrẽ siiu, dupaturi ãgũ pũro waaka! ãgũsã pẽurogue ãgũ mũrẽ ñerõ irideare wereka! Irasiro Marĩpũya werenĩrĩ gojadea pũgue dorederosũta pẽã o mũrerã iri ñerõ

irideare wererire pédero p̄ru: “Diayeta irasũ waabu”, ārĩ masĩrākuma.

17 M̄rē ñerō iridi ĩgũsã péurogue āmud̄abirimakũ, āārĩpererã ȳre b̄remurã merã nerē, ĩgũsārē ĩgũ ñerō irideare wereka! ĩgũsã péuroguedere āmud̄abirimakũ ĩārã, ĩgũrē: “Marĩp̄re b̄remubi, o romano marã op̄re ñegũ niyeru wajaseabosarimasũ irirosũ āārĩmi”, ārĩ ĩāka!

18 'Diayeta m̄sārē werea. M̄sã Marĩp̄rũ ām̄ugasigue āārĩgũ dorerosũta: “I ām̄uguere āsũ waabirikōāburo”, ārĩmakũ, irire waabirimakũ irigũkumi. M̄sã ĩgũ dorerosũta: “I ām̄uguere āsũ waaburo”, ārĩmakũ, irire waamakũ irigũkumi.

19 'Gajidere m̄sārē werea. M̄sã p̄rã s̄rosũ gũñarĩ merã: “Āsũ Marĩp̄re s̄rērã!” ārĩmakũ, Ȳp̄rũ ām̄ugasigue āārĩgũ m̄sã s̄rērōsũta irigũkumi.

20 P̄rã, o urerã ȳre b̄remurã nerēmakũ, ȳde ĩgũsã watopegue āārã, ārĩmi Jesús.

21 Irasũ ārĩmakũ p̄gũ, Pedro Jesús p̄ro ejanugã, āsũ ārĩ s̄rēñami ĩgũrē:

—Ȳ Op̄, ¿diik̄gora yaagu ȳre ĩgũ ñerō irimakũ k̄atigũkuri? ¿Su mojõma pere gaji mojõ peru p̄rēbejarigora ĩgũ ȳre ñerō irimakũ k̄atigũkuri? ārĩmi.

22 Jesús ĩgũrē ȳjumi:

—“Su mojõma pere gaji mojõ peru p̄rēbejarigora ĩgũ ȳre ñerō irimakũ k̄atigũkoa”, ārĩbirikōāka! ĩgũ ñerō irinarikũ k̄atika! ārĩmi.

Jesús sugũ moãboerimasũ ĩgũ merãm̄ ñerō irideare k̄atid̄abi keori merã buedea

23 Irasũ ārĩ odo, keori merã buemi ḡare Jesús:

—Irasiro Marīpu ūmugasigue āārīgū ĩgūyarārē doreri āsū āārā. Sugpu opu ĩgūrē moāboerimasārē ĩgūsā ĩgūrē wajamorīrē wajaridorekumi.

24 ĩgūsā ĩgūrē wajamorīrē āmunugāripoe gajerā ĩgūyarā sugpu wáro wajamogūrē ĩgū puro āiakuma.

25 ĩgū wajamorīrē wajarimasībirimakū ĩāgū, ĩgū opu ĩgūyarārē: “ĩgūrē, ĩgū marāpore, ĩgū pūrārē ĩgū opari āārīpereri merā gajerāguere duarā waaka!” ārīkumi. “Irasirīgu ĩgūsārē duari waja merā ĩgū yure wajamorīrē wajarigukumi”, ārīkumi.

26 ’Irasū ārīmakū pégu, wáro wajamogū gapu nādukupuri merā ejamejā, ĩgū opure buro sērēkumi: “Yū opu, guare gajerāguere duabirikōāka! Yūka dapa! Bopoñaka yure! Murē yu wajamorī āārīpererire wajaripeokōāgukoa”, ārīkumi.

27 ’Irasū ārīmakū pégu, ĩgūrē bopoñarī merā ĩā, ĩgūrē wiukumi. “ĩgū wajamodea pereakōāa”, ārī, ĩrēre kātipeokōākumi.

28 ĩgū irasiriadero puru, wáro wajamodi waa, gajīgu ĩgū merāmu ĩgū opure moāboerimasūrē bokajakumi. ĩgū merāmu gapu ĩgūrē mérōgā wajamokumi. ĩgūrē bokajagu, mata ĩgūya wānugūrē buro ñeā: “Murīgora, yure mu wajamorīrē wajaripurumuka!” ārīkumi.

29 ĩgū irasū ārīmakū, ĩgū merāmu gapu nādukupuri merā ejamejā, ĩgūrē buro sērēkumi: “Yūka dapa! Bopoñaka yure! Murē yu wajamorī āārīpererire wajaripeokōāgukoa”, ārīkumi.

30 ĩgū buro sērēmakū pékeregū, ĩgūrē yujubirīkumi. Irasirīgu ĩgūrē peresugue

iridorekumi. “Yure ìgũ wajaripeo-
makũgue wiuka!” ãrĩkumi.

³¹ Wáro wajamodi ìgũrẽ mérõgã wajamogũrẽ
irasirimakũ ìãrã, gajerã moãboerimasã burõ
bujawereri merã ìgũ iriadea ããrĩpererire ìgũsã
opure wererã waakuma.

³² Irire pégu, ìgũsã opu wáro wajamodire siiu,
ãsũ ãrĩkumi: “Mũ ñetaria. Mũ yure burõ sërëmakũ,
mũ yure wajamodeare kãtipeokõãbu.

³³ Yu irasirikerepuru, mũ gapu mũ merãmurẽ ìgũ
murẽ mérõgã wajamodeare kãtibirayuro. Mũ yure
wajamodeare yu kãtiderosũta ìgũ murẽ wajamod-
eadeere mũ kãtimakũ õãtariboakuyo. ¿Nasirigu ìgũrẽ
bopoñabirari mũ?” ãrĩkumi.

³⁴ 'Irasũ ãrĩ odo, ìgũ merã burõ guagu, ìgũrẽ
peresu irikumi burõ wajamoãdoregu. Ìgũ
wajaripeobi neõ wiribirikumi, ãrĩ
weremi Jesús.

³⁵ Puru ãsũ ãrĩnemomi:

—Yuru ãmugasigue ããrĩgũ musãrẽ irasũta wa-
jamoãgukumi, musãyarã ìgũsã musãrẽ ñerõ iri-
deare musã õãrõ merã kãtibirimakũ, ãrĩmi.

19

*Jesús masakare: “Musã marãposã nomerẽ
béobirikõãka!” ãrĩ buedea
(Mr 10.1-12; Lc 16.18)*

¹ Jesús irire wereadero puru, Galilea nikũgue
ããrãdi guã ìgũ buerã merã Judea nikũgue waa, dia
Jordán wãĩkũdiya gaji koepugue waami.

² Irogue waamakũ ìãrã, wãrã masaka ìgũrẽ
tuyama. Irasirigu irogue pũrĩrikurãrẽ taumi.

³ Irasirimakũ ããrã, surãyeri fariseo bumarã Jesús pũro eja, ãgũrẽ ñerĩ ãgũ werenĩmakũ iridũarã, sãrẽñama:

—¿Sugũ masakũ ãgũ gããmerõ ãgũ marãpore béomakũ, marĩ doreri ããrĩkuri? ãrĩma.

⁴ Jesús ãgũsãrẽ yũjumi.

—¿Marĩpũya werenĩrĩ gojadea pũrẽ buebiriri musã? Æsũ ãrĩ gojasũdero ããrĩbũ: “Neõgoraguere Marĩpũ i ãmũrẽ irigũ, ãmũũ, nomeõ iridi ããrĩmĩ”, ãrĩ gojasũdero ããrĩbũ.

⁵ Æsũ ãrĩ gojanemosũdero ããrĩbũ doja: “Sugũ ãmũũ ãgũ pagusãmarãrẽ wiri, ãgũ marãpo merã ããrĩgũkumi. Irasirirã ãgũsã pãrã ããrĩkererã, Marĩpũ ãũrõ su dupũta irirosũ ããrĩrãkuma”, ãrĩ gojasũdero ããrĩbũ.

⁶ Irasirirã pãrã irirosũ ããrĩbema. Su dupũta irirosũ ããrĩma. Marĩpũ ãgũsãrẽ su dupũta irirosũ ããrĩmakũ iridero pũrũ, gajigũ ãgũsãrẽ gãme béomakũ iribirikõãrõ gããmea, ãrĩmi Jesús.

⁷ ãgũ irasũ ãrĩmakũ pãrã, fariseo bumarã sãrẽñama doja:

—Mũ irasũ ãrĩkerepũrũ, Moisés gapũ ãsũ ãrĩ gojadi ããrĩmĩ: “Sugũ ãgũ marãpore béodũagũ: ‘I waja merã mũrẽ béoa’, ãrĩ gojari pũrẽ sãrõ gããmea”, ãrĩ gojadi ããrĩmĩ. ¿Nasirigũ irasũ ãrĩ gojayuri? ãrĩma.

⁸ Jesús ãgũsãrẽ yũjumi:

—Mũsã ñekũsãmarã Marĩpũ dorerire iridũabirimakũ ããgũ: “Mũsã marãposã nomerẽ béomasã”, ãrĩ gojadi ããrĩmĩ Moisés. ãgũ irasũ ãrĩ gojakerepũrũ, neõgoragueta Marĩpũ mũsã marãposã nomerẽ béomakũ gããmebiridi ããrĩmĩ.

9 Musārē werea. Sugo marāpukugo gajigu merā ñerō iribirikerepuru, igo marāpu gapu igore béo, gajegore marāpokugu, igo merā ñerō irigu yámi. Gajigu béodeore marāpokugude igo merā ñerō irigu yámi, ārīmi.

10 Īgū irasū ārīmakū pérā, gwa ĩgū buerā ārību:

—Īgūsā marāposā nomerē béo, gajego merā āārīmakū oābea. Irasirirā marāpo marīmakū oābokoā, ārību.

11 Jesús gware yujumi:

—Āārīpererā masaka marāpo, o marāpu marīrāta āārībokatīūbirikuma. Marīpu marāpokudorebirinerā, o marāpukudorebirinerā dita bokatīūmasīma.

12 Surāyeri ũma marāpokumasībema. Īgūsā watopegue surāyeri ũma deyoarāgueta poyarimasā āārīnerā nomerē marāpokumasībema. Masaka gajerā ũmarē marāpokumasībirimakū yáma. Gajerā ũma, Marīpu ũmugasigue āārīgú ĩgūyarārē doreguya direta iriduarā marāpokubema. Irasirirā marāpo, o marāpu marīrā āārībokatīūduarā, āsūta āārīnikōāburo, ārīmi Jesús.

*Jesús majīrāya āārīburire Marīpure sērēbosadea
(Mr 10.13-16; Lc 18.15-17)*

13 Puru masaka majīrārē Jesús puro āījama, ĩgūsārē ñapeo, Marīpure ĩgūsāya āārīburire sērēbosadorerā. Īgūsā āījamakū ĩārā, gwa ĩgū buerā ĩgūsārē bokatīrī: “Īgūrē garibobirikōāka!” ārību.

14 Jesús gapu gware ārīmi:

—Majīrā yu purogue aariburo. Kāmutabirikōāka ĩgūsārē! Ūmugasigue Marīpu ĩgūyarārē dorerogue

ããrĩmurã, ãsã majĩrã yũre usũyari merã bokatĩrĩñeãrã irirosũ ããrĩma, ãrĩmi.

15 Irasirigũ majĩrãrẽ ñapeo, Marĩpũre ãgũsãya ããrĩburire sãrẽbosa odo, gajerogue waakõãmi doja.

Sugũ maamũ wãri doebiri opagũ Jesũs merã werenĩdea

(Mr 10.17-31; Lc 18.18-30)

16 Pũrũ sugũ maamũ Jesũs pũroque eja, ãgũrẽ sãrẽñami:

—Õãgũ buegũ, yũ ãmũgasigue perebiri okari opadũagũ, ¿ñeeno õãrĩrẽ irigũkuri? ãrĩmi.

17 Jesũs ãgũrẽ ãrĩmi:

—¿Nasirigũ yũre: “Õãgũ ããrã”, ãrĩrĩ? Marĩpũ sugũta õãgũ ããrĩmi. Mũ ãmũgasigue perebiri okari opadũagũ, Marĩpũ dorerire irika! ãrĩmi.

18 ãgũ irasũ ãrĩmakũ pãgũ, maamũ ãsũ ãrĩ sãrẽñami doja:

—¿Dĩĩ gapũre irigũkuri? ãrĩmi.

Jesũs ãgũrẽ yũjũmi:

—Masakare wẽjẽbirikõãka! Gajigũ marãpo merã ñerõ iribirikõãka! Yajabirikõãka! Gajerãyamarẽ ãrĩgatori merã werebirikõãka!

19 Mũpũ, mũpore gopeyari merã bũremuka! Mũ basi maĩrõsũta mũ pũro ããrĩrãrẽ maĩka! ãrĩmi.

20 ãgũ irasũ ãrĩmakũ, maamũ Jesũre ãrĩmi doja:

—Iri doreri ããrĩpererire majĩgũgueta neõ tarĩngãbiribũ yũ. ¿Ñeeno dũyari, yũre yũ irinemburi? ãrĩmi.

21 Jesũs ãgũrẽ ãrĩmi:

—M_u, Marĩp_u ãũrõ ãgũ dorerire iripeod_uag_u, m_u oparire duag_u waaka! M_u duadea wajare boporãrẽ sĩka! Irasirig_u ãm_ugasiguere wári õãrĩ opag_ukoa. Irasiri odo, y_u merã aarika! ãrĩmi.

22 ãgũ irasũ ãrĩmakũ pég_u, maam_u ãgũ wári oparire maĩsĩã, b_uro b_ujawereri merã waakõãmi.

23 ãgũ b_ujawereri merã waamakũ ããgũ, Jesús g_uare ãgũ buerãrẽ ãrĩmi:

—Diayeta m_usãrẽ werea. Wári doebiri oparãrẽ Marĩp_u ãm_ugasigue ããrĩgũ ãgũyarãrẽ doreroguere waamakũ diasagorãa.

24 M_usãrẽ dupaturi werea. Camellu awiru gobegãrẽ ñajãtariweremasĩbirikumi. I nemorõ wári doebiri opag_ure Marĩp_u ãgũyarãrẽ doreroguere waamakũ diasãa, ãrĩmi.

25 ãgũ irasũ ãrĩmakũ pãrã, g_ua ãgũ buerã pég_uka, ãsũ ãrĩ gãme sãrẽñab_u:

—Iro merẽ, ¿noã gap_u Marĩp_u tausũmurã ãgũ p_uroguere waamurã ããrĩbokuri? ãrĩb_u.

26 Jesús g_uare ãã, ãrĩmi:

—Masaka ãgũsã basi ãgũsã iriri merã Marĩp_u p_uroguere waamasĩbema. Marĩp_u dita masakare ãgũ p_uro ããrĩmurã waamakũ irimasĩmi. ããrĩpererire irimasĩmi, ãrĩmi.

27 ãgũ irasũ ãrĩmakũ pég_u, Pedro ãgũrẽ ãrĩmi:

—G_ua Op_u, g_ua murẽ tuyarã, ããrĩpereri g_ua opadeare pípeokõãb_u. Irasirirã g_ua gap_u, ¿ñeonorẽ oparãkuri? ãrĩmi.

28 Jesús g_uare ãsũ ãrĩ y_uj_umi:

—Diayeta m_usãrẽ werea. I ãm_u peredero p_uru ããrĩpereri maama gorawayuripoe y_u ããrĩpererã ããgũ ãm_ugasi gosewasiroguere Op_u doarogue

doagukoa. Yu iro doamakū, musāde yure tayarā, pe mojōma pere su gubu peru pērēbejari oparā doarigue doarākoa. Irasirirā musā Israel bumarārē pe mojōma pere su gubu peru pērēbejari buri marārē dorerākoa.

²⁹ Yu merā waarā, ĩgūsāya wiirire, ĩgūsā pagupūrārē, pagusāmarārē, pūrārē, ĩgūsāya pooerire pípeorā, wári oārī wajatarākuma. ĩgūsā iro dupuyuro opaderosū cien nemorō opanemorākuma. Irasū āārīmakū Marīpu merā perebiri okari oparākuma.

³⁰ Wārā daporare oparā āārīrā, pūguere ubu āārīrā dujarākuma. Wārā daporare ubu āārīrā gapu, pūguere oparā āārīrākuma, ārī weremi Jesús guare ĩgū buerārē.

20

Jesús igui poee moārā keori merā buedea

¹ Irasirigū dupaturi Jesús keori merā buemi doja:

—Marīpu ũmugasigue āārīgú ĩgūyarārē doreri āsū āārā. Sugū igui poee opu boyodujimejāripoe ĩgūya pooere moāmurārē siiugū waakumi. Āsū ārīkumi:

² “Sunū moārī waja suti niyeru ti wajarigūra”, ārīkumi ĩgūsārē. Pūpū ĩgūsārē ĩgūya poeegue moādoREGU iriukumi.

³ Pūpū goeripoe dupuyuro nueve hora āārīmakū, makā dekogue waa, gajerā moārī opamerārē bokajakumi.

4 Īgūsārē bokaja, ārīkumi: “Mūsāde yaa pooere moārā waaka! Keoro wajarigura”, ārīkumi. Irasirirā Īgūya poeegue moārā waakuma.

5 Puru poe opu goeripoe āārīmakū, űamika tres hora āārīmakūdere gajerārē moādorekumi doja.

6 Puru űamikague cinco hora āārīmakū, makā dekogue waakumi doja. Irogue eja, gajerā moārī opamerārē bokaja, Īgūsārē sērēűakumi: “¿Nasirirā dapagārē moābirikererā doaneākōārī mūsā?” ārīkumi.

7 “Neō sugu gware: ‘Moārā waaka!’ ārībirami”, ārī yujakuma. Irasirigu poe opu Īgūsārē: “Mūsāde yaa pooere moārā waaka! Keoro wajarigura”, ārīkumi. Irasirirā Īgūsāde Īgūya pooere moārā waakuma.

8 ‘Abe űajāripoegue āārīmakū, poe opu Īgūya pooere siiu moāgūrē āsū ārīkumi: “Moārārē siiu, moārā ejatūnunerārē wajaripurori, Īgūsā ejaburi dupuyuro ejanerārē wajari odo, ejarurorianerārē wajaritūnuka!” ārīkumi.

9 Irasirigu, cinco hora āārīmakū moānugānerārē sunu moārī wajataropā suti niyeru ti wajarikumi.

10 Īgū irasū wajarimakū ĩārā, moāpurorianerā: “Gua gapure Īgūsā nemorō wajarigukumi”, ārī gūñadikuma. Īgūsādere surosūta wajarikōākumi.

11 Irasū wajarimakū ĩārā, poe opu merā gua, ĩgūrē ārīkuma:

12 “Īīsā gua purugue ejanerā gapu su horata moāama. Gua gapu sunu ōārō moāneākōābu. Buro abe asiripoe moābu. Gua irasū moāneākerepuru, surosū wajarikōābu mu”, ārīkuma.

13 Īgūsā irasū ārīmakū pégu, poe opu gapu sugu Īgūsā watope āārīgūrē ārīkumi: “Yu merāmu, yu

murē ñerō irigu meta yáa. Y_u murē: ‘Suti niyeru ti wajariğura’, ārĩmakū pégu: ‘Jáu’, ārāb_u m_u. Irasirigu y_u ārāderosūta murē keoro wajariab_u.

14 Irasirigu y_u wajariadeare āi, waakōāka! Īrē m_u p_urugue ejadidere murē wajariaderopāta wajariğura.

15 I yaa niyeru āārā. Irasirigu y_u gāāmerō wajari-masía. Gajerārē y_u oārō sĩmakū ĩāgū, ¿y_ure ĩaturiri m_u?” ārĩkumi poee op_u.

16 ‘I keori ārĩrōsūta Marĩp_u ĩğūyarā āārĩp_urorinerārē, ĩğūsā p_ur_u ĩğūyarā āārĩrādere s_urosū oārĩrē sĩğukumi, ārĩ weremi Jesús ĩğare.

Dupaturi Jesús ĩğā boaburire weredea

(Mr 10.32-34; Lc 18.31-34)

17 Jesús Jerusalén waarí maague waagú, ĩğare pe mojōma pere su gubu peru pērēbejarā ĩğū buerārē gajerā péberogue siiuwāgā, ārĩmi:

18 —Oārō péka! Marĩ Jerusalēgue waarā yáa. Irogue y_u āārĩpererā tĩgū, paía oparāguere, irasū āārĩmakū Moisés gojadea buerimasāguere wiasūğukoa. ĩğūsā y_ure: “Boaburo”, ārĩrākuma.

19 Irasirirā judío masaka āārĩmerāguere y_ure wiarākuma. ĩğūsā y_ure burida, tārā, curusague pábiatú wējērākuma. ĩğūsā y_ure wējēadero p_ur_u, ĩren_u waaró merā masāğukoa, ārĩmi Jesús.

Santiago, Juan pago Jesúre sērēdea

(Mr 10.35-45)

20 P_ur_u Zebedeo marāpo igo pūrā Santiago, Juan merā Jesús p_urogue eja, ĩğūrē sērēbo ñadukupuri merā ejamejāmo.

21 Igo irasirimakū, Jesús igore sērēñami:

—¿Ñéenorē gāãmerĩ m̄? āĩmi.

Igo ĩgũrē ȳjumo:

—M̄, Op̄ ñajãgũ, ĩsã ȳ pũrã p̄rãrē m̄ merã doremurã sóoka! Suḡre m̄ diaye gap̄, gajiḡre kúgap̄ doadoreka! āĩmo Jesúre.

²² Igo irasũ āĩmakũ péḡ, Jesús igo pũrãrē āĩmi:

—M̄sã ȳre s̄r̄r̄r̄r̄ p̄masĩbea. Ȳ bur̄o ñer̄o tariḡkoa. ¿Ȳ ñer̄o tarirosũ m̄sãde ñer̄o tarirã, bokatĩūrākuri? āĩmi.

Īgũsã ȳjuma:

—Bokatĩũkõārãkoa, āĩma.

²³ Jesús ĩgũsãrē āĩmi:

—Diyeta ããrã. Ȳ irirosũ m̄sãde ñer̄o tarirãkoa. Ȳ gap̄ m̄sãrē ȳ diaye, kúgap̄ doamurãrē beyemasĩbea. Ȳp̄ ãmusiadi ããĩmĩ irire. Irasirirã ĩgũ beyenerã dita ȳ diaye, kúgap̄ doarākuma, āĩmi.

²⁴ Ḡna pe mojõmarã ĩgũ buerã gap̄ Santiago, Juan ĩgũsã Jesúre s̄r̄r̄r̄r̄ p̄rã, ĩgũsã merã guab̄.

²⁵ Ḡna guamakũ ĩãgũ, Jesús ããĩpererãrē ḡare siiu neeõ, ãsũ āĩ weremi:

—I nikũ marã oparã Marĩp̄re bur̄emumerã gap̄ ĩgũsãyarãrē dorerã, turaro merã dorema. Īgũsã doka marãde irasũta dorema. Irire masĩa m̄sã.

²⁶ M̄sã tamerã ĩgũsã irirosũ iribirikoa. M̄sã watopeguere op̄ ããĩd̄aḡ, m̄sãrē moãboeḡ irirosũ ããĩburo.

²⁷ Suḡ m̄sã watopegue ããĩgũ, gajerã nemorõ ããĩd̄aḡ, moãboeḡ irirosũ ããĩburo.

²⁸ Ȳde irasũta ããrã. Ȳ ããĩpererã t̄gũ masaka ȳre iritamuburo, āĩgũ meta aaribú. Ȳ gap̄ ĩgũsãrē iritamugũ aaribú. Irasiriḡ wãrã masakare

yu boari merã ãgũsã ñerõ iridea wajare wajari-bosagũ aarigũ iribũ, ãrĩmi Jesús guare.

Jesús pẽrã koye ããmerãrẽ taudea

(Mr 10.46-52; Lc 18.35-43)

²⁹ Pũũ Jericógue ããrãnerã gua wirimakũ, wárã masaka Jesúre tũyama.

³⁰ Gũa waarí maa tũro, pẽrã koye ããmerã doama. Jesús iro tariwãgãrĩrẽ pẽnarã ãsũ ãrĩ gainĩma:

—Gũa Opũ, David parãmi ããrĩturiagu, guare bopoñaka! ãrĩma.

³¹ ãgũsã irasũ ãrĩ gainĩmakũ, masaka gapũ ãgũsãrẽ: “Toeaka!” ãrĩma. ãgũsã irasũ ãrĩkerepũ, ãgũsã gainĩadero nemorõ gainĩnemoma:

—Gũa Opũ, David parãmi ããrĩturiagu, guare bopoñaka! ãrĩma.

³² ãgũsã irasũ ãrĩmakũ pé, Jesús dujanugãja, ãgũsãrẽ siiu, ãsũ ãrĩ sãrẽñami:

—¿Ñeenorẽ yu musãrẽ irimakũ gããmerĩ? ãrĩmi.

³³ —Gũa Opũ, guare koye ããmakũ irika! ãrĩ yujama.

³⁴ ãgũsã irasũ ãrĩmakũ, Jesús ãgũsãrẽ bopoña, ãgũsãya koyere moãñami. ãgũ moãñamakũta, ããkõãma. Irasirirã Jesúre tũyama.

21

Jesús Jerusalẽgue ejadea

(Mr 11.1-11; Lc 19.28-40; Jn 12.12-19)

¹ Gũa Jesús merã Jerusalẽgue ejaburo dupuyuro Betfagẽ wãĩkũri makãgue ejapuroribũ. Betfagẽ, buúru Olivos wãĩkũri buúru pũro ããrĩbã. Jesús iroguẽ ejagũ, gũa merãmarã pẽrãrẽ

2 āsū ārī iriumi:

—Si makā marī bokatīūrō āārīrī makāgue waaka! Irogue ejarā, burra īgūsā sianúadeore majīgū merā bokajarākoa. Īgūsārē bokajarā, īgūsā siadeadare kura, āārika!

3 Mūsārē: “¿Nasirimurā īgūsārē kurari?” ārīmakū pérā: “Marī Op_u gāameami. Dapora wiagukumi doja”, āārika! ārī iriumi.

4 Ire irasū irig_u, Marīp_uya kerere weredupuyudi gojaderosūta irimi. Āsū ārī gojadi āārīmí:

5 Jerusalén marārē āsū ārī wereka: “Mūsā Sión* marā īāka! Mūsā Op_u mūsā p_urogue mūsārē iritamugū aarími.

Ubu āārīgū irirosū burra majīgū weka peyawāgārīmi”, ārī gojadi āārīmí.✠

6 Irasirirā Jesús iriuanerā iri makāgue waa, īgū iridoreaderosūta iriñurā.

7 Burrore, pago merā Jesús p_urogue āījamakū, g_uaya surí wekamarē túwea, īgūsā weka peob_u. G_ua irasiriadero p_ur_u, Jesús, majīgū wekague m_urībejami.

8 M_urībeja, Jesús Jerusalēgue peyawāgāmakū īārā, masaka wārā īgūsāya weka sāñarī suríre túwea āī, īgū waarí maarē sēōpídupuyuma īgūrē b_uremurā. Irasū āārīmakū, gajerā yuku d_up_urī pūrik_urire diti āī, maarē pídupuyuma, īgū waarí maa ōārī maa āārīburo, ārīrā.

9 Irasirirā īgū dupuyuro waarā, īgū p_ur_u t_uyarā āsū ārī gainíma:

* 21:5 Zacarías 9.9: Iripogue marā Jerusalén wāik_uri makārēta “Sión” ārīnerā āārímá. ✠ 21:5 Zac 9.9

—Opu David parāmi āārīturiagure usuyari sīrā! Ī Marīpu marīrē taugu iriudi oārō aariburo. Marīpure: “Ōātaria mu āārīpererā Opu umugasigue āārīgū”, ārī, usuyari sīrā! ārīma.

¹⁰ Jesús Jerusalēgue ejamakū, irogue āārīrā ĩāgukapereakōāma. Wārā ĩgūsā basi āsū ārī gāme sērēñama:

—¿Noā āārīrī ĩi? ārīma.

¹¹ Gajerā masaka yujuma ĩgūsārē:

—Ī Marīpuya kerere weregū Jesús wāikugū āārīmi. Galilea nikūma makā Nazaretmū āārīmi, ārīma.

*Jesús Marīpuya wiigue duarārē béowiudea
(Mr 11.15-19; Lc 19.45-48; Jn 2.13-22)*

¹² Pūmu Jesús Marīpuya wiigue ñajāmi. Ñajāa, doebiri duarārē, ĩgūsā duarire wajarirādere bokajagu, ĩgūsārē béowiumi. Niyeru gorawayurimasāya niyeru sāñarī kūmarīrē yomeéwiunokōāmi. Bujare dua doanīrāya doaripēridere irasūta irimi.

¹³ ĩgūsārē āsū ārīmi:

—Marīpu ĩgūya werenīrī gojadea pūgue āsū ārīdi āārīmī: “Yaa wii, yure buremurā yure sērērī wii āārā”, ārīdi āārīmī. Musā gapu yajarimasāya wii irirosū āārīmakū yāa, ārīmi.

¹⁴ Jesús Marīpuya wiigue āārīripoe koye ĩāmerā, waamasīmerāde ĩgū pūrogue ejama. ĩgūsā ejamakū ĩāgū, ĩgūsārē taumi.

¹⁵ Paía oparā, Moisés gojadeare buerimasā gapu ĩgū turari merā iri ĩmumakū ĩārā, iri wiigue majīrā ĩgūrē: “Opu David parāmi āārīturiagu oātaria mu”, ārī gainīmakū pérā, ĩgū merā guama.

¹⁶ Irasirirā Jesúre āsū ārīma:

—¿Īsā majīrā ārīrīrē péri mɯ? ārīma.

Jesús yɯjɯmi:

—Péa. ¿Marīpɯya werenírī gojadea pūrē ire buibiriri mɯsā? Āsū ārī gojasūdero āārībú:

Mɯ majīrārē, mirīrāgārē ōārō ɯɯyari merā mɯrē bayapeomakū iribɯ, ārī gojasūdero āārībú, ārīmi Jesús ĩgūsārē.✧

¹⁷ Irasū ārī odo, ĩgūsārē béowāgā, Betania wāikuri makāgue waakōāmi. Irogue eja, kārīmi.

Jesús higueraɯre ñaīnɯgāmakū iridea

(Mr 11.12-14, 20-26)

¹⁸ Gajinɯ boyoripoe Jesús Jerusalēgue goedujáagɯ, ɯaboakōāmi.

¹⁹ Irasū ɯaboagɯ, maa turo nídi higuera wāikudire ĩāgū, irigɯ dukare āmagú waadimi. Duka marībɯ irigɯ gapɯ. Pūrī dita āārībú. Duka marīmakū ĩāgū, Jesús āsū ārīmi:

—Igɯ yukɯ neō dupaturi dukakɯbirikoa, ārīmi.

Īgū irasū ārīrī merāta, irigɯ ñaīnɯgākōābɯ.

²⁰ Irigɯ irasū waamakū ĩārā, gɯa ĩgū buerā ĩāgukakōābɯ.

—¿Nasiro mata irigɯ ñaīlakōārī? ārī sērēñabu Jesúre.

²¹ Jesús gɯare yɯjɯmi:

—Diayeta mɯsārē werea. Mɯsā: “Marīpɯ āsū irimasībirikumi”, ārī gūñarō marīrō ĩgūrē bɯremurā, yɯ irigɯre ñaīmakū iriaderosū mɯsāde irimasīrākoa. Irigɯre yɯ iriadero nemorō diasarire irimasīrākoa. Irasirirā Marīpɯre: “I buúrure dia wádiyague béoka!” ārīmakū, mɯsā ārīrōsūta waarokoa.

✧ 21:16 Sal 8.2

22 Mũsã Marĩpũre buremurĩ merã sērēmakũ, mũsã sērērõsũta Marĩpũ mũsārē irigũkumi, ārĩmi Jesũs.

Judío masaka oparã Jesúre: “¿Noã mũrē doreri?”
ārĩ sērēñadea

(Mr 11.27-33; Lc 20.1-8)

23 Pũru Jesũs Marĩpũya wiigũe ñajãmi. Īgũ irogũe bueripoe paía oparã, gajerã judío masaka mũrã ĩgũ pũrogũe waa, ĩgũrē sērēñama:

—¿Noã mũrē doreri, mũ irire irasirimakũ? ¿Noã mũrē: “Ãsũ irika!” ārĩrĩ? ārĩma.

24 Jesũs ĩgũsārē yũjũmi:

—Yũde mũsārē sērēñagũra. Mũsã yũjũmakũ, yũde mũsārē yũjũgũra.

25 Juan masakare deko merã wãiyemakũ, ¿noã ĩgũrē wãiyedoregũ iriuri, Marĩpũ, o masaka? ārĩmi.

Īgũ irasũ ārĩmakũ pērã, ĩgũsã basi ãsũ ārĩ gãme werenĩma:

—¿Naásũ ārĩ yũjũrãkuri marĩ? “Marĩpũ Juārē doredi ãārĩmĩ”, marĩ ārĩmakũ, Jesũs marĩrē: “¿Nasirirã ĩgũ weredeare buremubiriri mũsã?” ārĩbokumi.

26 Āārĩpererã masaka: “Juan Marĩpũya kerere weredupuyudi ãārĩmĩ”, ārĩ gũñama. Marĩ: “Masaka Juārē wãiyedorenerã ãārĩmã”, ārĩmakũ, masaka marĩ merã guabokuma, ārĩma.

27 Irasirirã Jesúre ãsũ ārĩ yũjũma:

—Juārē wãiyedoredire gũa masĩbea, ārĩma.

Īgũsã irasũ ārĩmakũ, Jesũs ĩgũsārē ārĩmi:

—Mũsã yũre: “¿Noã mũrē irire iridoreri?” ārĩ sērēñadeare yũde mũsārē yũjũbea, ārĩmi.

Jesũs sugũ pũrã pērã keori merã buedea

28 Jesús irasũ áĩrĩ odo, ĩgũsãrẽ keori merã buemi:
 —¿Naásũ áĩrĩ gũñarĩ, yũ áũũ áĩrĩ weremakũ pérã?
 Sugũ pérã pũrã opakumi. Sugũre áũũ áĩrkumi:
 “Makũ, igui otedea poeegue moãgũ waaka!”
 áĩrkumi.

29 “Waabea”, áĩrĩ yũjukumi. Pũrũ: “Waagũra”, áĩrĩ
 gũña, poeegue moãgũ waakumi.

30 Pũrũ ĩgũsã pagũ gajigũ ĩgũ magũ pũro
 waakumi. ĩgũ áĩrãderosũta ĩgũdere: “Poeegue
 moãgũ waaka!” áĩrkumi. ĩgũ: “Jáũ”, áĩrkeregũ,
 waabirikumi.

31 ¿Nĩĩ gapũ pagũ dorerire iriyuri? áĩrĩ sãrẽñami
 Jesús.

—Ĩgũ moãdorepũroriadi gapũ iriyurũ, áĩrĩ yũjũma.

Ĩgũsã irasũ áĩrĩmakũ, Jesús áĩrĩmi:

—Mũsãrẽ diayeta werea. Mũsã romano marã
 opũre niyeru wajaseabosarimasãrẽ, ũma merã
 gãmebira wajatarimasã nomerẽ: “Ñerã áãrĩma”,
 áĩrkerepũrũ, ĩgũsã gapũ mũsã nemorõ Marĩpũ
 ĩgũyarãrẽ dorerogũere waarãkuma.

32 Juan masakare wãĩyedi mũsãrẽ: “Áũũ irika,
 Marĩpũ dorerire irirã!” áĩrĩ buegũ aarikerepũrũ,
 mũsã ĩgũ buerire neõ bũremubiribũ. ĩĩsã ro-
 mano marã opũre niyeru wajaseabosarimasã,
 ũma merã gãmebira wajatarimasã nome gapũ ĩgũ
 buerire pérã, irire bũremuma. ĩgũsã irasirimakũ
 ĩãkererã, mũsã gapũ mũsã ñerõ iririre bujawere,
 mũsã gũñarĩrẽ neõ gorawayubiribũ. ĩgũ buerire
 neõ bũremubiribũ, áĩrĩmi Jesús.

Jesús ñerã moãrã keori merã buedea
(Mr 12.1-12; Lc 20.9-19)

33 Jesús dupaturi ãsũ ãrĩ werenemomi:

—Gaji keori merã y_u weremakũ péka doja! Sug_u masak_u ãgũya nikũrẽ pooe opakumi. Iri pooere iguidarire otekumi. Ote odo, iri pooe turore sãrĩsãkõãkumi. Iro ãtãyegue igui karabipiri gobere irikumĩ. Wii ãmarĩ wiiãgãrẽ irikumĩ, iri pooere korerã õãrõ ãã koreburo, ãrĩgũ. Irasiri odo, gajerãrẽ iri pooere wayukumi. “Yaa oteri dukare deko merã sãrãkoa, y_u musãrẽ iri pooere wayuri waja”, ãrĩkumi. Irasũ ãrĩ odo, gajerogue waakõãkumi.

34 P_ur_u igui ñiripoe ejamakũ, ãgũrẽ moãboerãrẽ ãgũya pooere moãrã p_urogue ãgũya oteri dukare deko merã sãrẽdoreg_u iriukumi.

35 Iri pooere moãrã gap_u ãgũ iriuanerã irogue ejamakũ ããrã, ãgũsãrẽ ñerõ irikuma. Sug_ure burõ pá, gajig_ure wẽjẽ, gajig_ure ãtãyeri merã deakuma.

36 ãgũsã irasiriadeare pég_u, iri pooe op_u gajerã ãgũrẽ moãboerãrẽ ãgũ iriup_urorianerã nemorõ iriukumi. ãgũsã ejamakũ ããrã, iri pooere moãrã ãgũsãdere irasũta ñerõ irikuma doja.

37 ãgũsã irasiriadero p_ur_u, pooe op_u ãgũ magũrẽ iriukumi. “Y_u magũ gap_ure burẽmurãkuma”, ãrĩ gũñadikumĩ.

38 Iri pooere moãrã gap_u ãgũ magũ ejamakũ ããrã, ãgũsã basi ãsũ ãrĩ gãme wereníkuma: “Ërĩ p_urug_uere i pooere opabu ããrĩmi. ãgũrẽ wẽjẽkõãrã! Irasirirã marĩ basi i pooere oparãkoa”, ãrĩkuma.

39 Irasirirã ãgũrẽ ñeã, pooe turogue ããwãgã, wẽjẽbéokõãkuma, ãrĩmi Jesús.

40 Irasũ ãrĩ odo, judío masaka oparãrẽ sãrẽñami:

—Iri pooere moãrã ãgũ magũrẽ wẽjẽadero p_ur_u, pooe op_u irogue ejag_u, ¿nasirig_ukuri ãgũsãrẽ? ãrĩmi.

41 Īgūrē yujuma:

—Īgūsā ñerārē bopoñarō marĩrō wējēkōāgukumi. Puru gajerārē Īgūya pooere wayugukumi. Īgūsā gapu Īgū igui oteri dukare deko merā Īgūrē sīrākuma, ārīma.

42 Īgūsā irasū ārīmakū, Jesús āsū ārīmi Īgūsārē:

—¿Musā Marĩpuya werenĩrĩ gojadea pūrē ire buebiriri? Āsū ārĩ gojasũdero āārībá:

Suye ũtāye wii iririmasā Īgūsā béoadeaye merā gajigu gapu oārō turari wii irigukumi.

Marĩpu irasiridi āārīmí. Marĩ Īgū irasirideare ĩārā: “Ōātaria”, ārĩ gũñáa, ārĩ gojasũdero āārībá.✠

43 Irasirigu musārē werea yu. Marĩpu Īgūyarārē dorerogue āārĩmurārē Īgū oārĩ sīrĩrē musārē sībirikumi. Musārē Īgū sīboadeare gajerā Īgū dorerire irirā gapure sīgukumi.

44 Sugu i ũtāye weka meémejāgū, matākōāgukumi. I ũtāye gapu Īgū weka meébejaro, Īgūrē oārĩ pogagāgue meémutūbéokōārokoa, ārīmi Jesús. ((Jesús i keori merā weregu: “Sugu yure gāāmebi wajamoāsūgukumi”, ārīgū irimi.))

45 Paía oparā, fariseo bumarā iri keori merā Jesús irasū ārĩ weremakū pérā: “Marĩrē ārīgū irasū ārĩkumi”, ārĩñurā.

46 Irasirirā Īgūrē ñeāduadiñurā peresu irimurā. Irasū ñeāduakererā, āsū ārĩ gũñañurā: “Masaka Jesúre: ‘Marĩpuya kerere weredupuyugu āārĩmi’, ārīma”, ārĩñurā. Irasirirā Īgūsārē gūisĩā, Jesúre ñeāmasĩbiriñurā.

✠ 21:42 Sal 118.22-23

22

Jesús sugꞥ mojõsiari bosenꞥ iriri keori merã buedea

¹ Jesús dupaturi gaji keori merã ãgũsãrẽ buenemomi. Æsũ ãrĩmi:

² —Marĩꞥ ãmꞥgasigue ããrĩgũ ãgũyarãrẽ doreri ãsũ ããrã. Su nikũ marã opꞥ ãgũ magũ mojõsiari bosenꞥ irikumi.

³ Irasirigꞥ opꞥ ãgũrẽ moãboerãrẽ: “Yꞥ magũ mojõsiari bosenꞥ ããrã aarika!” ãgũ ãrĩnerãrẽ siudoregꞥ iriukumi. ãgũsã siiumakũ ãgũsã gapꞥ: “Waabea”, ãrĩkõãkuma.

⁴ Irasirigꞥ opꞥ gajerã ãgũrẽ moãboerãrẽ iriukumi doja. “Yꞥ siiunerãrẽ ãsũ ãrĩ wererã waaka: ‘Yꞥre moãboerãrẽ yaarã wekꞥare, gajerã yaarã ejorã õãrõ diikꞥrãrẽ wẽjẽdoresiabꞥ. Æãrĩpereri yꞥ magũ mojõsiari bosenꞥ baaburi ãmu odosiabꞥ. Irasirirã: Bosebaarã aarika!’ ãrĩ wereka ãgũsãrẽ!” ãrĩ iriukumi.

⁵ ãgũ siiunerã gapꞥ irire pẽkererã, bosenꞥrẽ ããrã waabirikuma. Sugꞥ ãgũya poogue waakõã, gajigꞥ ãgũ moãrĩrẽ ããgũ waakõãkumi.

⁶ Gajerã gapꞥ opꞥre moãboerãrẽ ñeã, pá, wẽjẽbéokõãkuma.

⁷ ãgũsã irasiririre pẽgꞥ, opꞥ bꞥro guakumi. Irasirigꞥ ãgũyarã surarare iriukumi, ãgũsãrẽ wẽjẽanerãrẽ wajamoãdoregꞥ. Irasirirã ãgũyarã surara ãgũsãrẽ wẽjẽpeokõã, ãgũsãya makãrẽ soebéokõãkuma.

⁸ Pꞥꞥ opꞥ gajerã ãgũrẽ moãboerãrẽ ãsũ ãrĩkumi: “Yꞥ magũ mojõsiari bosenꞥmarẽ ãmusiabꞥ. Yꞥ siunerã gapꞥ ñerã ããrĩsãã, aaribirikuma.

9 Irasirirã ããrĩpererã makã dekoma maarĩgue ããrĩrãrẽ m̄sã bokajarãrẽ siiurã waaka!” ãrĩkumi.

10 Īgũ irasũ ãrĩmakũ, Īgũrẽ moãboerã waa, ããrĩpererã Īgũsã bokajarãrẽ: ñerãrẽ, õãrãrẽ siiu, op̄ya wiigüe ãñakuma. Irasirirã, Īgũ bosenu iriri taribure ut̄ariakõãkuma.

11 P̄ru op̄ Īgũsãrẽ Īãgũ ñajãgũ, suḡre mojõsiari bosenu ma surĩro sãñabire ĩãkumi.

12 Irasirigũ Īgũrẽ ãsũ ãrĩ s̄erẽñakumi: “Ȳ merãmu, ¿nasirigũ mojõsiari bosenu ma surĩro sãñabirikeregũ, ñajãriari mu?” ãrĩkumi. Īgũ irasũ ãrĩ s̄erẽñamakũ p̄egũ, Īgũ gap̄ yuj̄birikumi.

13 Īgũ yuj̄birimakũ ĩãgũ, op̄ Īgũrẽ moãboerãrẽ ãsũ ãrĩkumi: “Ĩrẽ ñeã, Īgũya mojõrĩrẽ, guburid-ere sia, ãĩ wiria, naĩĩãrõgue Īgũrẽ b̄eorã waaka! Irogue b̄ero p̄rĩsũgũ Īgũya guikare kũrĩduútú oregukumi”, ãrĩkumi, ãrĩ weremi Jesús.

14 Irasũ ãrĩ odo, ãsũ ãrĩnemomi:

—Ĩĩ op̄ keori irirosũ Marĩp̄ wãrã siiukerep̄ru, Īgũ beyerã gap̄ m̄erãgã ããrĩma, ãrĩmi.

Romano marã op̄ masakare niyeru wajasearire Jesúre s̄erẽñadea

(Mr 12.13-17; Lc 20.20-26)

15 Jesús irasũ ãrãdero p̄ru, fariseo bumarã waakõãma. Īgũrẽ weresãduarã: “Īgũrẽ diaye yuj̄birimakũ irimurã ire s̄erẽñarã!” ãrĩ gãme werenĩnurã.

16 Irasirirã surãyeri Īgũsã buerire t̄yarãrẽ, Herodeya bumarã merã Jesús p̄rogue iriũnurã. Īgũsã Jesús p̄rogue ejarã, Īgũrẽ ãrĩma:

—Buegũ, ḡa mu iririkurire masĩa. Mu ãrĩgatoro marĩrõ werenía. “¿Naásũ gũñarĩ masaka ȳre?” ãrĩ

gũñarõ marĩrõ Marĩpuyare diayeta ãgũsãrẽ buea. Oparãrẽ, ubu ããrĩrãdere ããrĩpererãrẽ sũrosũta ããa.

17 Irasirigũ guare wereka! ¿Naásũ gũñarĩ mũ? Romano marã opũ marĩrẽ niyeru wajasearire marĩ wajarimakũ, ¿õãgorari, o õãberi? ãrĩma Jesúre.

18 Jesús gapũ ãgũsã ãgũrẽ ñerõ iridũarire masĩsĩã, ãsũ ãrĩmi:

—Irigatorikũrã ããrã mũsã. ¿Nasirĩã yũre ñerõ yujũmakũ iridũari mũsã?

19 Niyeru tire mũsã romano marã opũre wajariburi tire ãrĩka! ãrĩmi.

Ígũ irasũ ãrĩmakũ pérã, sunũ moãrĩ waja wataropã wajakũri tire ãããma.

20 Ígũsã iri tire ããjamakũ, ãgũsãrẽ sãrẽñami:

—I tiguere, ¿noãya diapu keori, noãya wãĩ tuuyari? ãrĩmi.

21 —Romano marã opũya diapu keori, ãgũya wãita tuuyãa, ãrĩ yujũma.

Ígũsã irasũ ãrĩmakũ pégu, Jesús ãgũsãrẽ ãsũ ãrĩmi:

—Iro merẽ romano marã opũya ããrĩrĩrẽ ãgũrẽ sĩka! Marĩpũya gapũre Marĩpũre sĩka! ãrĩmi.

22 Ígũ irasũ ãrĩmakũ pérã, pégũka, ãgũrẽ piriwãgãkõãma.

Saduceo bumarã, Marĩpũ boanerãrẽ masũburire Jesúre sãrẽñadea

(Mr 12.18-27; Lc 20.27-40)

23 Irinũrẽta surãyeri saduceo bumarã Jesús pũrogue ejama. Ígũsã: “Masaka boanerãgue masãbirikumã”, ãrĩ bũremurã ããrĩmã. Irasirĩã Jesúre ãsũ ãrĩma:

24 —Buegu, Moisés ãsũ ãrĩdi ããrĩmĩ: “Sugũ marãpokũdi pũrã marĩkeregu ãgũ marãpore

boaweomakũ, ĩgũ pagũmũ igore dúunorẽgũkumi. Irasirirã, igo merã ĩgũ pũrãkũrã, ĩgũ tĩgũ dagũ pũrã irirosũta ããrĩrãkuma”, ãrĩdi ããrĩmĩ.

25 Iripoegue gũa watopeguere sugũ pũrã su mojõma pere gaji mojõ peru pẽrẽbejarã ããrĩunanerã ããrĩmã. ĩgũsã tĩgũ gapũ marãpokũ, pũrã marĩgũta boakõãyupũ. Irasirigũ ĩgũ dagũ dokamũta ĩgũ marãpo ããrĩdeore dúunorẽyupũ.

26 ĩgũde ĩgũ tĩgũ dagũ irirosũta pũrã marĩgũta boakõãyupũ. ĩgũsã pẽrã dokamũde pũrã marĩgũta boakõãyupũ. Irasũ dita pũrã marĩrãta boapereakõãñurã.

27 ĩgũsã purũ ĩgũsã marãpode boakõãyupo pama.

28 ĩgũsã su mojõma pere gaji mojõ peru pẽrẽbejarã ãma ããrĩpererã igore marãpokũñurã. Irasirirã boanerã masãmakũ, ¿niĩno marãpogora ããrĩgokuri? ãrĩ sërẽñama.

29 Jesús ĩgũsãrẽ yujũmi:

—Musã diaye gũñabea. Marĩpũya werenĩrĩ gojadeare, Marĩpũ turaridere masĩbea.

30 Boanerã ĩgũsã masãdero purũ, ĩgũsã ãmũgasigue Marĩpũre wereboerã irirosũ ããrĩrãkuma. Iroguere marãpokũbirikuma. ĩgũsã pũrã nomedere nomesubirikuma.

31 ¿Marĩpũya werenĩrĩ gojadea pũgue boanerã ĩgũsã masãburire musã buebiriri? Æsũ ãrĩdi ããrĩmĩ:

32 “Yũ Abraham, Isaac, Jacob Opũ ããrã”, ãrĩdi ããrĩmĩ. Irasirirã ĩgũsã boanerã ããrĩkererã, Marĩpũ merã okarã ããrĩma. Irasirigũ Marĩpũ okarã Opũ ããrĩmĩ. Boanerã neõ dupaturi masãbirikõãmurã Opũ ããrĩbemi, ãrĩmĩ Jesús.

33 Īgũ irasũ ārĩmakũ pérã, masaka: “Ōãrõ buemi”,
 ārĩ pégukakõãma.

*“¿Díí gapũ Marĩpũ doreri gaji doreri nemorõ
 ããrĩrĩ?” ārĩ sērēñadea
 (Mr 12.28-34)*

34 Jesús saduceo bumarārē ĩgũsã ĩgũrē
 sērēñanemomasĩbirimakũ iririre pérã, fariseo
 bumarã nerēma.

35 Irasirigũ sugũ ĩgũsã merãmũ, Moisés gojadeare
 buerimasũ Jesúre diaye yujũbirimakũ iridũagũ, ãsũ
 ārĩ sērēñami:

36 –Buegũ, ¿díí gapũ Marĩpũ doreri gaji doreri
 nemorõ ããrĩrĩ? ārĩmi.

37 Jesús ĩgũrē yujũmi:

–Mũya yujũpũrã merã, mũ ããrĩrikari merã,
 ããrĩpereri mũ gũñarĩ merã Marĩpũre mũ Opũre
 maĩka!

38 I doreri, gaji nemorõ ããrĩtarinũgãrĩ ããrã.

39 I doreri pũrũma ãsũ ãrã: “Mũ basi maĩrõsũta
 mũ pũro ããrĩrãrē maĩka!”

40 Marĩ i pe dorerire irirã, ããrĩpereri Moisés
 doredeare, Marĩpũya kerere weredupuyunerã
 buedeare irirã yãa, ārĩmi Jesús.

*“¿Noã parãmi ããrĩturiagũ ããrĩrĩ Cristo?” ārĩ
 sērēñadea
 (Mr 12.35-37; Lc 20.41-44)*

41 Fariseo bumarã iroque nerēanerã ããrĩripoe
 Jesús ĩgũsãrē sērēñami:

42 –¿Naásũ gũñarĩ mũsã Cristo, Marĩpũ iriudire?
 ¿Noã magũ ããrĩrĩ ĩgũ? ārĩmi.

–Cristo, David parãmi ããrĩturiagũ ããrĩmi, ārĩ
 yujũma.

43 ĩgũsã irasũ ārĩmakũ pégũ, Jesús ĩgũsãrē ārĩmi:

—David, Cristo ñekũ ããrĩkeregũ, ¿nasirigu Õãgũ deyomarĩgũ ãgũrẽ weredorederosũta Cristore: “Yũ Opũ ããrĩmi”, ãrĩyuri? David ãsũ ãrĩ gojadi ããrĩmĩ:

⁴⁴ Marĩpu yũ Opũre ãsũ ãrĩmi: “Õõ, yũ diaye gapũ doaka, yũ merã dorebu!

Irasiriripoe mũrẽ ãaturĩrãrẽ mũ dorerire tarinũgãnemobirimakũ irigũra”, ãrĩmi.✧

⁴⁵ David, Cristo ñekũ ããrĩkeregũ, ãgũrẽ: “Yũ Opũ ããrĩmi”, ãrĩdi ããrĩmĩ. ¿Nasirigu, Cristo, David parãmi ããrĩturiagu ããrĩkerepũ, David ãgũrẽ irasũ ãrĩyuri? ãrĩmi Jesús.

⁴⁶ ãgũ irasũ ãrĩrĩrẽ pãrã, neõ ãgũrẽ yũjumasĩbirima. Irasirirã gũirã, ãgũrẽ dupaturi sãrẽñanemobirima.

23

Jesús fariseo bumarãrẽ, Moisés gojadeare buerimasãrẽ ãgũsã ñerõ iririre werede

(Mr 12.38-40; Lc 11.37-54; 20.45-47)

¹ Pũũ Jesús masakare, gũ ãgũ buerãdere ãrĩmi:

² —Moisés gojadeare buerimasã, fariseo bumarã, Marĩpu Moisére doreri pídeare: “Ãsũ ãrĩdũaro yãa”, ãrĩ wererã ããrĩma.

³ Irasirirã ãgũsã wererire õãrõ iritũyaka mũsã! ãgũsã iririkũri gapũre ããkũbirikõãka! ãgũsã wererosũta iribema.

⁴ Masakare dorerã: “Ãsũ irika!” ãrĩrã, ãgũsãrẽ gajino bũro nukũrĩ kõãtãrĩrã irirosũ ããrĩmakũ yãma. Masaka ãgũsã dorerire bokatĩũbirikerepũ, ãgũsãrẽ neõ iritamubema, ãgũsã dorerire iriburo, ãrĩrã.

✧ 22:44 Sal 110.1

⁵ Masaka ããmakũ dita õãrĩrẽ iri ãmuma. Marĩpũya werenĩrĩ ãgũsã gojadea pũrĩ sãrĩ kũmarĩgã gajerãya nemorõ eyari kũmarĩgãrẽ ãgũsãya diapuserorire, ãgũsãya dukaridere siatũma, masaka ãgũsãrẽ: “Marĩpũyare õãrõ masĩma”, ãrĩdorerã. Irasũ ããrĩmakũ, ãgũsãya dipuru peyari gasirore gajerãya nemorõ yoari yuradari opari gasirire peyama, masaka ãgũsãrẽ: “Marĩpũre bũremutarima”, ãrĩdorerã.

⁶ Bosenũrĩ ããrĩmakũ, oparã doarigue dita doadũama. Marĩ nerẽrĩ wiiriguedere ñajãrã, õãrĩ doaripẽrĩgue dita doadũama.

⁷ Makã dekoguere masakare õãrõ bũremurĩ merã ãgũsãrẽ bokatĩrĩ õãdoremakũ gããmema. Gajerãrẽ ãgũsãrẽ: “Gũare buerã ããrĩma”, ãrĩmakũ gããmema.

⁸ ãgũsã irasũ ãrĩkerepũrũ, mũsã gapũ masakare: “Mũsã gũare buerã ããrã”, ãrĩdorebirikõãka! Mũsã sugũ pũrãta ããrã. Yũ mũsãrẽ buegũ sugũta ããrã.

⁹ I ãmũguere neõ sugũ masakũre: “Gũapũ ããrĩmi”, ãrĩbirikõãka! Ëmũgasigue ããrĩgũ dita Marĩpũ ããrĩmi*.

¹⁰ Neõ sugũ mũsã watopegue ããrĩgũrẽ: “Marĩ opũ ããrĩmi”, ãrĩbirikõãburo. Yũ, Marĩpũ iriudi Cristo, sugũta mũsã Opũ ããrã.

¹¹ Mũsã watopegue ããrĩgũ gajerã nemorõ ããrĩgũ, mũsãrẽ moãboerimasũ irirosũ mũsãrẽ iritamugũ ããrĩgũkumi.

¹² Sugũ ãgũ basi: “Gajerã nemorõ ããrã”, ãrĩ gũñagũnorẽ Marĩpũ ãgũrẽ ubu ããrĩgũ dujamakũ

* **23:9** Jesũs irire ãrĩgũ: “I ãmũguere neõ sugũ masakũ Marĩpũ ããrĩngũ irirosũ mãmi”, ãrĩgũ irimi.

irigukumi. Gajigu: “Gajerã nemorõ ããrĩbea”, ãrĩ gũñagũ gapure Marĩpu ĩgũsã opu ããrĩmakũ irigukumi.

13 'Mũsã Moisés gojadeare buerimasã, fariseo bumarã irigatorikurã ããrã. Mũsã bueri merã masakare umugasigue Marĩpu ĩgũyarãrẽ dorerogue waabonerãrẽ kãmutarã yãa. Mũsãde iroguere waabirikoa. Gajerã iroguere waaduarãdere kãmutãa. Irasirirã ñerõ tarirãkoa.

14 'Mũsã Moisés gojadeare buerimasã, fariseo bumarã irigatorikurã ããrã. Wapiweyarã nome wajamomakũ ĩã, ĩgũsãya wiirire emanokõãa. ĩgũsãrẽ bopoñabirikererã, yoaripoe Marĩpure sërẽ ĩmugatoa, masaka mũsãrẽ: “Marĩpure õãrõ bũremuma”, ãrĩburo, ãrĩrã. Irasirirã ñerõ tarirãkoa. Marĩpu mũsãrẽ gajerã nemorõ wajamoãgukumi.

15 'Mũsã Moisés gojadeare buerimasã, fariseo bumarã irigatorikurã ããrã. Dia wãdiyague taribuja, yoaroma makãrĩgue mũsã buerire tũyabure ãmarã waãa. ĩgũrẽ boka, mũsã bueri merã ĩgũrẽ mũsã nemorõ perebiri peamegue waabu ããrĩmakũ yãa. Irasirirã ñerõ tarirãkoa.

16 'Mũsã koye ĩãmerã gajerãrẽ tũãdupuyuwãgãmasĩmerã irirosũ masakare Marĩpuyare keoro buebea. Irasirirã ñerõ tarirãkoa. ĩgũsãrẽ ãsũ ãrĩ buea: “Sugu: ‘Marĩpuya wii merã ãsũ irigura’, ãrĩ wãĩpeodeare iribirimakũ, waja opabemi”, ãrã. Idere ãsũ ãrĩ buea: “Gajigu: ‘Marĩpuya wiima oro merã ãsũ irigura’, ãrĩ wãĩpeodeare iribirimakũ, waja opami”, ãrã.

17 Koye ĩãmerã irirosũ Marĩpuyare diaye gũñamerã, pẽmasĩmerã ããrã mũsã. Marĩpu ĩgũya

wiire, iri wiima oro nemorõ õãrĩ ããrĩtarinũgãmakũ yámi. Irasirigũ marĩrẽ, ¿díi gapũre bũremurĩ merã gũñamakũ gããmerĩ, orore, o ïgũya wii gapũre?

18 Mũsã idere ãsũ ãrĩ buea: “Sugũ: ‘Marĩpũya wiima soepeoro merã ãsũ irigũra’, ãrĩ wãĩpeodeare iribirimakũ, waja opabemi”, ãrã. Idere ãsũ ãrĩ buea: “Gajigũ: ‘Iri soepeoro weka peodea merã ãsũ irigũra’, ãrĩ wãĩpeodeare iribirimakũ, waja opami”, ãrã.

19 Koye ããmerã irirosũ Marĩpũyare diaye gũñamerã, pémasĩmerã ããrã mũsã. Marĩpũ ïgũya wiima soepeoro, marĩ iro weka peodea nemorõ õãrĩ ããrĩtarinũgãmakũ yámi. Irasirigũ marĩrẽ, ¿díi gapũre bũremurĩ merã gũñamakũ gããmerĩ, soepeoro, o iro weka peodea gapũre?

20 Irasirigũ sugũ: “Marĩpũya wiima soepeoro merã ãsũ irigũra”, ãrĩ wãĩpeogũ, ããrĩpereri iri soepeoro weka peyari merãdere wãĩpeogũ irikumi.

21 Sugũ: “Marĩpũya wii merã ãsũ irigũra”, ãrĩ wãĩpeogũ, Marĩpũ iri wiigũ ããrĩgũ merãdere wãĩpeogũ irikumi.

22 Sugũ: “Ëmũgasima merã ãsũ irigũra”, ãrĩ wãĩpeogũde, Marĩpũ irogũ Opũ doarogũ doagũ merãdere wãĩpeogũ irikumi.

23 Mũsã Moisés gojadeare buerimasã, fariseo bumarã irigatorikũrã ããrã. Irasirĩã ñerõ tarirãkoa. Mũsã oteri mũtãrĩgã: menta, anís, comino wãĩkũri baari morẽĩnorẽ sea needõ, dukawa, pe mojõma diruri irikoa. Sudiru Marĩpũya wiigũ ãĩakoa, ïgũ dorerire irimurã. Irasirikererã, iri nemorõ õãrĩ gapũre iribea. Diayema iririre, gajerãrẽ bopoñarĩ merã ããrĩrẽ,

Marĩpũre bũremurĩrẽ neõ iribea. Irasirirã mũsã oterire Marĩpũre sĩduũro marĩrõ diayemadere irika! Gajerãrẽ bopoñaka! Marĩpũre bũremuka!

24 Koye ãmerã gajerãrẽ tũãdupuyuwãgãmasĩmerã irirosũ masakare Marĩpũyare keoro buebea. ããĩpereri mũsã doreri gapũre irikererã, iri nemorõ doreri gapũre neõ iribea.

25 'Mũsã Moisés gojadeare buerimasã, fariseo bumarã irigatorikũrã ããrã. Irasirirã ñerõ tarirãkoa. Mũsã masaka ãũrõgue dita õãrõ irirã, soropa weka gapũ dita õãrõ koeadeapa irirosũ ããrã. Irasirirã mũsã basi wãri opadũarã gajerãyare yajarã, iripa poekague koeña marĩrĩpa gũrari uturiripa irirosũ ããrã.

26 Mũsã fariseo bumarã, koye ãmerã irirosũ, Marĩpũyare pẽmasĩmerã ããrã. Irasirirã mũsã gũñarĩrẽ gorawayupũrorika, soropa poeka gapũre õãrõ koeadeapa irirosũ ããrĩmurã. Irasirirã, soropa weka gapũdere õãrõ koeadeapa irirosũ ããrĩrãkoa.

27 'Mũsã Moisés gojadeare buerimasã, fariseo bumarã irigatorikũrã ããrã. Irasirirã ñerõ tarirãkoa. Mũsã masãgoberi irirosũ ããrã. Masaka, iri masãgoberire utã majĩrĩ boreri merã õãrõ wũkãdea majĩrĩ merã biamakũ ããrã: "Õãrõ deyoa", ãrĩ ããma. Iri õãrõ deyokerepũrũ, poekague boanerãya gõãrĩ, ããrĩpereri ñerĩ boadea sãñakoa.

28 Mũsãde i irirosũta ããrã. Masaka mũsãrẽ ããmakũ, õãrã irirosũ ããrã. Irasũ ããrĩkererã, poekague mũsã gũñarĩguere ñerĩrẽ opataria. Irasirirã irigatorikũrã, ñerõ iririkũrã ããrã.

29 'Mũsã Moisés gojadeare buerimasã, fariseo bumarã irigatorikũrã ããrã. Irasirirã ñerõ

tarirākoa. Mūsā, iripoegue marā Marīpuya kerere weredupuyunerāya masāgoberire ōārō āmua. Gajerā ōārō irinerāya masāgoberi weka weanúdeadere ōārō āmua.

³⁰ Āmu odo, āsū ārī werenía: “Marī ñekūsāmarā darā Marīpuya kerere weredupuyunerārē wējēnerā āārīmá. Gua ĩgūsā āārīdeapoegue āārīnerā tamerā ĩgūsārē wējētamubiribokuyo”, āā.

³¹ Mūsā irire irasū ārīrā, mūsā basita: “Gua Marīpuya kerere weredupuyunerārē wējēnerā parāmerā āārīturiarā āārā”, ārīrā yáa.

³² Irasirirā mūsā ñekūsāmarā ñerō iripuroriwāgāriderosūta iriyuwarikukōāka mūsāde!

³³ Mūsā ñerō iririkurā āña irirosū āārā. Mūsā ñerō iriri waja Marīpu mūsārē peamegue béoburire neō duribirikoa.

³⁴ Irasirigu yu mūsā purogue Marīpuya kerere weredupuyurārē, ĩgūyare masīrārē, mūsārē buerimasādere iriugura. Yu irasū iriukerepura, mūsā gapu surāyerire wējērākoa. Gajerārē curusague pábiatú wējērākoa. Gajerārē mūsā nerērī wirigue tārā, noó ĩgūsā waarī makārī waamakū tūyagorenarākoa ĩgūsārē ñerō iriduarā.

³⁵ Irasirirā āārīpererā masaka ōārārē wējēdea waja, mūsā waja opáa. Mūsā ñekūsāmarā Abel diayemarē iridire wējēpuroriwāgārirā, Zacarías Berequías magūguere wējētūnunerā āārīmá. ĩgūrē Marīpuya wiima soepeoro Marīpu āārīrī taribu watopegue wējēnerā āārīmá.

³⁶ Diayeta mūsārē werea. Āārīpererārē ĩgūsā wējēdea waja dapora marā wajakurākuma.

Jesús Jerusalén marãrẽ bujawereri merã were-dea

(Lc 13.34-35)

³⁷ 'Musã Jerusalén marã, Marĩpuya kerere weredupuyurãrẽ wẽjẽkõãa. Marĩpuri iriunerãrẽ ütãyeri merã dea wẽjẽa. Wári yu musãrẽ ágãbo igo pũrãrẽ igoya kẽdupuri merã neeõnúrõsũ neeõnú koredudibũ. Musã gapu yu irasũ irimakũ neõ gããmebiribu.

³⁸ Irasiriro musã ããrĩrĩ makã, béodea makã du-jarokoa.

³⁹ Diayeta musãrẽ werea. Dapora merãta musã yure iãnemobirikoa. Pũrugue musã: “Marĩpuri iriudi õãtarigu ããrĩmi, õãrõ aariburo”, ãrĩrãgue, yure dupaturi iãrãkoa doja, ãrĩmi Jesús.

24

Jesús: “Marĩpuya wii béosũrokoa”, ãrĩ weredea

(Mr 13.1-2; Lc 21.5-6)

¹ Jesús Marĩpuya wiigüe ããrãdi wiriadero purũ, gũã ãgũ buerã ãgũ purũ waa, ãsũ ãrĩbũ:

—Ĩãka i wiire! Õãrĩ wii, wári wii ããrã, ãrĩbũ.

² Jesús gapu yujumi:

—Musã i wiire daporare iãdáa. Diayeta musãrẽ werea. I wiima ããrĩpereri musã iãdea, i ütãyeride mutãdijaperekõãrokoa. Neõ suye ütãye gajiyewe weamũrĩadeade dujabirikoa, ãrĩmi.

Jesús: “I ãmũ pereburi dupuyuro ãsũ waarokoa”, ãrĩ weredea

(Mr 13.3-23; Lc 21.7-24; 17.22-24)

³ Pũrũ Olivos wãikuri buúrũgue eja, irogue doami Jesús. Iro ãgũ doamakũ, gũã ãgũ buerã ãgũ purũgue eja, gajerã pẽberogue sãrẽñabũ:

—Guare wereka! ¿Naásũ ããrĩmakũ, mũ ãrãderosũ waarokuri? ¿Ñeéno iri ĩmugukuri, mũ dupaturu aarigú? ¿Naásũ waarokuri, i mũmũ pereburu dupuyuro? ãrĩbũ.

⁴ Jesús yũjũmi:

—Õãrõ pémasĩka! Gajerã mũsãrẽ ãrĩgatorire pébirikõãka!

⁵ Wárã ãrĩgatorimasã aarirãkuma. “Marĩpũ iriudi, Cristo ããrã yũ”, ãrĩrãkuma. Ĩgũsã ãrĩgatomakũ pérã, wárã masaka ĩgũsãrẽ bũremurãkuma.

⁶ Masaka mũsã pũro gãmewějěrĩrẽ pérã, yoarogue marã gãmewějěrĩ kerere pérã, gũkabirikõãka! Irasũta waarokoa. Irasũ waakerepũũ, i mũmũ pereburo dũyarokoa dapa.

⁷ Su bumarã gaji bumarã merã gãmekějãrãkuma. Su nikũ marã gaji nikũ marã merã gãmewějěrãkuma. Masaka wárã mũboari merã boarãkuma. Gajerã pũrĩrikũ ñerõ tarirãkuma. Wári makãrĩguere nikũ ñomerokoa.

⁸ I ããrĩpereri merã masaka ñerõ taripũroriwãgãrĩrãkuma.

⁹ Irasirirã gajerã mũsãrẽ ñeã, ãã, oparãguere ñerõ iridorerã wiarãkuma. Mũsãrẽ wějěrãkuma. Yũre bũremurĩ waja ããrĩpererã i mũmũ marã mũsãrẽ ĩãturi doorãkuma.

¹⁰ Irasũ waarĩpoe wárã yũre bũremuadinerã bũremuduúrãkuma. Irasirirã gãme ĩãturi doo, ĩgũsã merãmarã ããrãdinerãrẽ ĩgũsãrẽ ĩãturirãguere wiarãkuma.

¹¹ Wárã: “Marĩpũya kerere weredupuyurimasã ããrã”, ãrĩgatorãkuma. Irasirirã wárã masaka ĩgũsãrẽ bũremurãkuma.

12 Masaka iro dupuyuro ñerõ iridero nemorõ ñerõ irirākuma. Irasirirã wárã ìgũsã gãme maĩrĩrẽ pirirākuma.

13 Ìgũsã musãrẽ ñerõ irikererũ, musã yure neõ buremuduúbirimakũ, Marĩpũ musãrẽ taugakumi, ìgũ pũro aãrĩníkõãburo, ãrĩgũ.

14 Marĩpũyare wererã aãrĩpererã i ãmũ marãrẽ ìgũyarãrẽ doregũ aãrĩrĩ kerere wererākuma, aãrĩpereri bumarã irire masĩburo, ãrĩrã. Ìgũsã aãrĩpererã iri kerere péperederõ pũrũ, i ãmũ pererokoa.

15 'Iripoegue Marĩpũya kerere weredupuyudi Daniel i ãmũ pereburo dupuyuro waaburire ãsũ ãrĩ gojadi aãrĩmĩ: “Ñegũ Marĩpũre ìãturigũ Marĩpũya wii ñerĩ marĩrĩ wiigũ ñajãgukumi”, ãrĩ gojadi aãrĩmĩ. ((Irasirirã iri wiigũ ìgũ aãrĩmakũ ìãrã, i pũrẽ buerãno: “I ãmũ pereburo yáa”, ãrĩ masĩrākuma.))

16 Ñegũ iroguẽ aãrĩmakũ ìãrã, Judea nikũ marã buurĩgũ ãmaduriburo.

17 Sugũ ìgũya wii wekague aãrĩgũ, wii poekague ìgũyare ãĩgũ ñajãbita ãmaduriburo.

18 Sugũ ìgũya poegue aãrĩgũde, ìgũya surĩre wiigũ ãĩgũ ãjãbita ãmaduriburo.

19 Irasũ waarĩnrĩrẽ nijĩpagosã nome, ìgũsã pũrã mirĩrãgã oparã nomede ñerõ tarirākuma.

20 Irasirirã Marĩpũre ãsũ ãrĩ sãrẽka: “Puibure, siuñajãrĩnũ* aãrĩmakũ, gũare i irasũ waabirikõãburo”, ãrĩka ìgũrẽ!

21 Irasũ waarĩnrĩrẽ masaka bũro ñerõ

* 24:20 Judío masaka siuñajãrĩnũ, sábado aãrã.

tarirākuma. Marĩpu i ãmurẽ iripuroridero purure masaka ñerõ taridero nemorõ ñerõ tarirākuma. I ãgũsarẽ ñerõ waaburi neõ dupaturi irasũ waanemobirikoa.

²² Irasirigu Marĩpu masakare i ñerõ waarire: “Yoaripoe waabirikõáburo”, ãrĩgukumi. ãgũ irasiribirimakũ, neõ sugũ masakũ taribiribokumi. Irasirigu ãgũ beyenerãrẽ bopoñasã, ãgũsarẽ ñerõ waarire: “Iropãta waaburo”, ãrĩgukumi.

²³ Gajerã musãrẽ: “Iãka! Õõta Cristo ããrĩmi”, ãrĩmakũ pérã, o gajerã musãrẽ: “Cristo sõõgue ããrãmi”, ãrĩmakũ pérã, buremubirikõãka!

²⁴ Wãrã ãrĩgatorimasã aarirākuma. Surãyeri: “Yũ Cristo ããrã”, ãrĩrākuma. Gajerã: “Marĩpuya kerere weredupuyurimasũ ããrã”, ãrĩrākuma. Musãrẽ ãgũsã ãrĩgatorire buremudorerã, wãri gajino iri ãmurākuma. Irasirikererã, Marĩpu beyenerãrẽ ãgũrẽ buremuduúmakũ irimasĩbirikuma.

²⁵ Iri waaburi dupuyuro yũ musãrẽ weresiãa, irire masĩburo, ãrĩgũ.

²⁶ Irasirirã gajerã masaka musãrẽ: “Cristo sõõ masaka marĩrõgue ããrãmi”, ãrĩmakũ pérã, ããrã waabirikõãka! Gajerã musãrẽ: “Iãka! I wiima taribugue ããrĩmi”, ãrĩmakũ pérã, ãgũsarẽ buremubirikõãka!

²⁷ Yũ ããrĩpererã tĩgũ gũñaña marĩrõ i ãmũgue dupaturi aarigũkoa. Ñmarõgue, abe murĩriro gapũ, ãgũ ñajãrõ gapũ bupu miãrõ irirosũ aarigũkoa.

²⁸ Mimua nerẽmakũ ããrã, masaka sugũ waibu boadi ããrĩrõrẽ masĩkuma. I irirosũ yũ aarimakũ ããrã, ãgũsã wajamoãsũburire masĩrākuma, ãrĩ weremi Jesús.

Jesús ããrĩpererã tĩgũ: “Ãsũ aarigũkoa”, ãrĩ were-dea

(Mr 13.24-37; Lc 21.25-33; 17.26-30, 34-36)

²⁹ Irasũ ãrĩ odo, gũare ãsũ ãrĩnemomi:

—Masaka ñerõ taririnũrĩ puruta abe ãmũmũ naĩtĩãkõãgũkumi. Abe ñamimũ boyonemobirikumi. Neñukã ãmũgasigue ããrĩrã yuridijarirãkuma. Ëmarõgue marã turarãde naradari merã béosũrãkuma.

³⁰ Irasũ waaripoere masaka yũ ããrĩpererã tĩgũ ãmũgasigue merã aarimakũ ãrãrãkuma. Irasirirã ããrĩpereri i ãmũma makãrĩ marã yũ wãri Marĩpũ turari merã, ãgũ gosewasiriri merã mikãyebori weka aarimakũ ãrã, gũirã orerãkuma.

³¹ Yũ aarigũ, yũre wereboerãrẽ ããrĩperero i ãmũguere iriugũkoa. Puridiru buru burumakũ, ãgũsã yũ beyenerãrẽ ããrĩpererogue ããrĩrãrẽ neõrãkuma.

³² Ire mũsã masĩburo, ãrĩgũ, higeragũ keori merã weregũra. Irigũ pũ maamamakũ ãrãrã: “Borori waaburo mérõgã dũyãa”, ãrĩ masĩa.

³³ Irigũ waarõsũta i ããrĩpereri yũ ãrĩrĩ irasũ waamakũ ãrãrã: “Cristo dupaturi aariburo mérõgã dũyãa”, ãrĩ masĩrãkoa.

³⁴ Diayeta mũsãrẽ werea. I ããrĩpereri yũ ãrĩrĩ, dapora marã pereburo dupuyuro irasũ waarokoa.

³⁵ Ëmũgasi, i nikũde pereakõãrokoa. Yũ werenĩrĩ gapũ neõ perebirikoa. ããrĩpereri yũ ãrĩrõsũta waayumarĩrokoa.

³⁶ Yũ dupaturi aariburinũrẽ, iri horare neõ sugũ masĩbirikumi. Marĩpũre wereboerã ãmũgasigue ããrĩrãde masĩbema. Yũ Marĩpũ magũde masĩbea. Yũpũ sugũta masĩmi.

37 'Noé ããrĩdeapoe marãrẽ waaderosũta yu ããrĩpererã tĩgũ aariburo dupuyurogãrẽ waarokoa.

38 Iripoere i nikũ Marĩpu miũburo dupuyuro masaka õãrõ baa, iirĩ, mojõsia, ãgũsã pũrã nomerẽ nomesu ããrĩrikunerã ããrĩmã. Noésã doódirugue ñajãrĩnuguedere irasũta irinĩkõãnerã ããrĩmã.

39 Gũñaña marĩrõ merã wãro deko merẽ, i nikũ mirĩperekõãdero ããrĩbũ. ãgũsãde mirĩperekõãnerã ããrĩmã. Irasũta yu ããrĩpererã tĩgũde gũñaña marĩrõ merã i ãmũguere dupaturi aarigũkoa.

40 Irasũ waaripoere pẽrã poeegue moãrã ããrĩrãkuma. Sugũ yũre bũremugũ ãĩãsũgũkumi. Gajigũ yũre bũremubi irogueta béowãgãsũgũkumi.

41 Nomede pẽrã nome ojodũka biurã ããrĩrãkuma. Sugo yũre bũremugõ ãĩãsũgokumo. Gajego yũre bũremubeo irogueta béowãgãsũgokumo.

42 'Õãrõ pẽmasĩka! Yu mũsã Opũ dupaturi aariburi horare neõ masĩbea mũsã.

43 Ire õãrõ masĩka! Wii opũ ãgũya wiire sugũ ya-jarimasũ ñami merã ejaburi horare masĩgũ, kãrĩrõ marĩrõ korekumi, ãgũya wiire ñajãburire kãmutabu.

44 Yu ããrĩpererã tĩgũ gũñaña marĩrõ aarigũkoa. Irasirirã, wii opũ irirosũ mũsãde yu aariburire õãrõ yũro gããmea, ãrĩmi Jesús.

*Jesús pẽrã moãboerimasã keori merã buedea
(Lc 12.41-48)*

45 Pũrũ Jesús gajĩ keori merã gũare buenemomi:
—Sugũ moãboegũ ãgũ opũre bũremugũ, pẽmasĩgũ ãsũ irikumi. ãgũ opũ gajerogue waagũ, ãgũrẽ ãgũya wiire gajerãrẽ ãgũrẽ moãboerãrẽ koredoregũ pĩkumi. Irasirigũ ãgũrẽ ãgũsãrẽ baarire keoro siiu baadoregũ pĩkumi.

46 Irasirigũ ãgũ opũ ãgũya wii goedujajamakũ ããgũ, ãgũrẽ moãboegũ ãgũ dorederosũta iridi ããrĩsã, usuyakumi.

47 Diayeta musãrẽ werea. ãgũ píderosũta ãgũ ke-oro irideare ããgũ, ãgũ opũ ãgũrẽ ããrĩpereri ãgũyare koredoregũ pígakumi.

48-49 ãgũrẽ moãboegũ ñegũ gapũ ãsũ irikumi. “Yũ opũ mata goebirikumi”, ãrĩ gũñagũ, gajerã ãgũ opũre moãboerãrẽ ñerõ pábira, mejãrikurã merã iiri baagorenakumi.

50 ãgũ irasirigorenarĩnurẽ gũñaña marĩrõ ãgũ opũ goejakumi. ãgũrẽ moãboegũ gapũ: “ãgũ iri hora goegũkumi”, ãrĩ masĩbirikumi.

51 ãgũ opũ goejagũ ãgũrẽ moãboegũ ñerõ irideare pégũ, ãgũrẽ burõ wajamoãgũkumi. Irasirigũ irigatorikurãrẽ béorogue ãgũrẽ béogũkumi. Iroguere ãgũ burõ pũrĩsũgũ ãgũya guikare kũrĩduútú oregũkumi, ãrĩmi Jesús.

25

Jesús pe mojõmarã maamarã nome keori merã buedea

1 Pũrũ Jesús dupaturi keori merã gũare ãsũ ãrĩ buemi doja:

—Marĩpũ ãmũgasigue ããrĩgũ ãgũyarãrẽ doreri ãsũ ããrã. Pe mojõmarã nóome ããrĩkuma. Su ñami ãgũsãya sããgori duparu merã mojõsiadire bokatĩrãrã waakuma.

2 Su mojõmarã nome sããgori duparu ãgũsã ããburire õãrõ ãmuyubirikuma. Gajerã su mojõmarã nome gapũ ãgũsã ããburire õãrõ ãmuyukuma.

3 ãmuyumerã nome ïgũsãya sããgori duparure ããakererã, ïgũsã gorawayuburire uye ããabirikuma.

4 ãmuyurã nome gapu ïgũsãya sããgori duparure ãã, gaji uye ïgũsã gorawayuburire ããakuma.

5 Irasirirã, mojõsiadi mata ejabirimakũ, ïgũsãrẽ waja ejamakũ kããiakõãkuma.

6 Puru ñami deko ãããĩmakũ, gajerã masaka: “Mojõsiadi aarisiami. ïgũrẽ bokatĩrĩrã aarika!” ããĩ gainĩmakũ pékuma.

7 ïgũsã gainĩmakũ pérã, yobe, ïgũsãya sããgori duparure ãmukuma.

8 Uye gorawayuburire ããabiranerã nome gapu, gajerã gaji uye ãããnerã nomerẽ ãsũ ããĩkuma: “Guaya sããgori duparu yariro yãa. Irasirirã mérõgã musãya uye gere guadere sika!” ããĩ sãããadikuma.

9 ãmuyuanerã nome gapu ãsũ ããĩ yujukuma: “Guaya uye musãrẽ sĩmakũ, musãrẽ, guadere ejabiribokoa. Irasirirã uye duarã puru musã basi wajarirã waaka!” ããĩkuma.

10 Irasirirã ãmuyubiranerã nome uye wajarirã waakõãkuma. ïgũsã waadero puru, mojõsiadi ejakumi. ïgũ ejamakũ ããrã, ãmuyuanerã nome gapu ïgũrẽ bokatĩrĩkuma. Irasirirã ïgũ merã bosenu iriri wiigwe ããrã ñajãkõãkuma. ïgũsã ñajãperemakũ, iri wii marã disipurore biakõãkuma.

11 Purugwe ãmuyubiranerã nome gapu ejakuma. “Gua Oru, guadere tũpãsóoka!” ããĩkuma.

12 ïgũsã irasũ ããĩmakũ pégu, mojõsiadi ãsũ ããĩ yujukumi: “Diayeta yu musãrẽ masĩbea”, ããĩkumi ïgũsã nomerẽ, ããĩ weremi Jesús.

13 Irasũ ããĩ odo, guare ããĩmi:

—Y_u ããrĩpererã tĩgũ dupaturi aariburin_urẽ, iri horadere neõ masĩbea m_usã. Irasirirã ãmuyunerã nome mojõsiadire bokatĩrĩrã waamurã ĩgũsãya sĩãgori duparure ãmuyuderõsũ m_usãde y_u aariburire õãrõ ãmuyuka! ãrĩmi Jesús.

Jesús sug_u op_u ĩgũrẽ moãboerãrẽ niyeru sĩrĩ keori merã buedeã

¹⁴ Irasũ ãrĩ odo, gaji keori merã g_uare ĩgũ buerãrẽ buenemomi doja:

—Marĩp_u ĩgũyarãrẽ doreg_u, sug_u wii op_u irirosũ ããrĩmi. Wii op_u gaji nikũgue waabu, ĩgũrẽ moãboerãrẽ siiu, ĩgũya niyerure koredoreg_u pĩkumi.

¹⁵ 'Irasirig_u, ĩgũsãrẽ: “Õõpã merã wãjatanemorãkuma”, ãrĩ ĩãmasĩsĩã, ĩgũya niyeru wajapari tirire dukawakumi. Sug_ure su mojõma tiri, gajig_ure pe ti, gajig_ure su ti sĩkumi. ĩgũsãrẽ sĩ odo, waakõãkumi.

¹⁶ Irasirig_u su mojõma tiri opag_u, mata iri tiri merã gajino wajari, dua, gaji su mojõma tiri wãjatanemokumi. Irasirig_u pe mojõma tiri opakumi.

¹⁷ Pe ti opag_ude irasũta gaji pe ti wajatanemokumi. Irasirig_u wapik_uri tiri opakumi.

¹⁸ Su ti opag_u gap_u yebague gobe má, iri gobegue ĩgũ op_u sĩadeã tire yãapĩkõãkumi.

¹⁹ Yoadero p_uru, wii op_u goekumi. Goeja, ĩgũya niyeru tiri merã ĩgũsã wajatanemodeare ãmubu, ĩgũrẽ moãboerãrẽ siiukumi.

²⁰ Irasirig_u su mojõma tiri sĩsũdi ĩgũ op_u p_urogue eja, pe mojõma tiri ĩgũrẽ wiakumi. “Y_u op_u, su mojõma tiri y_ure sĩb_u m_u”, ãrĩkumi. “Ĩãka! Iri tiri

merã gaji su mojõma tiri wajatanemobũ”, ãrĩkumi ãgũ opũre.

21 ãgũ irasũ ãrĩmakũ pégu, ãgũ opũ ãrĩkumi: “Õãgoráa. Mũ yũre moãboegu õãgũ ããrã. Yũ dorederosũta yũ mérõgã mũrẽ pídea merã õãrõ iriyo. Irasirigu wári yaare koredoregu píguã. Yũ merã ããrĩgũ, usuyari merã ããrĩka!” ãrĩkumi ãgũ opũ ãgũrẽ.

22 Pũrũ pe ti sĩsũdide ãgũ opũ pũrogu eja, ãgũrẽ ãsũ ãrĩkumi: “Yũ opũ, pe ti yũre sĩbũ mũ. Ìãka! Iri tiri merã gaji pe ti wajatanemobũ”, ãrĩkumi.

23 ãgũ irasũ ãrĩmakũ pégu, ãgũ opũ ãrĩkumi: “Õãgoráa. Mũ yũre moãboegu õãgũ ããrã. Yũ dorederosũta yũ mérõgã mũrẽ pídea merã õãrõ iriyo. Irasirigu wári yaare koredoregu píguã. Yũ merã ããrĩgũ, usuyari merã ããrĩka!” ãrĩkumi ãgũ opũ ãgũrẽ.

24 Pũrũ su ti sĩsũdi gapũ, ãgũ opũ pũrogu eja, ãgũrẽ ãsũ ãrĩkumi: “Yũ opũ, mũrẽ moãboerãrẽ bũro turaro merã moãdoregu ããrã. Mũ basi moãbirikeregu, ãgũsãrẽ oterire otedore, ãgũsãrẽ oteri dukare seadore, irire mũ basita opáa. Mũrẽ moãboerãya moãrĩ merã wajatarire mũ basita opáa. Irire masĩa yũ.

25 Irasirigu mũrẽ gũigu, yebague gobe má, iri gobegue mũya niyeru tire yáapĩkõãbũ. Ìãka! I ti ããrã mũya niyeru ti”, ãrĩkumi ãgũ opũre.

26 ãgũ irasũ ãrĩmakũ pégu, ãgũ opũ ãrĩkumi: “Mũ yũre moãboegu ñegũ ããrã. Térĩkũgu ããrã. Mũ yũre ãsũ ãrã: ‘Mũ basi moãbirikeregu, mũrẽ moãboerãrẽ oterire otedore, ãgũsãrẽ oteri dukare seadore, irire

m_u basita opáa. M_urē moãboerãya moãrĩ merã wajatarire m_u basita opáa. Irire masĩa y_u, ãrã m_u y_ure.

27 M_u irasũ ãrĩgũ, ¿nasirig_u, y_u m_urē sĩdea tire niyeru duripĩri wiig_ue duripĩbiriri? Irogue duripĩmakũ, i wii moãrã iri ti merã wáro wajatanemobosabokuma m_urē. Irasirig_u, y_u goejamakũ, m_u y_ure ĩgũsã iriri merã wajatanemobosadeare wiaboakuyo”, ãrĩkumi ĩgũ op_u ĩgũrē.

28 Irasũ ãrĩ odo, gajerãrē irogue ããrĩrãrē ãrĩkumi: “Ĩgũrē niyeru tire ĩma, pe mojõma tiri opag_u gap_ure sĩka!

29 Sug_u wári opag_u sĩnemosũg_ukumi. Irasirig_u ĩgũ wári opadero nemorõ opag_ukumi. Gajig_u opabi ĩgũ mérĩgã opadideare ĩmapeokõãsũg_ukumi.

30 Ĩĩ y_ure moãboeg_u keoro iribire naĩtĩãrõgue béokõãka! Iroguere b_uro pũrĩsũgũ ĩgũya guikare kũrĩduútú oreg_ukumi”, ãrĩkumi ĩgũsã op_u, ãrĩ weremi Jesús.

Jesús i ñm_u marãrē wajamoãburire werede

31 Irasũ ãrĩ odo, g_uare ãrĩnemomi:

—Y_u ããrĩpererã tĩgũ, ããrĩpererã y_ure wereboerã merã i ñm_u marãrē doreg_u aarigú, gosewasiriri merã Op_u doarogue doag_ukoa.

32 Y_u irogue doamakũ, y_ure wereboerã ããrĩpereri buri marã masakare y_u diaye neeõrãkuma. ĩgũsãrē neeõ odomakũ, sug_u ejorã koreg_u ovejare, cabrare boje dukawanúrõsũ y_u ĩgũsãrē dukawanúg_ukoa.

33 Y_ure b_uremurãrē oveja irirosũ ããrĩrãrē y_u diaye gap_u núg_ukoa. Y_ure b_uremumerãrē cabra irirosũ ããrĩrãrē y_u kúgap_u núg_ukoa.

34 Y_H irasiriadero p_Hu, y_H ããrĩpererã Op_H, y_H di-
aye gap_H nĩrãrẽ ãsũ ãrĩ weregũkoa: “Y_Hp_H m_Hsãrẽ
õãrõ irisiami. I ãm_Hrẽ irigũgueta m_Hsãya ããrĩburire
ĩgũyarãrẽ doreroguere ãmuyusiami. Irasirirã ãgũ
merã ããrĩrã aarika!

35 Y_H ñaboamakũ ããrã, m_Hsã y_Hre baari ejob_H. Y_H
ñemesibumakũ, m_Hsã y_Hre iirĩri tĩãb_H. Y_H m_Hsã p_Hro
gãmeñajãgũ ejamakũ, y_Hre kãrĩrõ wayub_H.

36 Surĩ marĩgũ y_H ããrĩmakũ ããrã, m_Hsã y_Hre surĩre
sãb_H. Pũrĩrikumakũ, m_Hsã y_Hre ããrã ejab_H. Pere-
sugue y_H ããrĩmakũdere y_Hre ããrã ejab_H”, ãrĩgũkoa.

37 Y_H irasũ ããrĩmakũ pãrã, y_H diaye gap_H nĩrã
Y_Hp_H: “Õãrã, waja opamerã ããrĩma”, ãrĩ ããnerã
y_Hre sãrẽñarãkuma: “G_Ha Op_H, ¿naásũ ããrĩmakũ,
m_H ñaboamakũ g_Ha m_Hrẽ baari ejori? ¿Naásũ
ããrĩmakũ, m_H ñemesibumakũ m_Hrẽ iirĩri tĩãrĩ?

38 ¿Naásũ ããrĩmakũ, m_H g_Ha p_Hro gãmeñajãgũ eja-
makũ, kãrĩrõ wayuri? ¿Naásũ ããrĩmakũ, m_H surĩ
marĩgũ ããrĩmakũ g_Ha m_Hrẽ surĩ sãrĩ?

39 ¿Naásũ ããrĩmakũ, m_H pũrĩrikumakũ, o pere-
sugue m_H ããrĩmakũdere g_Ha m_Hrẽ ããrã ejari?”
ãrĩrãkuma y_Hre.

40 Ñgũsã irasũ ããrĩmakũ pãgũ, y_H ããrĩpererã Op_H,
ñgũsãrẽ ãsũ ãrĩ y_Hjugũkoa: “Diayeta m_Hsãrẽ werea.
M_Hsã sug_H yaarã watopegue ããrĩpererã nemorõ
ubu ããrĩgũrẽ õãrõ irirã, y_Hreta õãrõ irirã irib_H”,
ãrĩgũkoa ãgũsãrẽ.

41 Ñgũsãrẽ irasũ ããrĩ odo, y_H kúgap_H nĩrãrẽ ãsũ ãrĩ
weregũkoa: “Y_Hp_H wajamoãsumurã ããrã m_Hsã. Y_H
p_Hrore wirika! Perebiri peamegue waaka! Y_Hp_H
irĩ peamerẽ wãtã op_H, ãgũyarã merã ããrĩburore
ãmuyusiami.

42 Y_H uaboamakũ ããrã, musã y_Hre baari ejobiribu. Y_H ñemesibumakũ, musã y_Hre iiriri tããbiribu.

43 Y_H musã p_Uro gãmeñajãgũ ejamakũ, y_Hre kãrĩrõ wayubiribu. Surí marĩgũ y_H ããrĩmakũ, musã y_Hre surí sãbiribu. Y_H pũrĩrikumakũ, peresugue y_H ããrĩmakũdere musã y_Hre ããrã ejabiribu”, ãrĩgukoa ãgũsãrẽ.

44 Y_H irasũ ãrĩmakũ pérã, ãgũsã y_Hre sērẽñarākuma: “G_Ua O_Pu, ¿naásũ ããrĩmakũ, m_U uaboamakũ, ñemesibumakũ, g_Ua p_Uro gãmeñajãgũ ejamakũ, surí opabirimakũ, pũrĩrikumakũ, peresugue m_U ããrĩmakũ g_Ua m_Urẽ iritamubiriri?” ãrĩrākuma y_Hre.

45 ãgũsã irasũ ãrĩmakũ, y_H ããrĩpererã O_Pu ãgũsãrẽ ãsũ ãrĩ weregukoa: “Diayeta musãrẽ werea. Musã sug_U yaarã watopegue ããrĩpererã nemorõ ubu ããrĩgũrẽ iritamumerã, y_Hreta iritamumerã iribu”, ãrĩgukoa ãgũsãrẽ.

46 P_Ur_U ãgũsã perebiri peamegue wajamoãsũrākuma. Y_Up_U: “Õãrã, waja opamerã ããrĩma”, ãrĩ ããnerã gap_U ãgũ p_Uroguere perebiri okarire oparākuma, ãrĩ weremi Jesús.

26

Oparã Jesúre ñeãburire ãmudea
(Mr 14.1-2; Lc 22.1-2; Jn 11.45-53)

1 Jesús iri ããrĩpererire bue odo, g_Uare ãgũ buerãrẽ ãrĩmi:

2 —Pen_U d_Uyáa, pascua bosenu ejaburo. Irire musã masía. Iri bosenu ããrĩmakũ, y_H ããrĩpererã tĩgũrẽ ñeã, oparãguere wiarākuma, curusague pábiatú wējẽdoremurã, ãrĩmi.

³ Iripoere paía oparã, Moisés gojadeare buerimasã, judío masaka marãde Caifás paía opɔya wii disipɔroma yebague nerẽñurã.

⁴ Irogue nerẽrã, ĩgũsã Jesúre arĩgatori merã ñeã, wẽjẽburire amuñurã.

⁵ Irire amurã:

—Bosenu aãrĩmakũ, ĩgũrẽ ñeãbirikõãrã! Masaka marĩ merã guarã, marĩrẽ gainí turibokuma, arĩñurã.

*Sugo nomeõ Jesúre sãrõrĩ piupeodea
(Mr 14.3-9; Jn 12.1-8)*

⁶ ĩgũsã ĩgũrẽ wẽjẽburire amuripoere Jesús Betania wãĩkuri makãgue Simón kãmi boadiya wiigüe aãrĩmĩ.

⁷ Irogue ĩgũ aãrĩmakũ, sugo nomeõ suru sãrõdiru opago, Jesús pɔro ejamo. Igo opadiru “alabastro” wãĩkuri útaye merã iridiru, sãrõrĩ wajapari opadiru aãrĩbú. Jesús baa doaniripoe ĩgũya dipurure iri sãrõrĩrẽ piupeomo.

⁸ Igo irasũ piupeomakũ ããrã, gɔa Jesús buerã guarã ãsũ arĩbɔ:

—¿Nasirigo igo irire irasiriwasiribéokõãrĩ?

⁹ Iri sãrõrĩrẽ duago, wáro niyerure wajataboakumo. Iri niyeru merã boporãrẽ iritamuboakumo, arĩbɔ.

¹⁰ Jesús, gɔa irasũ arĩmakũ pégu, gɔare arĩmi:

—¿Nasirirã igore garibori mɔsã? Ire yure irasirigo, õãrĩrẽ irigo yámo.

¹¹ Boporã mɔsã watopeguere aãrĩnĩkõãrãkuma. Yu tamerãrẽ mɔsã merã aãrĩnĩmakũ ããbirikoa.

¹² Igo i sãrõrĩ yure piupeogo, yaa dupure ĩgũsã yure yáaburo dupuyuro amuyugo irirosũ irigo yámo.

13 Diayeta musārē werea. Marīpu masakare tauri kerere wererā āārīperero i ũmugue waagorenarā, igo yare irideadere gajerārē wererākuma, igore gũñaburo, ārīrā, ārīmi Jesús guare.

Judas Iscariote Jesúre wějēdarāguere ĩgūrē ĩmuburire āmudea

(Mr 14.10-11; Lc 22.3-6)

14 Jesús irasū ārādero puru, sugu gua Jesús buerā pe mojōma pere su gubu peru pērēbejarā watopemu Judas Iscariote wāikugu paía oparā merā werenígū waayupu.

15 ĩgūsārē ārīyupu:

—Yu Jesúre musārē wiamakū, ¿noópā niyeru wajarirākuri yure? ārīyupu.

ĩgū irasū ārīmakū pérā, ĩgūrē treinta niyeru tiri plata merā iridea tirire wajariñurā.

16 ĩgūsā wajarimakū, Judas: “¿Naásū āārīmakū ĩgūsārē yu Jesúre wiamakū oākuri?” ārī gũñayupu.

Jesús ĩgū buerā merā baatūnudea

(Mr 14.12-25; Lc 22.7-23; Jn 13.21-30; 1 Co 11.23-26)

17 Puru pā wemasārī morēña marīrī baari bosenu puroririnū āārīmakū, gua Jesús buerā ĩgū purogue waa, ĩgūrē sērēñabu:

—¿Noógue mu pascua bosenu baaburire āmumakū gāāmekuri? ārību.

18 ĩgū guare ārīmi:

—Jerusalégue waaka! Iro musā bokajagure āsū ārīka: “Guare buegu murē āsū ārī weredoreami: ‘Yu ñerō tariburo mérōgā duyáa. Pascua bosenu āārīmakū, yu buerā merā muya wiigüe baagukoa’, ārāmi”, ārīka! ārīmi Jesús.

19 Irasirirã, pascua bosenu ããrĩmakũ, Jesús dore-aderosũta gũa baaburire ãmunerã ããrĩmã.

20 Naĩmejãripoe Jesús gũa ĩgũ buerã pe mojõma pere su gubu peru pẽrẽbejarã merã baa doanĩmi.

21 Gũa baaripoe gũare ãrĩmi:

—Diayeta mũsãrẽ werea. Sugũ mũsã watope ããrĩgũ yũre wẽjẽduarãguere yũre ĩmugukumi, ãrĩmi.

22 ĩgũ irasũ ãrĩmakũ pẽrã, gũa bũro bujawereri merã sugũno dita ĩgũrẽ sẽrẽñayobũ:

—Gũa Opũ, ¿yũ ããrĩrĩ mũrẽ ĩmubu? ãrĩbũ.

23 Gũa irasũ ãrĩ sẽrẽñamakũ, gũare yũjũmi:

—Yũ merã i pare pã yosa baagũta ããrĩmi yũre wẽjẽduarãguere yũre ĩmubu.

24 Marĩpũya werenĩrĩ gojadea pũgue gojaderosũta yũ ããrĩpererã tũgũrẽ waaró yãa. Yũre ĩmubu gapũre ñetariro waarokoa. ĩgũ deyoabirimakũ õãboyo, ãrĩmi Jesús.

25 ĩgũ irasũ ãrĩmakũ, Judas Jesũre wẽjẽduarãguere ĩgũrẽ ĩmubu sẽrẽñami:

—Gũare buegũ, ¿yũ mũrẽ ĩmubu ããrĩrĩ? ãrĩmi.

Jesús ĩgũrẽ yũjũmi:

—Ëũ, mũta ããrã, ãrĩmi.

26 Irasũ ãrĩ odo, gũa baaripoe Jesús pãrẽ ãĩ, Marĩpũre: “Mũrẽ usũyari sĩa”, ãrĩ, pãrẽ pea, gũare ĩgũ buerãrẽ ãsũ ãrĩ gueremi:

—Ire baaka! Yaa dupũ ããrã, ãrĩmi.

27 Pũru iirĩripare ãĩ, Marĩpũre: “Mũrẽ usũyari sĩa”, ãrĩ, gũare irĩripare sũu, ãsũ ãrĩmi:

—Mũsã ããrĩpererã ire iirĩka!

28 I yaa dí ããrã. Yũ boagũ, dí béori merã wãrã masaka ñerõ iridea wajare wajaribosagũkoa. Irasirigũ yaa dí béori merã Yũpũ ĩgũsãrẽ: “Õãrõ

irigura”, ãrĩdeare iriyuwarikugukumi. Irasirigu ãgũsã ñerõ irideare kãtigukumi.

²⁹ Musãrẽ werea. Igui dekore marĩ dapora iirĩrosũ yũ dupaturi neõ iirinemobirikoa. Pũrũ Yũrũ ãgũyarãrẽ dorerogue musã merã maama igui dekore iirĩgukoa, ãrĩmi Jesús guare.

Jesús Pedrose: “Yũre masĩkeregũ: ‘Masĩbea’, ãrĩgukoa”, ãrĩ werede

(Mr 14.26-31; Lc 22.31-34; Jn 13.36-38)

³⁰ Pũrũ Marĩpũre bayapeo odo, gũa iri wiigue ããrãnerã wiria, Olivos wãĩkũri buúrugue waabũ.

³¹ Iroguẽ ejagũ, Jesús guare ãrĩmi:

—Dapagã ñami musã ããrĩpererã gũñaturaro marĩrõ yũre béowãgãperekõãrãkoa. Musã irasiriburire Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Yũ oveja koregũre wẽjẽmakũ irigukoa. Irasirimakũ, ãgũyarã oveja ãmawasiriakõãrãkuma”, ãrĩ gojasũdero ããrĩbũ.

³² Yũ boadigue masãdero pũrũ, musã dupuyuro Galileague waadupuyugukoa, ãrĩmi guare.

³³ ãgũ irasũ ãrĩmakũ pẽgũ, Pedro ãsũ ãrĩ yũjũmi:

—Gajerã ããrĩpererã mũrẽ béowãgãkerepũrũ, yũ gapũ mũrẽ neõ béowãgãbirikoa, ãrĩmi.

³⁴ Jesús Pedrose ãrĩmi:

—Diayeta mũrẽ werea. Dapagã ñami ãgãbo wereburo dupuyuro mũ yũre masĩkeregũ, mũrea gajerãrẽ: “Masĩbea”, ãrĩgatogukoa, ãrĩmi.

³⁵ Pedro ãgũrẽ ãrĩmi:

—Yũ mũ merã boabu ããrĩkeregũ: “Masĩbea”, ãrĩgatobirikoa, ãrĩmi.

Ããrĩpererã gũa ãgũ buerã, Pedro ãgũ ãrĩrõsũta ãrĩbũ Jesũre.

*Jesús Getsemanígue Marĩpũre sērēdea
(Mr 14.32-42; Lc 22.39-46)*

³⁶ Pũru Jesús gũa ĩgũ buerã merã waa, Getsemaní wãĩkũrogue eja, gũare ãrĩmi:

—Õõta doaka mũsã dapa! Sõõgue Marĩpũre sērēgũ waagú yáa, ãrĩmi.

³⁷ Irasũ ãrĩ odo, Pedrore, Zebedeo pũrã pērãguereta siiuwãgãmi. ĩgũ bũro gũñarikũ, bũjawereyupũ.

³⁸ Irasũ bũjaweregũ, ĩgũ siiuwãgãnerãrē ãrĩyupũ:

—Bũro bũjawereri merã kũmoma goero péñakoa. Õõta dujaka! Mũsãde yũ kãrĩberosũta kãrĩmerãta yũre yúka! ãrĩyupũ.

³⁹ Irasũ ãrĩ odo, yoaweyaro waanemo, yebague ĩgũya diapure moomejã, Marĩpũre ãsũ ãrĩ sērēyupũ:

—Au, yũ ñerõ tariburire taudũagũ taumasĩa. Yũ irasũ ãrĩkerepũgũ, yũ gããmerõsũ iribirikõãka! Mũ gããmerõsũ gapũ yũre waaburo, ãrĩyupũ.

⁴⁰ Irasũ ãrĩ sērē odo, ƚrerã ĩgũ buerã pũrogue ejagũ, ĩgũsã kãrĩrãrē bokaja, Pedrore ãrĩyupũ:

—¿Nasirirã su horanogãgora mũsã yũre kãrĩmerãta yúmasĩberi?

⁴¹ Kãrĩmerãta! Marĩpũre sērēka, wãtĩ ãrĩmesãrĩrē iribokoa, ãrĩrã! Mũsã gũñarĩ merã õãrĩrē iridũadãa. Irire iridũakererã, bokatĩũbea, ãrĩyupũ.

⁴² Irasũ ãrĩ odo, dupaturi waa, Marĩpũre sērēyupũ doja:

—Au, i yũ ñerõ tariburire taudũabi, mũ gããmerõsũ irika! ãrĩyupũ.

43 Puru ĩgũ buerã urerã puro dupaturi ejagu, kãrĩrãrẽta bokajayuru doja. ĩgũsãrẽ wuja pũritariyuro.

44 ĩgũsãrẽ ĩãkõã, dupaturi Marĩpũre sãrẽgũ waayuru doja. ĩgũ sãrẽaderosũta sãrẽyuru.

45 Puru ĩgũsã puro eja, ãrĩyuru:

—¿Musã siuñajã, kãrĩrã yãri dapa? Yure ããrĩpererã tĩgũrẽ ñerãguere ĩgũsã wiari hora ejasiãa.

46 Wãgãnuãgãka! Náka, waarã! Yure wẽjẽduarãguere yure ĩmubu aarisiami, ãrĩyuru Jesús.

Jesúre ñeãwãgãdea

(Mr 14.43-50; Lc 22.47-53; Jn 18.2-11)

47 ĩgũ irasũ ãrĩ wereripoe Judas, gua Jesús buerã pe mojõma pere su gubu peru pẽrẽbejarã watopemũ ããrãdi ejami. Wãrã masaka sareri majĩrĩ, yuku dukari oparã ĩgũ merã ejama. ĩgũsã paía oparã, judío masaka murã ĩgũsã iriuanerã ããrĩmã.

48 ĩgũsã ejaburi dupuyuro Judas ĩgũsãrẽ Jesúre ĩmubu ãsũ ãrĩ weredi ããrĩmĩ: “Yũ ĩgũya wayupãrã mimigũta ããrĩgũkumi. ĩgũrẽ ñeãka!” ãrĩdi ããrĩmĩ.

49 Irasirigu Jesús puro ejagu, ĩgũrẽ ãrĩmi:

—Guare buegu, ¿ããrĩrĩ mu? ãrĩ, ĩgũya wayupãrãrẽ mimimi.

50 ĩgũ irasirimakũ ĩãgũ, Jesús ĩgũrẽ ãrĩmi:

—Yũ merãmu, ¿nasirigu aarigú iriari? Mu irigura, ãrãdeare irika! ãrĩmi.

Irasirirã masaka Jesús puro eja, ĩgũrẽ ñeãwãgãkõãma.

51 Īgūsā Īgūrē ñeāwāgāripoe sugu Īgū buegu Īgūya sareri majirē tūāwea āi, paia opure moāboeguya gāmpūrē dititā dijukōāmi.

52 Īgū irasirimakū Īāgū, Jesús gapu Īgūrē ārīmi:

—Muya sareri majirē duripikōāka! Sareri maji merā gajerā merā gāmewējērāno, sareri maji merāta wējēsūrākuma.

53 ¿Mūsā masīberi? Yūpūre yu sērēmakū, daporata Īgūrē wereboerārē pe mojōma pere su gubu peru pērēbejari burigora yure iritamumurārē iri-ubokumi.

54 Yu sērēmakū, Marīpuya wenerīri gojadea pūgue gojaderosū waabiribokoa, ārīmi Jesús.

55 Irasū ārī odo, masakare ārīmi:

—¿Nasirirā sareri majirī merā, yukū dukari merā sugu yajarimasūrē ñeārā aarirā irirosū yure ñeārā aarīri? Ūmurikū Marīpuya wiigūe yu mūsārē bue doanīmakū, mūsā yure neō ñeābiribu.

56 Daporare i āārīpereri mūsā yure irasirirā, Marīpuya kerere weredupuyunerā gojaderosūta irirā yāa, ārīmi Jesús.

Īgūrē ñeāmakū Īārā, guā Īgū buerā Īgūrē sugureta ūmaweonūwāgākōābu.

Jesúre oparā pꝛogꝛue āiadea

(Mr 14.53-65; Lc 22.54-55, 63-71; Jn 18.12-14, 19-24)

57 Irasirirā Jesúre ñeānerā paia opu Caifáya wiigūe āiāñurā. Iri wiiguere Moisés gojadeare buerimasā, judío masaka murāde nerēsiañurā.

58 Pedro gapu yoaweyaro Jesúre tuyañajāa, Caifáya wii disipuro ñajārōma yebague eja, Marīpuya wiire korerā surara merā doayupu.

“¿Naásũ iriyuwarikurākuri?” ārīgũ, irogue ã doaníyupũ.

59 Paía oparã, judío masaka murã, ãārĩpererã oparã irogue nerēanerã Jesúre ārĩgatori merã weresãmurãrẽ amarã iriñurã ãgũrẽ wẽjẽmurã.

60 ãgũsã purogue wárã masaka ārĩgatori merã ãgũrẽ weresãrã ejakererã: “ãgũ i ñerõ iridea waja boaburo”, ãrĩ weresãrĩrẽ neõ bokabiriñurã. Purũ gajerã pẽrã ãgũrẽ ārĩgatori merã weresãrã ejañurã.

61 ãsũ ārĩñurã:

—Ñĩ ãsũ ārĩmi: “Marĩpũya wiire béomasã. ðrenũ waaró merãta iri wiire dupaturi iri odomasã”, ãrĩmi, ãrĩñurã.

62 ãgũsã irasũ ãrĩmakũ pẽgũ, paía opu wãgãñugã, Jesúre ārĩyupũ:

—¿ãgũsãrẽ yũjuberi mu? ¿Nasirirã murẽ irasũ ãrĩ weresãrĩ? ãrĩyupũ.

63 Jesús gapũ yũjubiriyupũ. ãgũ yũjubirimakũ ããgũ, paía opu ãgũrẽ ārĩyupũ:

—Marĩpũ okanígũ pẽuro diaye wereka! ¿Muta ããrĩrĩ, Cristo Marĩpũ magũ? ãrĩyupũ.

64 Jesús ãgũrẽ ārĩyupũ:

—ãgũta ããrã mu ãrĩrõsũta. Idere musãrẽ werea. Purũ yũ ããrĩpererã tĩgũrẽ Yũpũ turagu diaye gapũ doamakũ ããrãkoa. ðmugasima mikãyebori weka yũ aarimakũdere ããrãkoa, ãrĩyupũ.

65 ãgũ irasũ ãrĩmakũ pẽgũ, paía opu ãgũ guarire ãmugũ, ãgũya surĩrore tũãyegue, ãsũ ãrĩyupũ:

—Ñĩ irasũ ãrĩ werenígũ, Marĩpũre ñerõ ārĩgũ yãmi. ¿Nasirimurã gajerã ãgũrẽ weresãrĩrẽ neõ pẽnemobokuri marĩ? Musã, ãgũ basita Marĩpũre ñerõ ãrĩrĩrẽ pésiãa.

⁶⁶ ¿Naásũ gũñarĩ? ãrĩyupũ.

—Marĩpũre ĩgũ ñerõ ãrĩrĩ waja boaburo, ãrĩ yujũñurã.

⁶⁷ Irasũ ãrĩ odo, ĩgũ diapure síku eotú, ĩgũrẽ doteñurã. Gajerã ĩgũya diapure pá,

⁶⁸ ãsũ ãrĩñurã:

—Mũ Cristo ããrĩgũ, ãrĩbokaka: “¿Noã mũrẽ pári?” ãrĩñurã.

*Pedro Jesúre masĩkeregũ: “Masĩbea”, ãrĩdea
(Mr 14.66-72; Lc 22.56-62; Jn 18.15-18, 25-27)*

⁶⁹ Iri wii poekague ĩgũsã irasiriripoere Pedro disipũro ñajãrõma yebague doanĩyupũ. ĩgũ irogue doamakũ, sugo paía opũre moãboego ĩgũ pũro eja, ĩgũrẽ ãrĩyupo:

—Mũde Jesús Galileamũ merã ããrĩdita ããrã, ãrĩyupo.

⁷⁰ Igo irasũ ãrĩmakũ pégũ, Pedro ããrĩpererã iro ããrĩrã péurogue ãrĩgatori merã:

—Mũ irasũ ãrĩrĩrẽ pémasĩbirikoa yũ, ãrĩyupũ.

⁷¹ Pũrũ iri wii tũroma sãrĩrõ disipũrogue waayupũ. Irogue gajego ĩgũsãrẽ moãboego ĩgũrẽ ĩãgõ, iro ããrĩrãrẽ ãrĩyupo:

—Jesús Nazaretmũ merã ããrĩdita ããrĩmi ĩĩ, ãrĩyupo.

⁷² Pedro ãrĩgatori merã dupaturi yujũyupũ:

—Marĩpũ péuro diayeta werea. Yũ ĩgũrẽ masĩbea, ãrĩyupũ.

⁷³ Mérõgã pũrũta masaka irogue ããrĩrã Pedro pũrogue waa, ĩgũrẽ ãrĩñurã:

—Mũ diayeta Jesús buerã merãmũta ããrã. Pémasĩrõta ĩgũsã irirosũ werenía, ãrĩñurã.

⁷⁴ ĩgũsã irasũ ãrĩmakũ, Pedro yujũyupũ:

—Marĩpu péuro diayeta werea. Yũ musãrẽ diaye werebirimakũ, Marĩpu yũre wajamoãburo. Ìgũrẽ neõ masĩbea yũ, ãrĩyupũ.

Ìgũ irasũ ãrĩripoeta ãgãbo wereyupũ.

⁷⁵ Pedro, ãgãbo weremakũ pégu, Jesús ìgũrẽ: “Ãgãbo wereburo dupuyuro mũ yũre masĩkeregu, urea: ‘Masĩbea’, ãrĩgatogũkoa”, ãrãdeare gũñabokayupũ. Irire gũñaboka, wĩria, bũjawereri merã bũro oreyupũ.

27

Jesúre Pilato pũro ãĩjadea

(Mr 15.1; Lc 23.1-2; Jn 18.28-32)

¹ Boyodujimejãripoe ããrĩpererã paía oparã, judío masaka mũrã merã nerẽ: “Ãsũ iri, Jesúre wějẽrã”, ãrĩ ãmuñurã.

² Irasũ ãrĩ ãmu odo, Jesúre sia, ãĩwãgã, Poncio Pilato wãikũgũre Judea nikũ marã opũre wiañurã.

Judas Iscariote boadea

³ Ìgũsã Jesúre wějẽrãkuma, ãrĩrĩrẽ pégu, Judas gapũ bũro bũjawereri merã ìgũ Jesúre ìmuadeare gũñayupũ. Irasirigũ treinta niyeru tiri plata merã iridea tiri ìgũsã ìgũrẽ wajaridea tirire paía oparãrẽ, judío masaka mũrãrẽ wiagu waayupũ. Irogue eja, ìgũsãrẽ ãrĩyupũ:

⁴ —Yũ ñetariro iriakubũ. Yũ ñerĩ iribire oparãguere wiadire: “Boaburo”, ãrãñurã, ãrĩyupũ.

Ìgũ irasũ ãrĩmakũ, ìgũrẽ yũjũñurã:

—Mũ irasiriadea guaya meta ããrã. Mũya ããrã, ãrĩñurã.

⁵ Ìgũsã irasũ ãrĩmakũ pégu, Judas Marĩpũya wi-igũ niyeru tirire meéwasiribéo, waakõãyupũ. Waa,

pũgubudare siasiu, ĩgũ basi ĩgũya wánugũrẽ túsánú, parimadija, boakõáyurũ.

⁶ Paía opará niyeru tirire sea neeõrã, àsũ ãrĩñurã:

—I niyeru ĩgũsã masakũre wějẽburi waja wajariadea ããrã. Irasirirã i niyerure Marĩpũya wiima duripĩri kũmague pĩmasĩbirikoa. Marĩrẽ doreri irasiridorebea, ãrĩñurã.

⁷ Pũrũ àsũ ãrĩñurã: “I niyeru merã diiari sorori weagũya nikũrẽ wajariamakũ õãrokoa. Irasirirã gajero marã õõgue boamakũ, iri nikũ ĩgũsãrẽ yáaburi nikũ ããrĩrokoa”, ãrĩñurã.

⁸ Irasirirã masaka iri nikũrẽ: “Dí béodea nikũ ããrã”, ãrĩ wãiyema. Daporaguedere irasũta wãĩkũkõã.

⁹ ĩgũsã irasirimakũ, Jeremías Marĩpũya kerere weredupuyudi gojaderosũta waabũ. Àsũ ãrĩ gojadi ããrĩmĩ: “Israel bumarã treinta niyeru tiri plata merã iridea tirire ĩgũrẽ wajariideare ãĩma.

¹⁰ Irasirirã iri tiri merã diiari sorori weagũya nikũrẽ wajariima. Irasirirã, Marĩpũ yũre: ‘Àsũ irirãkuma’, ãrĩ gojadorederosũta yáma”, ãrĩ gojadi ããrĩmĩ.

Pilato Jesúre sêrẽñadea

(Mr 15.2-5; Lc 23.3-5; Jn 18.33-38)

¹¹ Pilato, Jesúre ĩgũ pũrogue ĩgũsã ãĩjamakũ, ĩgũrẽ sêrẽñayurũ:

—¿Mũta ããrĩrĩ judío masaka Opũ? ãrĩyurũ.

—Mũ ãrĩrõsũta ĩgũta ããrã, ãrĩ yũjũyurũ Jesús.

¹² Paía opará, judío masaka mũrã ĩgũrẽ weresãrĩ gapũre yũjubiriyurũ.

¹³ Irasirigũ Pilato ĩgũrẽ ãrĩyurũ:

—¿Āārīpereri ĭgūsā mure weresārīrē péberi mu? ārīyuru.

14 Jesús gapu neō yujubiriyuru. ĭgū yujubirimakū ĭāgū, Pilato ĭāgukakōāyuru.

Jesúre wējēdoredea

(Mr 15.6-20; Lc 23.13-25; Jn 18.38-19.16)

15 Bojoriku pascua bosenu āārīmakū, Pilato sugu peresugue āārīgūrē masaka wiudoregure wiu-nayuru.

16 Iripoere sugu Barrabás wāikugu peresugue āārīyuru. Masaka ĭgū ñerō irideare masīñurā.

17 Irasirigu ĭgūsā nerēmakū ĭāgū, Pilato ĭgūsārē sērēñayuru:

—¿Nií gapure yu wiumakū gāāmerī musā? ¿Barrabáre, o Jesús: “Cristo” ĭgūsā ārīgū gapure? ārīyuru.

18 Wārā masaka Jesúre buremumakū ĭārā, oparā ĭgūrē ĭāturisīā, Pilato pūrogu āīānerā āārīmā. Pilato gapu ĭgūsā ĭāturirire masīkōāyuru. Irasirigu Jesúre wiudadiyuru.

19 Puru Pilato masaka weresārīrē beyerimasū doarogue doaripoe, ĭgū marāpo ĭgūrē kere iriuyupo: “ĭgū diayema irigure gajerosū neō iribirikōāka! Dapagā ñami ĭgūrē waaburire buro goero kēākubu”, ārī kere iriuyupo.

20 Paía oparā, judío masaka murā gapu masakare āsū ārīdoreñurā: “‘Barrabáre wiuka, Jesús gapure wējēka!’ ārīka!” ārīdoreñurā.

21 Puru Pilato masakare dupaturi sērēñayuru doja:

—¿ĭgūsā pērārē nií gapure yu wiumakū gāāmerī musā? ārīyuru.

—Barrabás gapure wiuka! āĩ yujũñurã.

22 Īgūsã irasũ āĩmakũ pégu, Pilato sērēñayupũ:

—¿Nasirigukuri yũ, ñĩ Jesús: “Cristo” Īgūsã āĩgũ gapure? āĩyupũ.

Āāĩpererã:

—Curusague pábiatú wějěka ĩgūrē! āĩ yujũñurã.

23 Irasirigũ Pilato āsũ āĩyupũ:

—¿Ñeéno ñerĩrē iriari ñĩ, mūsã irasũ āĩmakũ? āĩyupũ.

Masaka gapũ dupaturi gainínemoñurã:

—Curusague pábiatú wějěka ĩgūrē! āĩññurã.

24 Īgūsã ĩgūrē péduabirimakũ, Īgūsã guari merã gainímakũ pégu, Pilato dekore āĩwãgãridoreyupũ. Iri merã masaka ĩũrõ mojõkoe, āsũ āĩyupũ:

—Ĩrē waja opabire wějědoreri, yũ doreri meta āārã. Mūsã doreri āārã, āĩyupũ.

25 Īgũ irasũ āĩmakũ pérã, āāĩpererã masaka āsũ āĩññurã:

—Gua mūrē ĩrē wějědoreri waja, gua, gua pũrã āāĩpererã merã waja oparãkoa, āĩññurã.

26 Īgūsã irasũ āĩmakũ pégu, Pilato Barrabáre peresugue āāĩgūrē wiuyupũ. Pũrũ surarare Jesúre tãrãdore, ĩgūrē ĩgūsãrē wiayupũ, ĩgūrē curusague pábiatú wějědoregũ.

27 Irasirirã surara Jesúre Pilatoya wiima yebague āĩjañurã. Irogue āāĩpererã surarare Jesús pũro neeõñurã.

28 Pũrũ ĩgũya surírore túwea āĩ, opũya suríro irirosũ deyoriñe diariñerē ĩgūrē sãñurã.

29 Pora merã iriadea berore ĩgũya dipurure peoñurã. Irasiri odo, yukũre diaye gapũ moãsua,

Īgū puro ñadukupuri merã ejamejã, Īgūrē ãsũ ãrĩ buridañurã:

—Buremurã aarika judío masaka Opure! ãrĩñurã.

³⁰ Īgūrē síku eotú, Īgūsã moãsuadire tũãwea ãĩ, irigu merãta Īgũya dipurure pãnañurã.

³¹ Īgūrē burida odo, Īgūsã sãdea surírore túwea, Īgũya suríro gapure sãñurã doja. Sã odo, curusague pábiatú wějẽmurã Īgūrē ãĩ wiriakõãñurã.

Jesúre curusague pábiatúdea

(Mr 15.21-32; Lc 23.26-43; Jn 19.17-27)

³² Īgūsã Īgūrē ãĩwãgãrã, sugu masakure Simón wãikugu Cirenemurẽ bokatĩrĩma. Īgūrē Jesús kõãdea curusare kõãdorema.

³³ Īgūrē irasũ ãĩwãgãrã, Gólgota wãikurogue ãĩjama. “Gólgota”, ãrĩrõ: “Masaku dipuru boaweadea pero”, ãrĩduaro yãa.

³⁴ Irogue eja, igui deko sũĩrĩ merã morẽdeare Jesúre tĩãdima. Jesús irire iirĩña, pura iirĩbirimi.

³⁵ Īgūrē curusague pábiatú ãĩwãgũnú odo, surara Īgũ surí sãñadeare: “Ubu ãrĩboka birarã: ‘¿Noãrẽ dujarokuri?’” ãrĩma, irire Īgūsã basi gãme dukawamurã. Īgūsã irasirirã, Marĩpuya kerere weredupuyudi gojaderosũta irima. ãsũ ãrĩ gojadi ããrĩmĩ: “Yaa suríre Īgūsã basi ãrĩboka bira dukawarãkuma”, ãrĩ gojadi ããrĩmĩ.

³⁶ Irasiriadero pura, surara curusa puro eja doama, Jesúre korerã.

³⁷ “Ĩĩ ãsũ iridea waja boami”, ãrĩrã: “Ĩĩta judío masaka Opũ ããrĩmĩ”, ãrĩ gojadea majĩrẽ curusague Jesúya dipuru weka pábiatúma.

38 Pērã yajarimasãdere curusarigue pábiatú ãiwãgũnúma. Sugure ìgũ diaye gapu, gajigure ìgũ kúgapu pábiatú ãiwãgũnúma.

39 Masaka Jesús puro tariwãgãnarã, ñerõ ãrĩ burida, ìgũsãya dipure yure, ãrĩma:

40 —Mu ãsũ ãrĩ wereníbu: “Marĩpaya wiire béo, puru arenu waaró merãta iri wiire dupaturi iri odogukoa”, ãrĩbu. Irasirigu mu basi tauka! Mu diayeta Marĩpu magũ ããrĩgũ, curusague merã dijarika! ãrĩma.

41 Irasũta paía oparã, Moisés gojadeare buerimasã, fariseo bumarã, judío masaka murãde ãrĩ buridama. ãsũ ãrĩ gãme wereníma:

42 —Gajerã gapure taumi. Ìgũ basi gapu tau-masĩbemi. “Israel bumarã Opu ããrã”, ãrĩmi. Irasirirã, curusague merã ìgũ dijarimakũ ìãrã, marĩ ìgũrẽ buremurãkoa.

43 Ìgũ: “Marĩpure buremua, ìgũ magũ ããrã”, ãrĩmi. Irasirigu ìgũ ãrĩderosũta Marĩpu ìgũrẽ maĩgũ, iritamuburo, ãrĩ buridama.

44 Yajarimasã Jesús puro curusarigue pábiatú ãiwãgũnúnúanerãde irasũta ìgũrẽ ñerõ ãrĩ buridama.

Jesús boadea

(Mr 15.33-41; Lc 23.44-49; Jn 19.28-30)

45 Goeripoe ããrĩmakũ, i nikũ ããrĩpererogue naĩĩãkõãbu. Ùre hora gora naĩĩãbu.

46 Ùre hora ejamakũta Jesús buro gainími:

—Elí, Elí, ¿lama sabactani? ãrĩmi. Irasũ ãrĩgũ: “Yu Opu, yu Opu, ¿nasirigu yure béori mu?” ãrĩgũ irimi.

47 Surãyeri irogue ããrĩrã, ìgũ irasũ ãrĩ gainímakũ pérã:

—Marĩpuya kerere weredupuyudire Eliare si-
iugu yámi, ãrĩma.

⁴⁸ Mata sugu ĩgũsã merãmu ũmawãgã, igui deko
piari yosadea yũsure yuku yuwague siatú, ãĩwãgã,
Jesúre iirĩburo, ãrĩgũ, soemuúmi.

⁴⁹ ĩgũ irasirimakũ ĩãrã, gajerã gapu ãsũ ãrĩma:

—Iropãta irika! Elías ĩgũrẽ taugu aarimakũ
ĩãñarã dapa marĩ, ãrĩma.

⁵⁰ Jesús dupaturi buro gainínemo, kũmoakõãmi.

⁵¹ ĩgũ kũmomakũta, Marĩpuya wii poekama
taribu disipuro kãmutari gasiro ũmarõ gapu merã
yegue dijari, deko merã yeguesiajayuro. Nikũ
buro ñomebu. Ũtãyeri pagayeride waariakõãbu.

⁵² Masãgoberi tũpãkõãyuro. Wárã Marĩpue
buremurã boanerã masãñurã.

⁵³ Jesús masãdero puru, ĩgũsã masãgoberigue
ããrĩnerã wiria, Marĩpuya makãgue Jerusalẽgue
waañurã. ĩgũsã irogue ejamakũ, masaka wárã
ĩgũsãrẽ ĩãñurã.

⁵⁴ Romano marã surara opu ĩgũyarã surara
merã Jesúre koreanerã, nikũ ñomemakũ, ããrĩpereri
irasũ waarĩre ĩãrã, buro guka, gũiri merã ãsũ ãrĩma:

—Ĩ diayeta Marĩpu magũ ããrãdañumi, ãrĩma.

⁵⁵ Wárã nome yoaweyarogue Jesúre ĩũníma.
Ĩgũsã Galileague Jesúre iritamugorenanerã nome
ããrĩmã.

⁵⁶ ĩgũsã nome watopeguere María Magdalena
wãĩkũgo, gajego María wãĩkũgo Santiago, José
pago, gajego Zebedeo marãpo ããrĩmã.

*Jesúya dupure masãgobegue pídea
(Mr 15.42-47; Lc 23.50-56; Jn 19.38-42)*

57 Puru naĩmejãripoe ããrĩmakũ, José wári opagu, Arimatea wãĩkari makãma iroque ejami. Īgũ Jesús buerire tuyagu ããrĩmĩ.

58 Irasirigu Pilato pũroque waa, Jesúya dupure yáabu sērēyuru. Īgũ ãrĩ sērēmakũ pégu, Pilato surarare Jesúya dupure sídoreyuru Īgũrē.

59 Irasirigu José waa, Jesúya dupure ãĩdiju, õãrĩ suríro gasiro gurari marĩrĩ gasiro merã Īgũya dupure õmayuru.

60 Ōma odo, Īgũrē yáabodea masãgobegue píyuru. Iri gobe, maama gobe ũtãyegue mádea gobe ããrĩyuro. Iroque Jesúya dupure pí odo, wári majĩ ũtã majĩ merã iro ñajãrõrē õãrõ biakõã, waakõãyuru.

61 Īgũ irasiriripoe María Magdalena, gajego María merã iri gobe bokatĩũrõ ĩũdoanĩĩnurã.

Surara Jesúya dupure pídea gobere koredea

62 Gajinu gapu judío masaka siuñajãrĩnu* ããrĩmakũ, paía oparã, fariseo bumarã Pilato pũroque waañurã.

63 Āsũ ãrĩñurã Pilatore:

—Gua opu, sõõ ããrĩdi okagugue ãrĩgatorikugu ãrĩdeare gua gũñáa. Āsũ ãrĩmi: “Yu boa, urenu puru masãgukoa”, ãrĩmi.

64 Irasirigu mũyarã surarare urenugora Īgũya dupure píaderogue koredoregu iriuka, Īgũ buerã ñami merã Īgũya dupure yajabirikõãburo, ãrĩgũ! Īgũsã yajadero puru masakare: “Jesús boadigue masãkõãmi”, ãrĩbokuma. Irasiriro Īgũ ãrĩgatodea nemorõ Īgũsã ãrĩgatori gapu ñetarirokoa, ãrĩñurã.

* 27:62 Judío masaka siuñajãrĩnu, sábado ããrã.

65 Īgūsā irasū ārīmakū, Pilato yujuyupɜ:

—Jáɜ, ĩsā yaarā surara oōgue āārīma. Īgūsārē āīaka, iri masāgobe gajerosū waari, ārīrā! Irasirirā masā bokatīūrō Īgūsārē koredoreka! ārīyupɜ.

66 Īgū irasū ārīmakū, Īgūsā waa, iri gobe biadea ūtā majīrē oārō wītābiatoñurā, masaka Īgūsā ñajādeare ĩāmasīrāra, ārīrā. Irasū āārīmakū, surarare iri gobere oārō koredoreñurā.

28

Jesús masādea

(Mr 16.1-8; Lc 24.1-12; Jn 20.1-10)

1 Judío masaka siuñajārīnɜ pɜɜ, gajinɜ boyodu-jimejāripoe gaji semana ñajārīnɜ āārīmakū, María Magdalena, gajego María merā Jesúre pídea gobere ĩārā waañurā.

2 Gūñaña marīrō nikū buro ñomeyuro. Irasū waaripoe marī Opɜre wereboegɜ ūmugasigue merā dijari, masāgobere Īgūsā biadea ūtā majīrē tūpā, iri majī weka doayupɜ.

3 Īgū bupu miārōsū oārō gosewasirigɜ āārīyupɜ. Īgūya surīro oārō borero āārīyuro.

4 Surara iri gobere koreanerā ĩgūrē ĩārā, buro gūiri merā narada, kōmorā irirosū waañurā.

5 Pɜɜ Marīpɜre wereboegɜ irogue ĩārā waanerā nomerē ārīyupɜ:

—Gūibirikōāka! Yɜ masā, mɜsā Jesús Īgūsā curusague pábiatú wējēadire āmarā yāa.

6 Īgū oōrē mámi. Īgū ārīderosūta masāsiami. Īgūya dupɜre Īgūsā piaderore ĩārā aarika!

7 Pɜɜ mumurō merā ĩgū buerārē: “Īgū boadi āārīkeregɜ, masāmi. Mɜsā dupuyuro Galileague

waagukumi. Irogue ĩgũrẽ ĩārākoa”, āĩ wererā waaka! Irire m̄sārẽ weregũ aarigũ iriabũ, āĩyupũ Marĩpũre wereboegũ.

⁸ ĩgũ irasũ āĩmakũ pérā, masāgobere ĩārā waanerā nome gũikererā, mumurõ merā m̄s̄yari merā Jesús buerārẽ wererā ũmadujáañurā.

⁹ ĩgũsā ũmadujáarā nomerẽ Jesús ĩgũsārẽ bokatĩrĩ, õãdoreyupũ. ĩgũrẽ ĩārā, ĩgũ pũro ñadũkũpuri merā ejamejā, ĩgũya guburire ñeã, ĩgũrẽ b̄remuñurā.

¹⁰ Jesús ĩgũsārẽ āsũ āĩyupũ:

—Gũibirikõaka! Yaarā yũ buerārẽ: “Galileague waaka!” āĩ wererā waaka! Irogue yũre ĩārākuma, āĩyupũ.

Surara ĩgũsā ĩãdeare weredea

¹¹ ĩgũsā nome Jesús buerārẽ wererā waaripoe surāyeri surara masāgobere koreanerā Jerusalēgue waañurā. Irogue eja, paía oparārẽ āārĩpereri masāgobegue waadeare werepeokõañurā.

¹² ĩgũsā irasũ āĩ weremakũ pérā, paía oparā, judío masaka m̄urā merā nerẽñurā. Irasirirā ĩgũsā: “¿Nasirirākuri?” āĩ āmu odo, surarare wáro niyerure sĩ,

¹³ āsũ āĩñurā:

—Masakare āsũ āĩka: “Ñami merā gua kārĩripoe Jesús buerā masāgobegue eja, ĩgũya dupũre yajakõānerā āārāma”, āĩka!

¹⁴ Pilato m̄s̄sā irasũ āĩ kerere pémakũ, gua ĩgũ merā werenírākoa, m̄s̄sārẽ wajamoãbirikõãburo, āĩrā, āĩñurā.

¹⁵ ĩgũsā irasũ āĩmakũ pérā, surara niyerure ñeã, waakõañurā. Pũrũ paía oparā ĩgũsārẽ weredore-aderosũta gajerārẽ wereñurā. Irasirirā, ĩgũsā irasũ

ãrĩrĩ kerere wárã judío masaka pénerã ããrĩmá. Daporaguedere ãgũsã ãrĩgatodeare buremukõãma dapa.

*Jesús ãgũ buerãrẽ ãgũyare buedoregũ pídea
(Mr 16.14-18; Lc 24.36-49; Jn 20.19-23)*

¹⁶ Pũrũ gũa Jesús buerã pe mojõma pere su gubu suru pẽrẽbejarã Galileague waa, buúrugue ãgũ gũare waadoredea buúrugue waabu.

¹⁷ Iroque eja, Jesúre ããrã, ãgũrẽ buremubu. Surãyeri gũa merã waanerã gapũ: “¿Ígũta ããrĩkuriye ããrĩ?” ãrĩ gũñama.

¹⁸ Irasirigũ Jesús gũa pũro aari ejanũgã, ãsũ ãrĩmi: —Yũrũ yũre ããrĩpererogue i nikũ, ãmũgasiguedere dorebure sóosiãmi.

¹⁹ Irasirirã ããrĩpereri buri marã masakare yaa kerere buerã waaka, ãgũsãde mũsã irirosũta yaa buerire tũyaburo, ãrĩrã! Yũrũ wãĩ merã, yũ wãĩ merã, Õãgũ deyomarĩgũ wãĩ merã ãgũsãrẽ deko merã wãiyeka!

²⁰ ããrĩpereri yũ mũsãrẽ doredeare ãgũsãrẽ bueka, irire iriburo, ãrĩrã! Ire masĩka mũsã! Yũ mũsã merã ããrĩnĩkõãgũkoa. I ãmũ pereadero pũrũguedere mũsã merã ããrĩnĩkõãgũkoa, ãrĩ weremi gũare Jesús.

Iropãta ããrã.

Marĩpuya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

